
Librum hunc dignum judicamus

Q U I

IMPRIMATUR,

Tho. Burwell, Præses.

Samuel Collins,
Fr. Slave,
William Dawes,
Tancred Robinson,

} Censores.

Dat ex Aedibus Collegii nostri,
Nozemb. 3. 1693.

Librum hunc dignum judicamus

Q U I

IMPRIMATUR,

Tho. Burwell, Præses.

Samuel Collins,
Fr. Slave,
William Dawes,
Tancred Robinson,

} Censores.

Dat ex Aedibus Collegii nostri,
Nozemb. 3. 1693.

Martini Lister

Exercitatio Anatomica.

In qua de *Cochleis*,
Maximè *Terrestribus & Limacibus*, agitur.

Omnium Dissectiones

Tabulis æneis, ad ipsas res affabrè incisis,
Illustrantur.

*Dissecanda sunt, non solum humana Cadavera ;
sed & Aves, Pisces, Quadrupedia, Insecta,
Amphibia, &c. ut singularum partium in-
notesceret officium : Cùm aut quædam in
aliquibus deficient, aut quid analogum repe-
riatur, aut saltem notanda occurrat aliqua
diversitas, quæ sæpè maximam lucem afferat.
Adrianus Auzoutius.*

L O N D I N I :

Sumptibus *Sam. Smith & Benj. Walford*, Socie-
tatis Regiæ Typographorum ad Insignia
Principis in Cœneterio D. Pauli. 1694.

Elenchus Rerum.

P *Ræfatio.* 1. De integris *Cochleis* ac *Limacibus*. *Pedis descriptio.* 2. *Rugæ earum Limacumq;* & quo artificio magis conspicuæ fiant. 3. *Cochlearum terrestrium, Limacumq;* quatuor cornua; quorum superiora & longiora oculos capitellis suis exhibent: Inferiora & minora meræ antennæ sunt & quare. 4. *Cochlearum, Limacumq;* labrum in duo finditur. *Oris descriptio;* in quibus promuscis, & in quibus non est. 5. Sex meatus naturaliter aperti. 6. Collare quoddam cartilagineum in *Domiportis Cochleis;* cui plagula scapularis in *Limacibus* respondet. 7. *Cochlearum testæ & opercula factitia,* quomodo & quando conficiantur. *Limacum tergora Testarum* usus præstant. 8. *Cochlex Gesneri Pomatix dissectio.* *Ejus ligamentum,* quo testæ connectitur: Per hoc testæ nutritur. *Ingens Cavitas totum dorsum occupans.* *Foramen branchiale,* per quod aer, humorq; aqueus attrahitur. *Sepia, Loligo, Polypus* inter testacea animalia, etiamsi testis careant

reant, Limacum ritu, numerari debent; ex nau-tilorum natura satis constat. Foraminis branchialis elegans valvula. 9. Prima administratio Anatomica. Intestini recti situs exitusq; pone valvulam auriculariam ad foramen branchiale. Viscus quoddam cinereum figuræ conicæ, ad fundum cavitatis branchialis, dorso incumbit; ipsiq; membranae dorsali ejusve velamento inseritur. 10. In sinistro latere ceu quodam sinu hujus visceris cinerei Cor ponitur. Ejus Pericardium magnum, humore crystallino replatum. Ipsum Cor mollius, conicum, triquetrum, unico ventriculo donatum; ipso cono adligatum membranae dorsali. Harvæus reprehenditur de Cordis Cochlearum fabrica, Cordis motus in pellucidis testis quibusdam valde conspicuus. Eadem pelluciditas in squilla marina, autore Harvæo. Cordis humor vitalis sub cæruleus, & valde liquidus. Ex coctione vivorum animalis admodum in aorta concrevit, ejusq; rei ratio. 11. Venas ab arteriis distinguere difficile est, & quare. Branchiæ villosæ, sive cirratæ, membranae dorsali adfixæ. Cor Limacum, & partes ipsi administrantes; ut Pericardium, venæ, viscus præcordiale. Venæ cavæ ascensus in Cor. In Limace nigro ipsæ venæ argenteæ sunt: Eadem venæ lactearum quoq; locum in his animalibus suppleant. Aortæ egressus è corde; Cava crassior est. Aortæ distributio in Limacibus; ad

(III)

ad quas partes ejus ramificationes feruntur. Positio & figura cordis in Limacibus. Branchiæ similes atq; in Cochleis, cucullo adfixæ. 12. In Limace nigro quædam materia cretacea cucullo substernitur; idem ossiculum tenue in reliquis limacibus est; cordi superinjicitur munimenti causa. Ossiculi descriptio. 13. Experimenta quædam de insigni vivacitate horum animalium, cordisq; motu; & quod ejus motus iis voluntarius, & non merè naturalis est, ut in homine; diutiusq; itaq; vivunt, etiamsi omni aere externo priventur. Digressio de respiratione: In quo ostenditur, pulmonum primarium usum esse, ad superabundantes venas continendas. 14. Secunda sectio, quomodo differat positio partium in Cochleis à perfectioribus animalibus. Caput, sive calvaria à pelle naturalitèr solutum. Dens in superiore maxilla unicus. In Limacibus quibusdam tricuspis. Sepiæ dentes figurantur. Exigua Fistula cæca ad mentum, & in faucibus. Capitis constitutio sine cerebro. In limacis nigri occipitio duæ maculæ candidæ, an de nervorum cerebrive natura! capitis muscoli retractorii. Item omenti totidem suspensorii. 15. Omentum bifidum stomachum contegit. 16. Ingluvies sive stomachus superior magnæ capacitatis. Ipse ventriculus parvus; Idem in limace nigro sacculus cæcus & oblongus est. A sine

(IV)

ventriculi aut proximè sub pylorum duo insignes ductus intestinales, per hepar discurrentes. Aere in ventriculum inflato & ipsum hepar intumescit. In limace nigro istorum ductuum distributio manifestior. Limacum omnium hepar bifidum. Intestinorum revolutiones. Intestinorum exitus ori vicinus, ejusq; rei commoditas. Cochleæ pondus. Intestinorum mensura. 17. Hepar: Ejus substantia valde tenera & friabilis; Meconium veteribus dictum; istius nominis ratio. Hepar istiusmodi non aliud, quam intestinorum quædam Appendices. Conjecturæ quædam de ejus usu. Argumenta quibus sententia nostra confirmatur. 18. Cochlearum ac limacum victus fere herbaceus. Herbas exsuccas fieri digestionem ventriculi & intestinorum. Chylum ab hepate, ventriculo, Intestinis, ipsaq; etiam inglutie transire in venam cavam. Visceris cinerei sive præcordialis ratio ac usus. Humor vitalis quomodo distribuatur. 19. Succus vitalis è vulneratis Cochleis missus, liquidus & integer permanet; nec unquam sese dividit in duas partes, aut concrescit; nisi si igni admoveatur. Ex microscopio inspectus ut se habeat. Glissonius de succo Ostrearum vitali in sanguinem mutato reprehenditur. Triplex minimum succus vitalis in Animalibus. Color sanguinis arteriosi floridus, maximè ab incuneatione aëris oritur.

tur. Lowerus redarguitur de experimento
 insufflationis in pulmones, quo sanguis ater
 & venosus in coccineum mutatur. 20. De
 muco Cochlearum cutaneo mirè glutinoso sa-
 livæ comparando. Is alias atq; alius est
 in diversis corporis partibus. In quibusdam
 gypseus. De succo coccineo à fluviatilibus
 quibusdam Cochleis effuso. Piscium sanguis
 tenuis & liquidus, & subitò putrescere ap-
 tus, adeoq; eorum carnes facilis digestionis
 sunt. 21. Organa generationi inservien-
 tia. Cochleæ androgynæ sunt. Membrum
 genitale biceps. Capreolus ad penem per-
 tinens. Nodus in pene spinnullis uncinatis ex-
 asperatus. Swammerdami de coitu Cochle-
 arum figura fictitia. Limacum quorundam
 coeundi modus. Limaces androgyni sunt;
 quibus differant à Cochleis. 23. Uteri ma-
 trix siue vagina. Capsula pyriformis aut
 cylindracea, quâ stimulus quidam veneris
 continetur. Antiquorum notitia de hac &
 altero Officulo in Cochleis ac Limacibus re-
 pertis exponitur. 24. Appendiculæ cæcæ
 siue folliculi quidam digitati ad Fundam ute-
 rinam. 25. Penis flagelliformis exiguo glo-
 bulo terminatur. Tendo peni adnexus. Du-
 ctus seminalis. 26. Uterus ad vaginæ
 fundum incipit. 27. Vesicula lenticularis
 glandulam subcarneam includens verus Tes-
 ticulus est. Ductus idem seminalis Testicu-
 lo appensus, quomodo differat in Limaci-
 bus.

(VI)

bus. Eadem vesicula in Cochlea quadam
terrestri ambiguae conformationis. 28. U-
terus cellulatus, longum productus. Ex a-
qua maceratus valde intumescit instar gum-
mi Tragacanthi. Contra ex spiritu vini
dicto indurescit. Junio ineunte, ova in ipso
Utero videre licet, quo fere tempore ea pari-
unt. 29. Ova Sphaerica, alba. Cujusdam
Cochleae terrestris à Surinam ova mirae mag-
nitudinis. Scrobiculos ampullatos, in qui-
bus ova deponant, in terra effodiunt. Li-
macum uterus & ova. 30. Lactes pars Ge-
nitalium speciosissima; cum utero. extremo
commissa. Levitè cocta instar succini trans-
lucet. In Cochleis integra, & sine ulla
fissura. In fluviatibus Purpuris coccinea.
In Limacibus eadem crebris fissuris incisa
glandularum conglobatarum quarundam more.
Ejus usus. 31. Infundibulum, quo ova ad
Uterum transeunt. In Limacibus ut discre-
pet. 32. Ovarium in Cochleis ipsi hepati
profundè insertum; in Limacibus solutius &
granulatum; post partum effactum, è follicu-
lis quibusdam brevibus constare videtur.
Cochleae coeunt ante ovorum in Uterum dis-
censum. 33. Vesica urinaria & Renes de-
sunt, & quare. 34. De ratione duplicati
sexus aliquae conjecturae. 35. Cochleas ve-
nerem vehementè stimulare antiquis credi-
tum; quae earum mangonii ratio. 36. Qui
tendines nervosi, & spinalis medulla in
Cochleis.

(VII)

Cochleis. Earum cutis ex toto tendinosa. Cerebrum iis deesse, perinde ut aliis quibusdam animalibus. Piscibus perparum ejus pro ratione corporis. 37. Undulatio in planta pedis Cochlearum ac Limacum, quâ earum progressus expeditur. Cochlearum inedia & hyberna. Jejunii ratio, & cur non ab eo, ut ut diuturno, pereant. Peroratio.

Man-

THE HISTORY OF THE
CITY OF BOSTON

FROM THE FIRST SETTLEMENT
TO THE PRESENT TIME

BY NATHANIEL BATES

IN TWO VOLUMES

VOLUME THE SECOND

BOSTON: PUBLISHED BY
J. B. ALLEN, 1825

THE HISTORY OF THE
CITY OF BOSTON

FROM THE FIRST SETTLEMENT
TO THE PRESENT TIME

BY NATHANIEL BATES

IN TWO VOLUMES

VOLUME THE SECOND

BOSTON: PUBLISHED BY
J. B. ALLEN, 1825

Mantissæ Elenchus.

Cochleæ hortensis majusculæ in media hyeme dissectio. Testarum accurata occlusio ; ejusq; rei ratio & usus. Entius redarguitur. Cor sub illo tempore languidè admodum pulsare. Succum Cochlearum vitalem hyeme nec consumi , nec crassescere. Appendices Uterinæ accuratiùs describuntur. Animadversiones quædam huic dissectioni attexuntur. Needhamus refutatur de magnitudine auriculæ, & venarum in Piscibus. Item Peierus de usu Lymphæ ac chyli, eorumq; ductibus. Lactearum & lymphæ ductuum aliquot usus : Et cur non dentur in Avibus & Piscibus. Nutritionis ratio, ferè in perpetua arteriarum è succo vitali plenitudine. Tenuitas sanguinis in Piscibus in causa est cur iis non nisi unico cordis ventriculo unicq; auricula opus sit ; Needhamus reprehenditur de paucis diverticulis in Piscibus. De magna amplitudine auriculæ & venarum in Piscibus conjectura : Cur in Cochleis exiguæ sunt auriculæ Cordis. Magnæ quantitatis aëris in venis Piscium
usus,

usus, & necessitas. Caldesi eximiae quædam observationes de Testudinibus. Henthiavius laudatur ob egregium libellum. Molles & admodum laxas etiam vesiculas cordis posse constringi; idq; exemplo musculorum marinorum confirmatur. Altera Cochlea dissecta medio Octobri. Uterum ex parte ejectum fuisse. Uteri exponendi aliqua causa, ne fœtus dissipentur. Differentia inter Uterum integrum intusq; servatum, & expositum. Fœtum exponendi necessitas in aliquibus animalibus ob uteri angustias. Tertia Cochlea dissecta, exeunte Novembri. Viscus in una ex iis Cochleis morbosum; viz. Ex croco resuscens. Simile vitium forte Glissonio imposuit de succo sanguineo in Ostreis. Margaritæ aliud vitium in Ostreis; istius vitii causa, & quomodo propogari possit, ad divitias comparandas. Grenius reprehenditur. Non in omnibus animalibus cor rufescit; in crustaceis id candidum est. Antiqua divisio animalium in sanguinea & exsanguia contra Peierum defenditur. Reliqua notatu digna in hac dissectione. Cum Malpighio & Jacobæo de numero ventriculorum in limace concordia instituitur. Intestina cæca non esse de natura Pancreatis & quare. His explicat Mantissa.

Index Tabularum.

A Ppendicula *de quibusdam Polypi, Loliginis & sepia visceribus ex Aldrovando, Swammerdamio, & Francisco Redi.*

ERRATA Typographorum sic corrigenda sunt.

PAg. 3. ad marginem l. amphorarum. 4. l. 14. tædii. 5. l. 20. prætereundum. l. 22. pridem. 16. beneficium. 19. l. 15. disertius. 21. l. 7. injuria. 42. l. 2. egeant. 44. l. 13, 14. continuam & non interruptam reciprocationem. 46. l. 19. abstersione. 53. l. 1. &. 60. l. 10. at. 81. l. 15. de istiusmodi hepatis. 89. l. 13. anfractuoso. 95. l. 22. at. 96. l. 22. colorem. 98. l. 11. æmulari. 114. l. 10. exercitatione. 125. l. 5. aliquando. 142. l. 16. communem. 145. l. 4. levis. 147. l. 20. expetitas. 154. l. 3. terræ.

i-

4.

m.

a.

on

ae.

di


l.

i-


u-

l.

Cochlea Pomatia, edulis Gesneri.



Limax, Succini colore, albidis maculis insignitus.



Exercitatio Anatomica

D E

Cochleis terrestribus Limacibusque

PRÆFATIO.

QUI Pictura excellunt, ad operis elegantiam materiæ dignitatem adhibere solent. Etenim vilioribus rebus pingendis tantum non sordescit ingenium. Item in arte Poetica personarum amplitudo opus commendat ; hinc præcipua Tragediæ æstimatio ; quippe in Comoedia de plebe ferè agitur. In Anatomia verò haud multo aliter se res habere videtur : Siquidem qui humanum corpus scrutantur, etiamsi sit

B crambe,

crambe centies cocta, populo tamen placent, quas faciunt Tabulas, ad nauseam usque repetitæ. Atque hæc excellens materiæ commendatio est. Si quis tamen Canicidium, aut viliorum Animalium sectiones sequatur; etiamsi æquis quibusdam rerum naturæ æstimatoribus haud ingrata sint; Artificem tamen ferè nugatorem esse volunt. At animalcula minuta si quis disseccuisse audeat, eum spectatorum risum movere certum est; nisi alter Harvæus, Malpighius, aut ipse Redi esset. Ego autem nomen, aut alicujus applausum non vehementer capto. Etenim hæc exercitationes mihi olim juveni voluptati & in deliciis fuere; eadèmq; jam in senectute solatio sunt. Et cum jam primum microscopio, ex visus defectu uti cogar, ejusdem ope me rursus iisdem studiis frui, quæ diu nudis oculis denegata sunt, magnopere gaudio.

Deinde, esto! Cochleæ sint insecta; at eorum longè nobilissima
pars

(3)

pars sunt. Etenim magnitudine

† reliqua id genus animalia facile superant; etiamſi maximæ mediæve Cochleæ, nos in hac Orbis regione Septentrionali degentes penes non ſint : in rerum tamen natura, (ſi aut veteribus, aut itinerantibus hodiernis fide dignis, credere fas eſt) ex iis dantur, quæ vel majuscula, animalia ſanguinea æmulentur. Item, quòd ad perfectiora, id

† De Polypi inaudita magnitudine. Vide *Plin. lib. 9. c. 30.* Oſtendere Lucullo caput ejus, dolii magnitudine, ampliorarum quindecim capax, &c. in exterioribus Carteiæ locis Polypum Talenti (i.e. centum minimùm librarum) pondo capi, Strabo Author eſt, l. 3.

Loliorum quinque; cubitorum meminit Ariſtoteles.

Loligines Illyricas maxima animalia eſſe, ex gladio earum pedali conſtat, apud Aldrovandum depicto. De Moll. 1.

Cochleæ terreſtres valdè amplæ ſunt, quædam ex Africa, quæ vocantur Solitanæ, ita ut earum Calices quadrantes octoginta capere poſſint. *Varro.* At Quadrans Sextarii quarta pars eſt, & uncias quinque capit menſura vini. Ergo quadrantes octoginta, ſextarios viginti efficient. Hoc eſt tres Congios cum duobus ſextariis, ex Calculo Geſneri.

Ex Conchis Indicis ſunt, quæ ſexcentas Libras pendent teſte Oleario : intra quas integros homines Tumulare apud Chinenſes ſeptentrionales mos eſt.

est, sanguinea animalia (id quod ex nostris dissectionibus manifestum fiet) certè cordis motu, & figura, quæ vitæ principia longè præclarissima sunt, proximè accedant.

At rationem præcipuam, qua motus sum, ut hæc dissectiones præ aliis in præsentiarum aggrediar, non tacebo; nimirum, cum Historiam five Methodum Conchyliorum Universalem ad umbilicum jam perduxeram; idque ingenti pecuniæ propriæ dispendio feceram; cùmque rem tam perplexam, & tedii plenam, summa, (me certe iudice) cura, & elegantia tantum non confecissem; ea tamen, ut video, aliquibus severioribus ferè nihili æstimata sunt, nisi illorum etiam animalium aliquam *Anatomen* exhiberem. His itaque, quantum in me est, ut satisfacerem, Historiæ nostræ filum sequi in animo est. Quæ cùm à terrestribus Cochleis, & Limacibus incipiat, earum dissectiones primùm institui, reliquasq;
omnes

omnes (de Conchyliorum generibus loquor) ordine quasque suo persequi, si Deus mihi vitam otiumque dederit, proposui. Sed propter adversam valetudinem nihil amplius promitto.

Quoniam autem in hac prima Cochlearum in Terrestres Domiportas & Limaces divisione Anatomiam *comparativam* scribere volui; etiam si unam è multis, exempli gratia, cultro subjecerim, plurium tamen Cochlearum, Limacumque dissectiones in aliis Tabulis exhibuisse non alienum fore putavi: Nempè, quo major rei admodum obscuræ lux effulgeat, inq; usu & descriptione partium, tam exiguarum, fides certior concilietur.

Illud insuper silentio non præter eundem est; duos esse, eosque admodum eruditos viros, qui Cochlearum Anatomem non ita prodim ediderunt; videlicet, Franciscum Redi & Harderum. Horum equidem Tabulas in historiam nostram Conchylio-

* Cat.
Plant. cir-
ca Canta-
br. nas-
cent. ante
30 annos
edito.

rum, honoris causa, libentè assumpsi :
& si quid in hac exercitatione ab iis
uspiam mutuatus sim, id grato ani-
mo verbisque acceptum refero. Mi-
hi autem alia, & longè diversa parti-
um *plerarumque*, maximè Genitalium,
ut conferenti patebit, & descriptio
& explicatio est : quòd alia de his
animalibus jam diu * ab eruditissimo
viro Domino *J. Ray* dedicerim ; nem-
pè, ea esse Androgyna. Cùm itaque
de hac re vel altè fileant, vel perfun-
ctoriè tantùm ex *Swammerdamio* me-
minerint supra laudati scriptores, e-
jus rationem privatim à me, quanta
potui diligentia, exponendam esse
credidi.

*Quæ itaque de integris Cochle-
is, maxime terrestribus, &
Limacibus hætenus observare
potui, hæc sunt :*

I. **I**Mprimis Pes, latus, planus, læ-
vis, & tantum non cartilagi-
nosus est. Huic corpus insidit ; ca-
put vero ultra eum paululum exten-
di potest. Pes in plena ejus expan-
sione & ante & retrò acutus est. In
Turbinibus autem Fluviatilibus ante
admodum latescit, & retrò ferè, cly-
pei alicujus modo, obtusior est. Ex-
pansa ejus latera tenuiora sunt ; & in
terrestribus Cochleis, quasi limbo
crispo donantur. Idem in earundem
Cochlearum progressu undulatim
movetur, imò verò in plerisque Li-
macibus media pedis planta velut
pellucida est, canalémque quendam
aëreum repræsentat, perpetuis undis

à cauda ad caput progredientibus conspicua. De quà re infrà in dissectionibus plura dicemus. Aquatiles verò Cochleæ, ope pedis, in summa aqua expansi, quasi pendent, nātantque.

2. De *Rugis* autem profundè sulcatis, in Cochlearum cervicibus, limacumque dorso cutèque adeo earum superiore admodum exasperata, hæc sentio ; nimirum, eas mucum continere aptas natas esse ; cujus copia & mira viscositate hæc animalia non tantum contra aëris injuriam, sed & aliorum animalium deprædationem se tueri solent : Certè Limaces non tantum Testa, sed brachiis, pedibus, corniculis ad defensionem idoneis, præter unam illam mucaginem, carent. *Limax* verò niger aliique cinerei, rugas suas profundè sulcatas in progressu explicare solent ; earum acie tenui & crispa eminente, Reliqui Limaces, maxime qui coloris flavescentis, quadratis, rhomboidibus &

& hexagonis areolis per summam cutem exornantur. Eandem rugarum speciem in cervicibus quarundam Cochlearum observare licet. At hæ rugæ elegantiores non alio artificio meliùs discerni possunt, quàm bestiolam ex aqua parùm coquendo, donec mucago, qua tota cutis densè perfunditur, in pellem quandam concre scat, atque sic integra tolli possit, ficciùsque animalis tergus subest, ordinatis rugis pulchrè distinctum.

3. In capite verò integro hæc præcipuè notanda occurrunt. In Terrestribus Cochleis *quatuor* cornua sunt ; quorum duo superiora, cæteris multo longiora sunt ; cuncta verò exerta Capitellis sive globulis exiguis finiuntur. Eadem quoque Limacibus cornuum figura, idémque numerus ; at plerisque eorum hæc paulo breviora sunt, quam in Cochleis. In duobus autem cornibus majoribus singulæ fibræ sive ductus nigricantes insunt. Hæ verò ab externis cornuum
Tubulis

Tubulis quasi solutæ, & liberiores esse videntur. Nam ad exteriorem thecarum extensionem, retractionemve, eæ non semper moventur; tubulorum certè spatium non implent, & si quando ad summos globulos pertingunt, eorum lateribus internis moliter incumbunt reclinantque, velut laxior funiculus: deinde in cornuum retractione fibræ nigricantes multo citiùs retrocedunt, relictis tubulis ex bona parte vacuis: atque hæc nudis oculis, quòd cornuum tubuli ferè pellucidi sint, observare licet. Porro, in summis cornuum globulis sive capitellis exertis, admodum exigua *Puncta* nigra discernere fas est: hos Cochlearum Oculos esse plerique non sine ratione credunt; quòd admota festuca, multo ante tactum globulum cornua sua subducant. Timidioribus certè (nam audacia & vivacitate plurimum inter se differunt Cochlearum genera) vel levi terræ concussione, aut umbra iis levitè superinjecta

jecta, cornua subito retrahi sæpius expertus sum.

In cornuum verò paulo diligentiori examine, idque microscopio modicæ virtutis maximè in Pomatia Gesneri, Cochlea jamjam dissecanda, fibras interiores nigricantes etsi aliàs solutiores, cum summis tamen capitellis firmiter committi: Item Punctum illud nigrum, què m oculum esse jam diximus, non in medio capitello, sed paulo retrorsum ad ejus marginem, insertum, & ex spherica oblongum esse vidimus; capillarem insuper tendinem, nervulúmve album ab eo ortum, & per mediam interiorem fibrillam, si ve ductum translatum distinctè notavi. E summis certè cornuum capitellis crystallinum humorem eruisse fertur Swammerdamius apud Peyerum.

Duo autem inferiora & breviora cornua meræ Autennæ sunt; quòd (quantum scio, & diligentèr hæc cornua inspexi) nigris Punctis omnino carent; & quòd reliqua Cochlearum

rum genera, tantum binocula sunt. Ejusdem autem generis animalibus eadem partium fere similitudo, idemque numerus est. Fluvialibus certe Cochleis non nisi duo cornua mucronata, atque ea diversæ figuræ sunt. Nam in aliis ea plana, tenuia lata sunt, piscium pinnarum quodammodo æmula; in aliis verò, nempe Purpuris compressis, illa setacea & teretia sunt: ad utriusque autem generis Cornuum radices, singuli tantum Oculi positi; nigrisque similiter punctis facile inveniendi.

4. Ad Os Cochlearum procedo: idq; in aliis atque aliis diversum est. In terrestribus verò Cochleis & Limacibus labrum superius Cameli Leporisve instar, ferè in duo finditur.

Ad eundem quoque modum in plerisque fluvialibus Cochleis labrum se habet: nisi quod in his id bifidum labium, pinnarum etiam vices, ob insignem eorum latitudinem, præstare videtur. In aliquibus verò
fluvi-

fluviatilibus (Turbine viviparo verbi causa) longiuscula Promuscis extat.

Aristoteles * tamen, ubi Cochleæ promuscidis meminit, de Cochleis marinis intelligendus est. Item ad radices cornuum ejusdem animalis Vivipari duæ insignes Auriculæ subrotundæ Pinnarum quoque officio funguntur. Atque hæc de externa capitis larva sive Pericranio dicta sunt.

5. Porro, in externa Cochlearum facie, antequam iis ferrum admoveatur, hi meatus sive foramina naturaliter aperiuntur. Nempè, Oris *primum*. *Secundum* pro modulo animalis ingens, & in dextri lateris angulo, ad humerorum limbum positum est. Limacibus certè adeo relaxatum & patens interdum vidi, ubi vitro operti ad aliquot dies servati sunt, ut piperis granum facillè admitteret. At hoc in animalis progressu ferè aperitur; item ubi quiescit animal, perpetuò patulum manet; & respirationi, non aliter quàm in quibusdam

Hist. Animal. l. 4. c. 4.

busdam piscibus Branchiæ foratæ, inservire videtur. *Tertium*, ad ejus quoque dextram paululum intra foramen branchiale situm est, atque is podex est, quo excernit. *Quartum*, in cervicibus ad radicem dextri quoque corui : quod tamen ferè clauditur, nisi in coitu, ut ægrè aliàs discerni poterit : hic penis exeritur, certè in terrestribus Cochleis & Limacibus. At id foramen cum hæ Cochleæ androgynæ sint, duplex esse necesse est ; id est unum vulvæ aperitur, & alterum peni exerendo conceditur : communi tamen in cute rima sive meatu tam orificium vulvæ, quam penis exitus includuntur. *Quintum* restat, quod tamen non omnibus, sed viviparo tantum Turbini fluviatili datur ; qui matricis sive uteri externi exitus est, idque etiam paululum intra branchiarum membranam ad dextram positum exigua papilla crocea dignosci potest.

6. Est & alia quoque corporis externi pars, in Domiportis Cochleis valdè notabilis; quæ scilicet erecta, velut collare quoddam cartilaginosum pedisque substantiæ æmulum, humeros circumcingit. Illud vero earum testam ex toto claudit, aërisque ingressum, aliâque quæ cutem extimam offendant, prohibet: in dextro hujus limbi erecti angulo foramen branchiale, suprâ comprehensum, aperitur. Item hic limbus circum circa à testa omnino solutus est; & quadam insuper duplicatura, sive membrana aliqua laxa antrorsum dependente donatur.

Cucullus autem sive plagula scapularis, supra limacum dorsum extensa, hujus limbi erecti usum præstat: ejus altera & anterior pars laxa & soluta est, & propendenti in collari membranæ respondet: Ori Limacum sese contrahentium quodam Velamento est.

7. Ultimo, de Cochlearum testis, pauca dicenda sunt; nisi alibi id pen-
sum satis supérque confecissem. Hic
tamen addam, collare supra descrip-
tum, liquida quadam materia testa-
cea scatere, quæ testæ, certè ejus
operculo formando impenditur. Testa
autem ipsi animali adnascitur; eaque
in principio adeo delicatula est (ut
Peieri verbis utar) ut ceræ vel mem-
branæ instar ductilis, flexilisque sit.
Postea verò crescente Cochlea, crescit
& extenditur. Notandum incremen-
tum illi accedere, qua parte fores
patent, præcipuéque id fieri vernis
& æstivis mensibus. Etenim, ineun-
te Maio, plerarumque Cochlearum
testas, certè earum, quæ summam
maturitatem ex testæ labro extror-
sum replicato & callofiore facile cog-
noscibilem, nondum adeptæ sunt,
incrementum sumere, & ex mollibus
duras fieri.

Illud quoque in hōe articulo notare libet, Limacum tergora, adeo densa esse, ut testarum usum & tutamen animalibus suis præstent. Maximèque quòd inter illa, corpus eorum ex bona parte haud multo aliter, quàm in Testaceis solutum reperiatur.

8. Ad dissectiones interiorum partium jam venio. Sit itaque *Cochlea*, *Pomatia* Gesnero dicta, quòd omnium terræ Anglicanæ facilè maxima, & quòd plurimis in locis non longè à Londino frequens sit, hujus Anatomiae exemplum. Igitur fracta ejus testa, integrum animal eximendum est; hæcque adeo occurrunt in Testa nudato.

Imprimis Ligamentum sive fascia, quasi conica, albida, opaca, à dextro latere, ubi maximè latescit incipiens, & secundum orbem extrinsecus, paulatim diminuta ad ipsam claviculam fertur. Hæc testæ suæ animal firmiter ad ligatur. Imò verò in viviparo turbine, sæpius memorato, ægrè admo-

dum separatur. Itaque Aristoteli,

* Hist. A-
nimal. lib.
4 c. 4.

* non libentè assentior, affirmanti,
Turbinatorum carnem laxiùs & so-
lutiùs eorum testis adhærere, quàm
Bivalvis, Univalvisque. Per hanc in-
super fasciam ipsa Testa nutrimen-
tum suum assumat, necesse est ; quòd
inter eam ipsùmque animal nulla alia
communicatio detur.

Deinde Dorsum ; sive humeros, si-
ve Pectus (quod tamen mihi maximè
arridet propter contenta) appellare
mavis. Nam testacea animalia, inquit

* De par-
tibus Ani-
mal. l. 4. c.
7.

* Aristoteles, ea viscera superiora
habent, quæ reliqua animalia inferi-
ora gestant. In summa certè corpo-
ris parte *Cavitas ingens* conspicitur,
insigni membrana laxa, & solutiore to-
tum dorsum longè latèque occupans.

Rursus, in dextro, ut diximus, an-
gulo limbi, humeris anterioribus re-
recti, in hanc cavitatem foramen ape-
ritur ; illudque pro libitu animalis
clausile est : certè per hoc aër & in-
terdum humor spumescens copiose
eru-

eructatur ; illoque foramine se ap-
 riente, membrana dorsalis ferè detu-
 mescit & corrugatur : hujusmodi a-
 deo foramen in his animalibus haud
 dissimili usui est, atque canalís sive
 Sypho in capite Phocenæ, quo scili-
 cet aerem trahit, aquámq; aere mix-
 tam expuit. Cochleæ certe nostræ
 laceffitæ è foramine branchiali ingen-
 tem spumam emittere solent. Hujus
 autem foraminis mentio est apud
 veteres. Est, inquit Plinius, Poly-
 pis fistula in dorso, quâ mare trans-
 mittunt. Aristoteles † verò de hac † Hist. l.4
 fistula multo desertiùs loquitur. Mol-^{c.1.}
 lia fistulam, ante alvum positam su-
 pra brachia gerunt cavam, qua mare
 transmittunt ; quantum suo admise-
 runt alveo, quotiens aliquid ore ca-
 piunt ; eámque modò in dextram
 partem transferunt, modò in fini-
 stram ; hac eadem fistula suum quo-
 que atramentum fundere solent. I-
 dem alibi * excrementum tam molli-^{* Part. l.4.}
 bus, quàm Turbinatis meatu ori vi-^{c.9.}

cino emittitur, quanquàm mollibus (quæ differentia est inter Cochleas molliâque) infrâ & sub ore: Turbinatis à latere. Et, ut id semel hic moneam, Sepia, Loligo, Polypus & id genus animalia inter Turbines marinos numeranda sunt. Id est, *nautilus nudis* sunt. Quemadmodum verò ex mollibus nonnulla Testacea sunt, ut Nautili; ita ex Testaceis nostris alia mollia sunt, ut Limaces. Imò Nautili, quamvis testis donentur, pedati tamen cùm sint, cùm Polypis omnino conveniunt; hisque Testæ mera Cauda sunt, nec animalia sua ulla Claviculæ parte concludunt. Neque ab hac opinione multum refragatur * Aristoteles.

* Hist. Animal. l. 4. c. 1.

Huic insuper foramini branchiali elegans valvula est; scilicet, ad infiar alicujus auriculæ anfractuosa, & intorta; ejus extimus lobulus paululum super limbum excedit, sive protrahitur, quo expiratio melius gubernari possit: à dextra verò & sub ipsa

ipsa valvulæ radice excrementi meatus est.

9. Prima itaque administratio anatomica sit hæc. Scinde membranam branchialem & à fronte, & ex utrôque latere, quo usque sine magna injuriæ ullius Visceris id fieri potest ; membrana sic undique præcisa evolvatur. Atque hæc mecum tu velim notes.

Imprimis in ipso limbo fasciæ conicæ, quod ligamentum esse suprâ diximus, ad dextram *intestini recti* (*Tab. 1. Fig. 1. fff*) iter conspiciēs, cujus exitus pone valvulam auriculariam est.

Deinde, ad fundum veli sive membranæ branchialis, paululùm ad lævam, insigne aliquod viscus cinereum (*d d d d*) figuræ conicæ dorso incumbit, horologii cujusdam Indicis modo solutum, & apice caput prospectans. Inter basin verò hujus visceris & summum hepar, intestinorum aliquæ pars interfedit, cui firmiter

ter adhæret ; ut postea cum de intestinis agam, demonstrabitur. Cùm autem *Viscus cinereum* ipsi membranæ branchiali adfixum sit, externo aere, foramine recepto, liberè circumfunditur ventilaturque.

Ipsum autem *Viscus cinereum* in duas præcipuè partes ; nempè, in anteriorem & angustiore, quæ in hac bestiola, quam præ manibus habemus, pellucida est, & humore quodam limpidò circumfunditur, qui humor etiam extra ejus conum fluctuare videtur. Imò si hanc maximè partem hujus visceris in *Nigritæ Cochlea*, rudiorè styli tactu irrites, subitò se totum in rugas contrahet. Altera verò & latior hujus visceris pars, cui cor proximè inhæret, cinerea & opaca, magisque densa & carnosa videtur. Utraque tamen ex his partibus intùs ex plurimis ventriculi cellulisve constant ; quod tibi ex còcto animali manifestum fiet.

Præterea hoc viscus valdè succulentum est, & humore quodam chyloso, id est, sub turbido, albidóq; instar Thymí, aut Glandulæ alicujus mensesentericæ, repletur.

Hoc autem viscus aliquando Pancreatem propter ejus colorem, & cum duodeno connexionem aut verum Hepar esse putavi. Sed alia ejus & valdè differens in Limacibus positio, de ejus usu nominèq; aliud me suavit. Viscus cinereum sive præcordiale, instar auricularum ingentium piscium, pulmonum loco esse possit, quamvis non moveatur reciproco spiritûs itu & reditu, perinde ut pulmones quiescentes in Embriis: Nempe possint esse ad succum vitalem abundantius condendum, promendumque; in usum Cordis primùm ejusq; pericardii, mox totius animalis.

10. In sinistro verò latere, ceu quodam finu, ad basin hujus visceris cinerei Cor (c c) nidulatur. Ejus

autem Pericardium, præter normam aliorum animalium vastum, & humore crySTALLINO repletum cernitur. Certè Cor aqua plurima innatans, loco spatioso motus suos exerit, communique Visceris suprà scripti membranula late circundatur. An verò is cordis locus amplius, totus quantus quantus est, propriè pericardium dici possit, hæreo. Est quidem Piscibus proprius cordi soli locus, ab omni alio viscere circumseptus; aqua tamen vacuus; neque ullo insigni pericardio, nisi quod strictiùs cor amplectatur, vestitur. Ipsum autem cor valdè laxum & molle, & minùs musculosum esse videtur; colore subcarneum. *Aorta*, qualis in Piscibus, alba & magna (si tamen omne quod cordis basi infedit, aorta existimanda est, & non ipsa quoquè auricula communi quadam membrana cum ea conclusa) at minimè, ut in iis, nervosa & dura. Cor insuper *Conicum* est, & *Triquetrum* (*Tab. 1. Fig. 3.*)

ut ex ejus coctione patet. Unicus
 Cordi ventriculus est ; qui etiam ex-
 trinsecus notari potest fovea quadam,
 tantum non pellucida, secundum e-
 jus medium diducta. Denique cor
 ipso ejus apice membranæ cuidam,
 an viscus cinereum circumvestienti,
 firmiter inhæret. Nihil ut dictum
 est, *mollius* est corde nostræ, Cochleæ;
 dum tamen *movetur*, multum in *lon-*
gum & *deorsum* contrahi, & induresci
 videtur. Etenim *Cordis ad ligatio*,
 ipsum mucronem ejus, dum pulsat,
 deprimit. Contrà verò ubi cordis
 mucro solutus & liberior est, in
 omni pulsu erigere se sursum in mu-
 cronem & elevari, & pectus ferire so-
 let. Hujus autem ligamenti ad api-
 cem cordis adfixi ratio esse videtur ;
 ut cum reliqua viscera sæpiùs & mul-
 tum abbrevientur, protendanturque
 & ipsum cor introrsum quoque sua
 proportionem retrahatur. Certè in
 plerisque piscibus, ubi eadem trique-
 tra cordis figura est ; ejus tamen

apex

apex conicus omnino *solutus* est ; quòd eorum præcordia non secus, quàm in homine, stabilia sint.

Neque hic cordis motus peculiaris prætereundus est ; quòd omni suo pulsu sive systole admodum descendere, aut convelli deorsum ad apicem solet ; ac si aliqua vi extrinseca deorsum contraheretur. Perperam itaque & nimis contemptim de Cochlearum corde scripsit *Harvæus* (*Exercit. Anat. c. 17.*) cum illud particulam duntaxat quandam pulsantem, vesiculam, aut nescio quam auriculam sine corde, vitæque principium non ulteriorem perfectionem adepturum appellaret. Certè nullis animalibus, vel sanguineis, quibus non nisi unus in corde ventriculus vel consummator vel elegantior cordis fabrica est.

Item illud non obliviscendum est, Cochleis nostris citrinis terrestribus, ineunte Junio, tanta testarum pelluciditas est, ut vel integris Testis ipse
Cordis

Cordis motus distinctè conspici posset ; haud aliter, quàm pictura, cui vitrum crySTALLINUM coràm adplicatum est. Idque literis mihi datis primùm observavit *D. Bannister* de aliqua Cochlea Virginiana. In Limacibus verò integris ad medium scapulare, si rem benè attendas, cordis pulsus notari possit, ut perhibet *F. Redi*.

Haud dissimile exemplum exhibuit Harvæus. Est hic apud nos minima *Squilla* (quæ Anglicè dicitur à *Shrimp*) in Mari & in *Thamesi* capi solita, cujus corpus omnino pellucidum est. Eam aquæ impositam sæpiùs præbui spectandam amicissimis quibusdam meis, ut cordis illius animalculi motus liquidissimè perspiceremus, dum exteriores illius corporis partes visui nihil officerent, quo minùs cordis palpitationem, quasi per fenestram, intueremur.

Ipse autem Cordis humor vitalis, sive Animalis sanguis proprius, sub-

cæru-

cæruleus, & valdè liquidus est. De quo plura infrà dicemus.

Si in aquam fervidam vivum animal injiciatur, & ex ea benè coquatur, Aortæ ingentem, pro modulo animalis, magnitudinem admiraberis: ad basin tamen aut alibi cordis, ut in Piscibus, omnino nullam auriculam observare possis; itaque id quod Cordi infedit, & nobis in divisum apparet, Cordis & aortam & auriculam sive venæ cavæ principium esse verisimile est. Aortam verò una includi vult ejus mira distentio in cocto animali; item, Auriculam ibidem esse contentam, illud firmat; nempe, evidens & distincta ejus à Corde pulsatio.

Non me latet, idem experimentum de Aortæ distensione in coctis Pisciculis, Rhombis, &c. puta, similiter succedere. At in his non Aorta sola sanguine concreto distenditur, sed ipsa cordis auricula intumescit; ipsum interim cor gracilescit, & pallidum

lidum evadit ; idem quoque in corde nostri animalculi observare licet ; Aortam verò longè præter illorum modum, ac si auricula unà includeretur, immane quantum ex coctione distendi.

Illa ampliùs in Experimento supra scripto notare libet, succum sanguini analogum, vivum scilicet & perenni motu circumlatum, ex animalis coctione tantùm coagulari. Etenim quamvis è vivi animalis pericardio magno, éque viscere cinereo transfosso multum limpidi succi exeat, in horum tamen nullo, nec in ipso corde aliquid concrefcit ; sed tantùm in aorta, ejusque ramificationibus ; ubi coagulum subcæruleum, margaritæ æmulum, accumulatur.

At mihi quidem aortæ in coctis Cochleis supra modum distentio his de causis evenire videtur ; quòd id genus animalium sanguis sive vitalis liquor promptiùs concrefcere aptus natus sit : quòd Cochleæ vehementiùs

tius se constringere solent, præ aliis animalibus, quibus ossa. Quòd, ut diximus, auricula iis communi cum aorta membrana includatur.

¶ *Venas* autem ab *arteriis* distinguere non ita facile est, cum utraq; ipsæque humor vitalis pelluceant. Sunt tamen aliquot ductus à Corde orti, an semper duum generum & paralleli, & quo usque ita, nescio. Hi linea diagonali ab ipso corde ad foramen branchiale feruntur : à quibus etiam plurimi ramuli ad dextram sinistramque eleganti quodam ordine procedunt, & ad limbum quoque humerorum erectum tendunt. Atque hi ductus certè *Arteriæ* sunt, non & *venæ* quoque descendentes. Non ignoro in *Piscibus* vasa sanguinem ad branchias & deferentia & illum reducentia, *Arterias* esse: Sed hoc supposito in nostro animali, & rectè à branchiis ad caput, indeque per totum corpus vehatur : nihilominus per *venas* tandem ad cor re-

duc

duci debet. Et cùm nullibi Auri-
 cula temerè inveniatur, nisi quæ cum
 aorta communi quodam involucro
 includatur, hîc venas quoque in so-
 cietatem itineris admitti necesse est.
 Certè qualis sit recursus sanguinis ad
 cor non ita adhuc manifestum est :
 illud adeo verum est, aliam atque
 aliam rationem esse in animalibus
 circa succi vitalis sive sanguinis mo-
 tum. Aorta verò, ejusque ramuli, per
 totam ferè membranam dorsalem dis-
 currentes, in quendam Ventilabri
 modum eleganter dispositi, Thecis
 (*Tab. 1. Fig. 1. a a a a a*) quibusdam
 suprâ cirratis, exasperantur. Quæ,
 ut opinor, à piscium radiatis Bran-
 chiis non aliter differre videntur,
 quàm quòd hæ, membranæ suæ ad-
 fixæ, immobiles sunt. Quò verò eæ
 à corde remotiores sint, propriûsque
 ad foramen branchiale accedant, eò
 magis eminent, fimbriisque elatiori-
 bus exasperantur. Id quod satis
 arguit earum usum ; scilicet ad
 spiritus

spiritus aquati beneficium captandum.

Haftenus de Cochleârum tantum corde, venisque diximus ; in Limacibus verò major lux effulget ; cum eorum præcordia paulò aliter se habeant. Imprimis Cordis dispositio ipso loco aliquantulum differt. Nam in his sub medio cucullo, paululum ad sinistram Cor latitat ; eodem tamen viscere præcordiali suprâ in Cochleis comprehenso, penè circumdatum, (*Tab. 3. Fig. 1.*) Id autem viscus in aliis limacibus subfulcum, in aliis subflavum est. Idem insuper viscus ad renis quandam imaginem figuratur : nempe, ex parte superiore rotundum, ex inferiore qua cor amplectitur, resimul. Cor autem à reliquis corporis partibus membrana tenui, ceu septo quodam circumjecto, perinde ut in Piscibus fieri solet, diducitur. Huic quoque in Limacibus vastum Pericardium, a qua limpidissima repletum est.

In his autem bestiolis *Vena Cava* (*Tab. 3. Fig. 6. b b b*) ascensus in Cor admodum manifestus est. Si quidem in *Limace nigro*, præ aliis sui generis animalibus venarum insignis apparatus est ; nimirum, candida quædam sive *Argentea Vasa*, per universa intestina totumque hepar discurrentia. Hi autem argentei ductus inter ventriculum inferiorem, & ingluviem, quo sinum faciunt, in majusculam venam uniuntur ; quæ recto ascensu in ipsum cor fertur ; cum quo committitur. At in medio circiter ejus ascensu (*Tab. 3. Fig.*) ramulos quosdam, ab intestinis, tam jejunis, quàm ipso recto ortos admittit. Item alios surculos ante ejus cum corde commissionem ab ipsâ ingluvie sive stomacho superiore.

Unde concludere fas est, has argenteas venas & verè lacteas & sanguineas esse, id est, humori vitali deferendo propriè dicatas ; cum ipsum succum vitalem tam ab intestinis,

D

quàm

quàm à stomacho, ipsoque hepate ad cor ferant.

Qui itaque chyli, certè ejus aliquam partem è stomacho intestinisq; immediatè venas sanguineas in perfectioribus animalibus subire volunt, ex his nostris experimentis fidem inveniant. Imò verò nisi hoc concedatur, non video quomodo in avibus, piscibusque, ubi omnino nullæ, quantum adhuc hominum industriorum solertia detegere potuit, lacteæ sunt, chylus in habitum corporis transferatur.

Item Aortæ (*Tab. 3. Fig.*) in Limacibus è Corde egressus æquè apparet. Imò Arteriæ aortæ majorem crassitiem, ut in perfectioribus animalibus, certè ubi cordi inseritur, notavi. Item in his planum est; aortam & venam cavam cordis superiori parti una inseri; quod in Cochlea sciri desiderabatur. Ex ipso cordis cono, æque benè, ac ex ejus basi, illa Figura, quam exhibuit *F. Redi*, exire

ire vasa quædam ramificatâ videntur : cùm tamen author Laudatus de istiusmodi vasis altè fileat : Hos ideo pictoris lapsus esse existimo.

Quamvis autem difficile fit aliquid certi cognoscere de progressu & distributione Arteriarum à Cordē in Cochleis : ex cocto tamen Limace nigro, aliqua diligentia adhibita, hæc tandem didici : nempè, ab ipsa Aorta quædam ramificationes ad Lacten, aliæ ad Cutem, aliæ ad Uterum, aliæ ad reliqua generationis organa feruntur, suo quæque ordine pro partium vicinitate ; ipse autem Aortæ major Truncus rectâ ad caput tendit, per quod discurrit.

Apud me, inquit * Swammerdamius, Limacis cor cum auriculis inflatum atque conditum spectari potest. Utinam ejus figuram nobis exhibuisset ! Ne quis autem in Limacum dissectionibus decipiatur, scias velim, cordis basin in Limacibus, id est, partem ejus latiore (nam ex

* Hist. Insect. General.

coctione ad basin valdè latefcit eorum cor) obliquè caput animalis refpicere ; cùm anguftiori cordis parti, quæ caudam aut potiùs ad viscera internè fpectat, & vena cava & aorta unà inferuntur. Atque hæc ejus pofitio commodior eft ; & ut venam cavam afcendentem recipiat, & ut aortam ejusque ramificationes ad caput, reliquafque inferiores, quæ ei fubfunt, partes dimittat.

Porro, in his quoque Animalibus à Cordis area in omnes circum circum partes excurrunt Branchiæ cirratæ, levitè eminentes ; ipfique Cucullo quoq; qui iis membranæ dorfalis loco eft, adfixæ : hæ verò in cocto limace nigro admodum confpicuæ funt.

2. Item, inter Cor & Cucullum in Limace nigro eft quædam *materie cretacea*, tenuitè illita. In aliis verò omnibus Limacibus, *Officulum* (Tab. 3 Fig. 5.) quoddam latum, tenueque velut clypeus, ulterioris muniti caufa, Cordi fuperinjicitur.

Hujus

Hujus autem ossiculi rostrum; ubi membranulis quibusdam adhæret, caudam respicit; altera ejus extremitas latior, ipsum animalis caput spectat. Pulmonem vult *F. Redi* in Limacibus ipsi eorum ossiculo subjacere, totumque spatium, quod illi subest, occupare, atque hunc sinum esse nescio quem intra membranam quandam implicitum. Utinam optimo auctori hæc paulo accuratiùs descripsisse placuisset! Illud nobis diligenter inquirentibus manifestum fuit; nempe, membranam crassam sive corpus quoddam album spongiosum & rarum ipsi ossiculo proximè substratum; scilicet, ne ejus durities cor offenderet. Adhæc, si in limacibus hic pulmo existimandus est, ille in Cochleis (inter quas tamen partium quædam analogia intercedere oportuit) omnino deest. Nam istiusmodi corpus nusquam invenitur, quod iis ossiculum usui non est.

13. Huic autem primæ Sectioni hæc experimenta, Coronidis loco, adjungere putavi.

1. Viscere illo cinereo cum corde è tribus Cochleis exectio, ineunte Maio; eæ omnes ad quatrimum vixerunt: quòd cervices spontè exerebant, easque laceffitæ retroducebant, aliæque vitæ motusque indicia dederunt.

2. Rursus, ipsum Cor, ut suprà exectum, à pulsu ad aliquot horas omnino cessavit: cùm tamen saliva madefacta fuerit, iterum pulsabat. Idque circitèr duodecem horas eodem ferè eventu iteravi.

3. Denique, cor nudatum, & oculis, ut hac Sectione fit, planè objectum; modò sponte ad aliquam multa momenta, imò quadrantem horæ pulsare desiit; iterumque spontè se strenuè, & celeritèr movebat. Ut certissimum sit, Cordis motum, in id genus animalibus, etiam voluntarium esse, & non merè naturalem, ut in homine

homine, reliquisque sanguineis animalibus ; sed pro earum libitu ad quodvis tempus sisti, aut moveri posse. Hinc ratio reddi potest, cur Limaces in vacuo Boiliano supra omnia animalia ad plures horas vivere potuerunt ; nimirum, pulsu eorum ex toto cessante ; aeremque adeo novum non iis tam citò necessarium fore. Nam quocunque modo in inspiratione aer sanguini communicetur, illud extra dubium est, nihil per insensibilem perspirationem (ubi tamen maxima aeris interni copia diffatur) perire posse, nisi quatenus foràs à pulsu continuè expellatur.

DIGRESSIO

DE

RESPIRATIONE.

ANtequam verò reliquas Cochleas nostræ Dissectiones aggrediar, de ejus respiratione hic breviter differere necessarium duxi. Maxime quòd in his animalibus branchiæ singulares sint. Cùm tamen respirationis organa in Cochleis Limacibúsq; ad Piscium fabricam propriùs accedant; ideo piscium respiratio primùm explicanda est, ut quid de Cochleis sentiam, faciliùs postea intelligatur.

E modernis itaque sunt, qui respirationem piscium esse volunt, ad nitrum

trum nescio quod aereum, branchiarum adminiculo, Cordi introducendum, sine quo flamma vitalis in eo conservari non potest. At hæc mera somnia sunt. Flammam vitalem alii abundè confutârunt. De nîtro addo, id minimè aereum esse posse ; utpote qui omnium fixissimus sal sit.

At plerique aquam aëre impregnatam ad cordis refrigerationem piscibus attrahi voluerunt. Et cùm piscium sanguis natura frigidus sit, ejusque in iis penuria, paucam aëris quantitatem iis ad respirandum sufficere. At in pulmone præditis & perfectioribus animalibus, multo minus in Piscibus non ullus naturalitèr superfluous calor est, qui refrigerio egeat. Deinde, sunt animalia terrestria sanguinea è quadrupedum genere, Echinos intelligo, qui & pulmone donantur, & sanguine visceribusque æquè frigescunt ac Pisces, integro tamen & puro aere, ut ut frigidissimo,

fumo, non offenduntur; ergo nec
egeunt ea aeris qualitate.

Aristoteles verò, qui pro pulmone
Branchias Piscibus datas esse fatetur,
noluit tamen per eas aliud, quàm
aquæ expulsionem attractionemque
fieri, aeremque ex aqua per branchi-
as minimè separari. Atque hæc ejus
opinio sensibus nostris & rationi ma-
gis consona est.

At Rondeletii præclarum expe-
rimentum obstare videtur. Quo, si
pisciculis vase angusti oris, & aqua
pleno conclusis aer vel manu vel alio
operculo ex toto præcludatur, hi su-
bitò suffocantur.

Res hæc non fieri videtur ob ae-
ris penuriam, sed ob ærem nimium
compressum: nam aquæ ponderi,
quo aer inter-aqueus naturaliter con-
densatur, etiam manus aut operculi
pondus & pressio superadditur; quo
amplius constringitur ejus elater.
Unde nec os nec branchiæ commo-
dè expandi possint. Compressis au-
tem

tem branchiis, id est, arterioliis capillaribus, cor moveri definit. Non itaque defectu inspirationis moriuntur, sed quòd à pondere aeris condensati, amplius expirare non possunt.

At in integro aere, extra aquam, ubi optimè branchiæ moveri posse videntur, tamen subito pereunt. Rectè, ita est. At in aère duplex qualitas est & vis elastica & ejus pondus; in libero aère ejus nimia rarefactione, ut in aere compresso & condensato ejus pondere suffocantur. Etenim Aer vel nimium condensatus, vel rarissimus animal paritèr suffocat. Aer itaque ad piscium commodam respirationem aqua, ut naturalitèr fieri solet, temperandus est.

Hinc evenire solet, ut, Rondeletio rectè observante, quibus Piscibus minùs hiantes minusq; diductæ Branchiæ sunt, iis longior vita extra aquam concessa sit. Contrà, brevioris in terra vitæ sunt, quæ patentes minùsque

núsque constrictas habent branchias ;
nempè ob vehementem elaterem in-
tegrì aëris irruentis.

Ita in Cochleis limacibusque ter-
restribus foramen branchiale pro li-
bitu occludi potest. In Turbinibus
autem fluviatilibus illa cavitas bran-
chialis ex tota fronte patet ; ubi sci-
licet aer aqua temperatus impetum
facere non potest.

Aquæ itaque, ut longiores ambag-
es vitem, in piscibus per os attractæ,
& per branchias expulsæ continua,
& non interrupta reciprocatione, mo-
re motus pulmonis in perfectioribus
animalibus, ideo fieri verisimile est,
ut halitus viscosi & supervacanei, tam
à sanguine orti, & in branchias ab ar-
teriarum pulsu delati, quàm à cibo in
ventriculo intestinisque concoquente
provenientes, commodiùs evaporent,
abstergeanturque. Item ut aëris
aquati tantum, quantum opus est,
à ventriculo sensim pitissando diglu-
tiatur ad ciborum digestionem pro-
moven-

movendam, sanguinisque motum, ex quo vita dependet, expediendum. Ut autem huic opinioni faveas, hæc mecum perpendas velim.

1. Gula plerisque Piscibus deest, ipseque stomachus cum ore, vasto hiatu, committitur: deinde, intestina quò ano propiora, eò angustiora sunt; rectumque adeo intestinum in plerisque piscibus omnium angustissimum est. Scilicet, ut halitus naturaliter fursum ferantur, orèque copiosius, quòd facilius, quàm ano excant.

2. Deinde, Pisces expectorare minimè posse, quòd pectore & pulmonibus careant; siquidem expectoratio unus è secundariis respirationis usibus est. Venter eorum, inquit Aristoteles, in respiratione non movetur, ut in pulmone præditis animalibus. Quicquid igitur expuendum est, vel à ventriculo proveniens branchiisve exiens, id vel vi stomachi convulsiva fieri debet (quod tamen valdè absurdum

furdum est, morbosam in ullo animali constitutionem naturalitèr inesse putare) vel continuè, prout extrà promoveretur, sensim aqua abluendum; & ne subitò concrescat, diluendum est.

2. Adhæc, etiamsi, utpote naturæ frigidi, parùm perspirent pisces: Illud tamen paucum, quod ab iis exhalatur, in mucum quendam non facile à cute abluendum, excoquitur. Jam si perspiratio eorum interna eadem sit, id est, si res perspiratæ tantum citra, quàm ultra habitum corporis ejusdem naturæ sint; nempè pituita viscidæ tenacisque (de qua tamen non minimè dubitare licet) summi sanctorum ventriculi sive Gutturis, Oris, Branchiarumque obsterfione continua, abluitioneque opus est, ne pisces propria saliva strangulentur.

Hanc autem propositionem de absterfionis assidua necessitate maximè confirmat, quòd ipse piscium mucus brevi concrescere in gluten aptissimus fit;

fit ; unde ex interioribus quibusdam piscium membranis crudis, interque se convolutis iſthyocollum, omnium glutinum validissimum fit. Idem in Cochleis nostris non sine admiratione expertus sum. Unde illas aqua respirata continuè dilui debere credibile est.

Item, quòd interna piscium perspiratio multo major sit, quàm externa & cutanea ; quippe quod intra intestina halituum ductus aliquot (hepatis puta & Pancreatis) ingentes ; aliæque ibidem Glandulæ excretoriæ infinitæ sunt. Unde Pisces ipso gutture æquè benè ac in stomacho concoquunt ; scilicet, ob halituum copiam ex intestinis continuè natum. Ratio itaque vult hos halitus concrescibiles, quatenus super vacanei sunt, summa cura & artificio continuè expelli eluiq; debere. Qui oris branchiarumque motus reciproci præcipuus usus esse videtur.

His ita in Piscibus constitutis, de Cochleis nostris dico, eas duplici modo vaporibus liberari; nempe Gula oréve; quod laceffitis spuma inde emissâ satis testatur. Item cavitâ branchiali; quòd spumæ etiam copia inde expressâ abundè confirmat, & ad ejus valvulam maximè notabilis & non interrupta spiritûs inspirati & exspirati reciprocatio. Utrobique autem aërem aquatum esse, vaporésque facilè concrelescibiles ex spuma viscida constat. Adde his, vel diebus tantùm pluviis, vel humida, nebulosa, & roscida nocte se libentè movere non solent; nempe ob aeris aquati necessitatem.

Illud insuper de nostris Cochleis addo, tantæ Cavitatis branchialis qualem in iis videre licet, ratio aliqua reddi potest; nempe ut viscera quæ subter collocantur, liberiùs perspirent, nec aere sicciore ad interitum afficiantur, sed halitus supervacanei liquidè effluant, abstergeanturque

túrque. Hinc humida quaque, ut dictum est, & pluviosa tempestate, Cochleæ præter aerem, multum humoris aquei attrahunt, illamque cavitationem eo implent ; adeoque siccioribus diebus ferè restibiles sunt, nec libenter pabulatum exeunt.

Hujus insuper respirationis in Cochleis *Secundarii* usus sunt ; sc. sese, spuma emissa, defendere : item aqua absterforia sensim è branchiarum cavitate effluente, sui generis quandam *natationem* , sive progressum moliri.

Hæc autem Perspirandi duplex ratio, non Cochleis tantum, sed & universis animalibus communis est ; nimirum in Piscibus per branchiarum arterias capillares, & è ventriculo. Ita in perfectioribus animalibus è pulmonis arteriis glandulisque excretoriis, éque eorum ore, gula, ventrique.

Imò verò non illæ tantum duæ, sed & tertia Animalium perspiratio cutanea

E

quan-

quantum scio datur : at hæc ubi liberior aliis duabus summo levamento est. Hæc autem in Piscibus, nostrisque Cochleis mucagine glutinosa ex magna parte obstrui videtur. Itaque ad sublevandos alios duos perspirandi modos aër aquatus maximè necessarius esse videtur.

Illud verum est, quemadmodum perspiratio cutanea pulmonibus ad vapores supervacaneos expellendo magno auxilio est ; ita & ipsi pulmones Cuti & Intestinis ad Onus earum sublevandum constituti sunt. Nam si per pulmones perque cutem perspiratio vel momento temporis ex toto impedita & obstructa esse contingat, fauces nostræ non halitibus è ventriculo erumpentibus sufficerent ; sed, proprio vapore animalis strangulari valdè periclitarentur. Id quod facilè è Statica Medicina, si quis dubitaret, pateret. In hac autem Opinatione de vaporibus per respirationem expediendis non solus sum : Etenim

Antiquis

Antiquis placuit, & nostris etiam hominibus arrisit. Doctissimum Glissonum pro omnibus appello. Pulmones, inquit ille, unà cum aere halitus sanguinis expirant. *Anatom. H. c. 36.* Alibi autem, in aeris expirationibus vapor iste expiratus, eâ copia exhalatur, ut (si *cap. 39.* rem rectè putaverit) altero ferè tanto ampliùs expiramus, quàm inspiramus.

Interrogari autem me ab aliquo posse scio, quomodo aer in branchiarum poros sese insinuet. Respondeo : Me impræsentiarum alium respirationis usum præcipuum, maximè nostris animalibus magis appropriatum indicasse sufficiat.

Illud interim affirmo cum Harveo, Heighmoro, Needhamo, Henshavo, aliisque plurimis doctis viris, aerem non posse per arterias branchiarum, qui tamen soli ejus ductus sunt, habitum corporis ingredi ; quòd contra circulationis leges est. Imò, ob eandem rationem, nec pulmones no-

stros, nec cutem nostram aerem ullo modo subire posse affirmo.

Si itaque ampliùs quæras, qua tandem via aëre fruimur, hæc habet (etiamfi ejus rei explicatio non sit hujus loci ; sed ad concoctionem cibi maximè pertinet) nimirum aerem per nulla itinera intra habitum corporis admitti, (habitum autem corporis illum appello, ubi integer & non interruptus sanguinis motus circumagitur) nisi per quæ chylus : nec ullibi expelli, nisi ubi humores quos expedit, supervacanei exire solent.

Haftenus de Branchiarum in nostris Cochleis usu primario diximus ; de quibus etiamfi fortè satisfactum sit ; cùm tamen hæc umbratilis tantum respiratio sit, deque pulmonibus alias parùm loquuti sumus, aliud fortasse, earum usum rationemque nonnulli quærent ; ac si respiratio non ubique eadem, certè analogia esset. Res autem Pulmonum al-
tius,

tiùs, ut opinor, ut ex ipsa animalium
œconomia petenda est. Tanquam
ex hoc Schemate *Hypothesis*, quamvis
nondum recepit ultimam manum.

Quantitas sanguinis humorúmque
in habitu corporis naturalitèr tanta
est ; hujus quantitatis ratio est, ne
corpus calore & nutritione debita
deficiat. Tanto autem sanguini
continendo circumagendoque vaso-
rum quantitas tanta requiritur. Hæc
tanta vasorum quantitas trunci cor-
poris, artuúmque ejus, & omnium
viscerum ad victum, motum, sensati-
onem, generationémque necessario-
rum, captum multùm superat. Nam si
artus, reliquiq; corporis musculos plu-
ra vasa sanguinea, quàm jam sunt,
subirent, constituerèntque ; motus e-
orum, reliquis functionibus peragen-
dis, ineptiores essent, ob nimiam mol-
litiem, teneritudinémque, & ponde-
ris augmentum. Itaque vasorum
quantitas cùm à sanguinis mensura
dependeat, cùmque plura vasa san-

guinea supervacanea sint , ideo in pectore, verbi causa, pulmonem, in ventre Lienem, aliaque forte non necessaria viscera ex abundanti natura instituit, ut tot vasorum supervacaneorum operas ad aliquem saltem usum, etsi non absolute necessarium ad vitam, locaret.

Illud autem huic rei fidem facit : Nempe, ubi vasa pro tempore alia, ad totum sanguinem recipiendum, constituuntur ; pulmones, ut inutiles, officio vacant ; ut in Embryone ; ubi scilicet satis vasorum supervacaneorum ab Umbilico exeunt, & in Placentam Uterinam disseminantur. His autem deciduis (deciduntq; vero velut fructus maturus ab arbore, extremis petiolis exarescentibus) pulmonum usus incipit ; cum aliorum omnium vasorum quantitas circulando sanguini non sufficerent.

Hinc præclaræ Quæstioni Harveanæ, quam difficillimæ solutionis esse

esse viri insignes Anatomici fatentur: nempe quî fiat, ut foetus secundinis exutus, si semel aerem hauserit, postea ne momentum quidem temporis absque eo durare possit, sed confestim moriatur? Facilis, quantum mihi videtur responsio dari potest. Nempe, Umbilici venis ante partum naturalitèr siccescentibus, sanguinisque transitui jam ineptis, pulmonum vasa sanguini superabundanti receptui sunt. Cùmque non alia eorum loco deinceps substituenda sunt, actum est de animali, si sanguinis cursus per eos vel momento temporis sistatur; scilicet, cor ex copia sanguinis refluî vehementèr distentum penitùs opprimiretur, onerique succumberet.

Hinc etiam clarè intelligitur, unde fiat, ut foetus in lucem editus, respirationem tam subitò moliatur; ob sanguinem nempe redundantem. Item, quî fiat, ut novo hoc per pulmones itinere fortè præcluso, solita illa vestigia per *foramen Ovale* &

canalem arteriosum non repetat: quòd scilicet etiamsi sanguis per ea itinera denuò feratur; illi tamen capièdo reliqua corporis vasa minimè sufficerent.

Sanguinisque adeo pro-motio per pulmones, velut quædam *mantissa*, sive appendicula sinuata ad magnam circulationem existimanda est.

Porro nulla idonea ratio assignari potest nisi ex nostra suppositione de *Clausione* meatus ovalis canaliculique Arteriosi. Obliteratur quidem Anastomosis, membranacea valvula paulatim lateribus venæ cavæ adnascēte, canaliculus autem concrevit ad modum venæ Umbilicalis. Utrumque indubiè, inquit Conringius, ex defectu sanguinis non ampliùs per illa transeuntis. At hæc est ipsa quæstio: imò verò in multis animalibus non statim concluduntur sed vel ad longum tempus, vel per totam vitam aperiuntur; unde lucet clarius est, sanguinis portionem posse adhuc

adhuc per easdem vias traduci, salvis
tamen pulmonibus eorumq; officiis:
hunc autem defectum vis attrahens
Auriculæ *dextræ* indies increscens fa-
cit, copiosiorque alibi propulsus san-
guis. At hæc omnia sine fundamento
sunt, & nullius sequelæ. Tandem
hujus infirmitatis conscius concludit;
verisimiliùs tamen esse, & eum ca-
nalem, & membranam illam & ve-
nam umbilicalem nativa quadam fa-
cultate sensim sponte concreescere, se-
cùs quàm fit in aliis vasis. Quod
autem jungit venam umbilicalem in
hoc argumento, non ferendum est;
quippe vasis umbilicalibus externis
deciduis; quid, quæso, impedit, quo-
minus illa vena concreseat; nam ni-
hil per eam ampliùs traducendum est
in Portam. At in aliis jam dictis
viis idem flumen sanguinis usque de-
currere persistit; cur itaque per eas
non, ut ante, divertatur. Ratio e-
videns est: nempè, ob copiam san-
guinis infinitè auctam in adultis; ut
vices

vices jam reddere possit pulmo *vis unitis* ; & quemadmodum verissimum est in Embrio exiguam sanguinis portiunculam quaquaversum per omnes pulmonis partes , ut ut illi nullo aëre commoveantur, traductam fuisse ; ita pulmonibus jam aëre inflatis & non ampliùs otiantibus, haud absurdum est cogitare aliquam partem sanguinis etiam per antiquas vias diu iter facere, nullo detrimento pulmonibus inde metuendo ; nam sibi & illis jam *superabundans onus* est ; ut major difficultas sit, cur non semper (ut aliquibus avibus, quadrupedibus, Authore Harvæo, contingit) ad pulmonum perpetuum subsidium & levamen aperiantur, quàm quod unquam clauduntur.

Esse autem vasa in corpore supervacanea ; atque eo fine pleraque *Viscera* majora, quàm ad præsentem usum instituta sunt ; quo simul à natura cautum est tùm vitalis succi defectui, tùm appetitûs excessui. Hoc, inquam

inquam clarè nobis constat ex noto illo experimento de augendo in immensum *Anserum* hepate ex pastu pleno, coacto & violento. Etenim, referente * *Stenone*, istiusmodi jocineræ pallent, totusque sanguis pallescit, quòd ex maxima parte merus & immutatus chylus est. Ut absque eo, quòd vasa in omnem eventum finxisset natura præter modum capacia, ob viscera nimium infarcta, subito pessum daretur animal.

* Act. Danicis.

Imò verò ipsum *Hepar*, quòd cum pulmone longè maxima & speciosissima totius corporis viscera sunt, in Embryone tamen, tanquam aliquid minus necessarium *evitatur*. Nam vena Umbilicalis, etiamsi in finem Portæ inseratur, quòd ejus constitutionis beneficio ad sanguinis, à Placenta redeuntis, novoque vectigali materno imprægnati, ascensum in cor promovendum, uti oportuit; è sinu tamen portæ rectà pergit per *canalem venosum* in cavam, præterito hepatis integro circuitu.

Ac-

Accedit, in infinitis animalibus Hepar ex toto deest. Siquidem, an ex sanguibus ullis detur, dubito. Nec audiendus est Glissonius noster, qui contrarium vehementer affirmat : his & similibus verbis, *Hepar omnibus animalibus concessum est.* Et alibi, *In cunctis animalibus necessario requiritur, adeoque ut singulis animalium speciebus insit, necessum est.* Ac egregius vir multum hallucinatus est. Cum *non-hepar* pro hepate sumpserit ; ut satis ex his dissectionibus infra, cum de intestinis Cochlearum agemus, probabimus. Sed hæc obiter dicta sint. Nam non hujus loci aut instituti est, hepatis rationes & usus deducere.

Rursus, si quis ex artubus (brachium, puta, aut Tibia) detruncetur, is deinceps à sanguinis hæmorrhagia periclitabitur. Id quod historia medicinalis infinitis exemplis confirmat : quòd, cum venarum quantitas diminuta sit, reliquæ toto sanguini

guini circumferendo impares sint.

Anhelitus ratio huc facit. Item, quòd in Piscibus branchiarum vasa solæ arteriæ sunt; utpote cùm frigida animalia sint, sanguis iis in multo minore copia sit. Hæc autem fusiùs diducere, instituti ratio non permittit.

Aliáque plura argumenta huc spectantia, brevitatis causa, omitto.

Pulmonis itaque usus *Primarius* est, ut vasa sanguinea capiat. Cùm verò iisdem pulmonis vasis, æquè ac reliquis per universum corporis, habitum dispersis perspiratio necessaria est; neque id fieri potuit, nisi *aspera arteria* donentur, quâ vapores confertim exeant; cùmque è tanto profundo canali, sacculoque cæco, & non pervio vix per se egredi potuerunt; ideo aeris inspirati elatere & pressura continua, à costarum resilitione adjuncta, ut promoveantur, opus est. Atque hic unus è *Secundaris* pulmonis usibus est; nempe, ut vasa sanguinea

guinea superabundantia superfluo a-
 ere aquato, i. e. Vaporibus continuè
 naris commodè purgentur.

Hinc ratio quoque constat magnæ
 differentiæ quæ est inter branchiarum
 fabricam & pulmones; quamvis ana-
 logia usus, ut dictum est, affines sint.
 Quòd, cum hæc aqua sola, propter cra-
 sinitatem & subito concrescibilem vapo-
 rem frigidum abluendæ sint, extro-
 sum, & tantum non in ipsis faucibus
 ponuntur. Si quidem etiam si aqua per
 se benè eluat; propter ejus tamen gra-
 vitatem, & quòd nulla vi elastica per-
 donetur, illam potuisse ire & redire
 tam profundo puteo, ut sunt pulmo-
 nes, quamvis singulis piscibus ferreæ
 costæ fuissent, cogitare absurdum est.
 Non ignoro *Alph. Borellum*, aliter
 sentire: qui, etiam si Pulmonem, nec
 ad vitam conservandam, nec ad san-
 guinis motum promovendum abso-
 lutè necessarium esse fateatur, sed
 solo aëre, quomodo cumque intro
 sanguinem recepto permistoque v-

tam ex toto dependere; aliasque opinionese de respirationis usibus primariis solidè refutaverit, vult tamen aërem aquatum facilè per pulmonem ad habitum corporis accedere, cum aër *solitarius* omnino excludatur. Item sanguinem in pulmonem reducem restitui, & ad fluiditatem à respiratione disponi, id est, in minimas particulas torculari pulmonum, & vasorum infinita angustia, eorumque disparitate, si quæ in eo coagulatio fuerit, aut novi chyli proventus, rursus dividi. Atque hi duo præcipui usus sunt respirationis secundum Borellum.

Adversus verò priorem usum, eadem argumenta, quæ suprà exposita sunt, contra merum aërem, optimè faciunt.

Ac illa pulmonum *pinfitatio*, sive mixturam sanguinis ab illa cum Needhamo, Thruston, Malpighio, aliisque sive ejus ultimam divisionem cum Borello expectes, vana est. Nam
in

in Piscibus solæ arteriæ Branchiis insunt, & quæ sanguinem eò ferunt, & quæ inde sanguinem auferunt; adeoque tertium saltem Borelli requisitum ad sanguinem difformem restituendum in iis deest; nimirum vasorum capillarium diversa structura.

Deindè, in Cochleis nostris nulla divisione opus est, quòd eorum sanguis perpetuò fluidus est.

Rursus, his Branchiæ non agitantur; sed stabiliores, ut dictum est, & fixæ sunt.

Item, in Sepentibus, Testudine, Rana, &c. vel ipso illo teste, cui etiam omnes anatomici, qui de iis scripserunt, assentiunt; pulmones aere semel inspirato, diu turgere, & sensim tantùm, aere emisso, detumescere solere.

Porro, in Bivalvibus Conchylis ubi insignis branchiarum apparatus est, tardissimus & vix sensibilis illarum motus est.

Aliquis forte mihi objiciet, in *E-*
rucis Branchiarum longè maxima pro-
 visio est, éque totis lateribus utrinque
 supra fidem multiplicantur ; ut ex
 Malpighii Bombycis Anatome con-
 stat. Atque hæ aeris, per eas in-
 tro sumpti, & sanguini commisti,
 magnam necessitatem arguere viden-
 tur. Respondeo, hæc tua objectio
 pro nobis vehementèr facit. Nam
 cùm illa animalcula multum crassi &
 duri alimenti dies noctésque devo-
 rent ; scilicet, ut brevì tempore sum-
 mum incrementum & perfectionem
 acquirant, hæc victûs & incrementi
 festinatio plurimos vapores excitet,
 necesse est ; adeóque iis plurimis spi-
 raculis, quibus eos expurgent, fo-
 rásque eliminent, opus est. Imò
 verò sæpè & multùm miratus sum,
 quantum exhalent istiusmodi animat-
 cula, dum ea sub vitris ChrySTALLINIS
 servaverim ; ut tota vitra guttis di-
 stillarent. At cum iidem Bombyces
 in Papiliones abeunt, & parcè, suc-
 F cóque

cóque tantùm florum victitent, etiam Branchias Erucarum laterales, aliaque spiracula, præterquam quæ in ore sunt, prorsus amittunt.

Atque hæc animalcula frigida (ut id hic obiter notem) cùm tantum perspirent, illustri argumento sunt plurimos vapores è nobis egredi quatenus scilicet novum chylum multo aëre saturatum, copiosè assumimus.

Atque hæc hæctenus, multo tamen plura, quam initio proposui, de respiratione diximus; neque enim perplexior quæstio est in tota œconomia animali; multorumque adeo hominum ingenia per omnia secula exerceuit; novas subinde hypotheses excogitando ad rem intricatissimam expediendam. At hæc omnes vane fuerunt, nec ulla, quantum video omnibus placuit; veniam itaque mereor, si hic contra instituti mei modulum proluxior fuerim; tantis enim difficultatibus non loquacem esse difficile

ficile est. Sed ad dissectiones, unde digressus sum, jam redeo.

14. Ad Cochleam itaque nostram reversus. *Secunda Sectio* sit hæc. *Intestinum rectum* dissecà à limbo volutæ usque ad Hepar ; quo amoto, finde Peritonæum secundum longitudinem abdominis. Nam id non ampliùs dorsum appellabimus ; cùm dorso, (id est, superiore, jamque nunc exposita, corporis parte) intra ingentem illam Cavitatem, & Respirationis organa, & ipsum cor contineantur ; iste itaque Thorax sive Pectus rectiùs existimabitur. Item, cùm reliqua inferioris ventris viscera, subtùs posita, septo quodam seu peritonæo à pectore distherentur, media hæc corporis pars Abdomen meritò appellandum est. Atque hæc quidem Partium positio reliquis ferè animalibus analoga est ; cum sic Pes infimum locum occupet.

Hæc, inquam, ita sunt, si Partium positionis consideratione, à capite incipiendo ad caudam versus progrediamur. Sin ex transverso eas enumeremus, planè contrarium aliis animalibus partium situm habent. Nam cor supremam in prono animali corporis partem occupat, sub quo venter, & quæ continere solet, viscera latitant : sub his tandem omnibus, ut in Locustarum & araneorum genere videre est, ipsi ventri pectoris pedes & brachia inseruntur.

Hæc autem in Abdomine nostro Cochleæ invenies : nimirum, Caput (Tab. 1. Fig. 1. m m) sive Calvariam pelle, larvæ externa naturalitèr solutum nudatumque ; ut sic promptè & tutò introduci posset. In ipsius vero capitis dissectione hæc occurrunt.

Imprimis *Dens* (Tab. 1. Fig. 2. Tab. 2. Fig. 2.) Unicus, spadiceus rufusve, solidus, osseus corneusve, latus circiter quinque striis, totidemque cuspidibus acutis distinctus ; ad lo
nula

nulæ figuram confectus ; in superiore mandibulo positus ; uncus, & veluti rastellum, introrsum spectans.

Hujus vero dentis usus eximius est. Nam præter quam quòd herbis fructibusque præcidendis, mastican- disque apprimè conveniat ; etiam in nidificando, id est, cuniculis *ampul- latis* in terra effodiendis (de quibus infra) pedum ungulatum aliorum animalium quadrupedum vicem op- timè supplere potest.

Huic autem denti, in inferiore maxilla, *rostrum* quoddam duriuscu- lum, & plusquam cartilaginofum re- spondet ; albidum, ad figuram *inferio- ris* mandibuli alicujus Accipetris. Ani- malia quidem quadrupeda ruminan- tia prioribus dentibus in superiore maxilla carent : at in inferiore ma- xilla omnia, quantum scio, dentata sunt : nostrumque adeo animal ano- malum est, dentisque ratione ab ali- orum omnium animalium norma plu- rimùm differt.

Limacum autem dentem tantum *tricuspidem* (Tab. 3. Fig.) esse, recte nobis exhibuit accuratissimus F. Redi: neque multum dissimilis iste *sepia* dens est, qui figura *Swammerdamiana* depictus apud *Blasium* conspicitur. In ore *sepia*, inquit *Salvianus* ossicula duo nigra, incurva & *Psittaci* avis rostrum æmulantia, dentium vice extant. At id unicum & continuum ossiculum *tricuspe*, cujus media pars *rostrata* est. Quamvis *Sepia* duo dentes sint; eandem tamen formam *tricuspidem*, medioque *rostratam* & unus & alter servant (Vide Tab. quartam) ubi à me ad vivum delineati sunt.

Ante gulam verò, ab inferiore mandibulo *rostrato*, paulò infra mentum, brævis quædam exiguaque fissula procedit; cæca quidem & non pervia, ad magnitudinem dimidii *grani avenacei*, obtusa, alba, velut initium cujusdam *asperulae arteriolæ*. Hic, ut opiner, aeri ore recepto pa-

tet. Et cùm ore spumescere soleat Cochlea irritata, ab hac forte parte, reliquisque faucibus, ipsaque gula, ejus salivam agitari, credibile est.

Ipsum verò caput è crassis & cartilaginosis musculis constat : sine cerebro tamen, quantùm adhuc, exacto scrutinio adhibito, invenire potui.

At in Limace nigro caput majusculum est ; & capiti cuniculi, pelle nudati, valdè simile. In occipitio verò hujus animalis duæ exiguæ maculæ albissimæ rotundæ ; quas cerebri, si quod sit, loco esse conjicio : nihil tamen affirmo.

Capiti insuper annectuntur duo insignes Musculi retractorii, (Tab. 1. Fig. 1. n n n) utrinque unus, lati, albi. Item in posteriore capitis parte alii duo exigui musculi, an ductus tendinosi oriuntur, & versus stomachum descendentes ad Omentum feruntur ; cujus musculi suspensorii, (ll) five ligamenta esse videntur.

15. Ipsum autem *Omentum* (kk) verè adiposum est. Album, rarum sive spongiosum, reticulatum, quasi in duas partes divisum ; ingluviem sive stomachum superiorem ex magna parte contegens. Quamvis autem id solutum & liberius à stomacho esse videtur ; plurimis tamen exiguis membranulis ei connectitur.

16. Musculis autem capitis retractoriis abscissis, eoque arrepto, gulam & ingluviem (jjj) sive stomachum superiorem, usque ad imum ventriculum sine multa Sectione liberabis. Ingluvies verò, ubi vacua est, plicis intùs, secundam longitudinem ejus diductis, exaratur ; ut extra etiam striata esse videatur. Rursus, ingluviem sive stomachum superiorem, magnæ quidem, ut ex flatu apparet, capacitatis est. De glandulis insuper excretoriis exiguis in oesophago Limacum, perinde ut in Avium ingluvie, loquitur *F. Redi*. Hæc autem omnia ferè sinistriorem ventris partem

partem occupant : in dextra verò Cochleæ parte Genitalia disponuntur : quibus exemptis, restant intestina tantum cum hepate.

Haftenus intestinorum tantum exitum & principium descripsimus. At ipse *Ventriculus*, (b) qui ingluviem excipit, parvus est, & in sinu reconditur. Ab ingluvie verò sive stomacho superiore eò discernitur, quòd veluti rotundus aliquis Sacculus, sive intestinum quoddam cæcum est : haud aliter, quàm in plerisque Piscibus videre licet.

In Limace verò nigro, is sacculus cæcus oblongus est ; & instar Marsupii, (Tab.3. Fig.3.) sive peræ alijus paulatim lateſcit.

A ventriculo autem reliqua intestina coarctantur, & paulò graciliora fiunt : à sinu verò ventriculi, aut paulo inferius duo alii *insignes ductus intestinales* hinc atque illinc in hepatis lobos distribuuntur. Atque hi surculi hepatici in causa sunt, cur
intestina

intestina ab hepate sine laceratione separari non possunt. Contrà, si cum hepate integra intestina, tubulo immisso, ab ore animalis inflentur, non tantùm ea, sed & ipsum hepar intumescet ; id quod *Franciscus Redi* attestatur. Idem de Astaci hepa-

Brut. Cap. 3. te olim expertus est *Willis* noster *,
3. è stomacho, inquit ille, in hæc corpora utrinque aditus patefcunt, ut ventus illi per fistulam insufflatus, hæc statim incurrat, ac intumefaciat. Item, propter hanc rationem Cochleæ inferiora intestina originem suam à *papavere* sumere, *Aristotelem* olim existimâsse, credibile est.

In Limace verò nigro, ex interiori parte ventriculi ejusdem cæci (*Tab. 3. Fig. 3. d d*) hæc duo itinera intestinalia majuscula evidentèr incipiunt : quorum alterum ad inferiorem hepatis fibram sive claviculam descendit ; alterum ad superiorem sive hepatis basin fertur : eaque in plures ramificationes per totum hepar diducuntur.

Hepatis

Hepatis, inquam, in omnibus Limacibus in duas fibras divisio maximè conspicua est; earúmque fibrarum in innumeras exiguas fibras *foliaceas* (f f f f f f) elegans & admirabilis subdivisio est. Hepar in Cochleis inquit Malpighius, in quamplurimos lobulos dividitur, non sphaerica, sed *conica* potius figura donatos.

Sed in dissectione Cochleæ nostræ pergo. Duodenum ad extimum si-
ve sinistrum hepatis limbum repit;
mediúmque spatium inter viscus ci-
nereum & hepatis basin pertransit.
Hinc revolvitur, pèrque medium he-
par descendit: à clavicula iterùm
refleèitur ad hepatis basin ex dextra
ejus parte ascendens, ubi colon si-
ve intestinum rectum incipit. Colon
autem proximè superioribus intesti-
nis paulò crassius est; id quod in
cocto animali meliùs observabis. Item
per totam longitudinem intùs læve
est; nisi prope anum, ubi multis pli-
cis longiusculis, sphincteris modo con-
stringitur.

In-

Intestinorum verò naturalem situm, suprà comprehensum, in alia Cochlea (*Tab. 2. Fig. 2.*) majuscula hortensi repræsentatum habes.

De Part.
Animal.
L4. c. 9.

Exitus autem Intestinorum Aristoteli benè notus fuit, " Turbinatorum, inquit ille *, pars posterior ad priorem adducitur, extremâque coeunt, & confunduntur. Et infra ; " Turbinatorum finis ad principium flectitur, quasi quis lineam rectam flectendo sibi adducat. Et rursus, " Excrementum Turbinatis meatu ori vicino emittitur. At hoc, certè Turbinatis (nec Limaces, cùm cute posteriore integra sint ab eodem beneficio priventur) commode fit. Nam Cochlea, clavicula, aut alibi ad latus pertusa, & natationi ineptior, & injuriis, & aquæ, & aeris, & bestiolarum deprædantium magis opportuna esset ; maximè cùm pedibus manibusque ad se defendendum ex toto careat.

Tota autem intestina, ab ore ad anum novem digitos longa sunt. Integrum autem animal novem drachmas pendebat.

17. In proximè superiore articulo de intestinis diximus : ad eorum *hepar* jam redeo. Hujusmodi autem hepatis integra Figura si clavícula explicetur, (Tab. 1. Fig. 1. eeeee) conica est ; nempè, cono ejus ad claviculam intorto. Item è plurimis exiguis lobulis conicis constare videtur ; maximè si paulò diligentius ex aqua pura illud intueamur. Præterea explicato hepate, ita ut interna ejus & lævis superficies ex sole videatur ; illud infinitis punctulis maculisve, velut totidem minurissimis granulis distinguere advertes.

At in Limacibus ii lobuli, ut diximus foliacei (Tab. 3. Fig. 3. ffffff) sunt ; microscopio verò in oculorum auxilium adhibito, Malpighio autore, iidem exigui lobuli conici, velut totidem exigui Uvæ racemi, conglobatis

batis, subrotundis corporibus, acinorum instar conflantur ; quæ cum toto lobulo mediis vasis connexionem habent. Singula tamen proprio describuntur termino.

Porro, hepatis substantia levis & rara, & valdè tenera est ; ut vel levitè cocta in fæces veluti alvinas colliquabitur. Ejus color ferè ex flavo nigricat, aut interdum ex eo pallide viridescit, instar folii decidui, aut alicujus herbæ succi inspissati. Veteribus quidem illud *Meconium*, quod Papaver interpretes Latinè reddiderunt, appellatum est ; ut ex Aristotele discimus. " Excrementum, quod

Hist. Animal. l. 4. c. 4.

Meconium vocatur, Turbinata omnia sua clavicula continent. Neque enim ob aliam ut opinor, rationem ideo dictum est ; quàm quòd succum papaveris inspissatum, *Meconium*, Dioscoride * authore, nominatum, valdè repræsenteret.

* Lib. 4. c. 5.

Hepar itaque in id genus animalibus non aliud est, quàm ipsorum intestinorum insignes quædam *appendices*. Ejus adeo usus & officium aliud est, & planè diversum à sanguineorum animalium hepate.

Ejus autem usum quod attinet, hæc inter alia assignari possunt. (1.) Chyli promptuario esse, quòd una tantùm anni tempestate Cochleæ vescantur ; quòd etiam per æstatem longas inedias pati, propter nimias ficcitates aut ardores cogantur. Hoc ita esse arguit ejus visceris magnitudo, pro animalium modulo, vastissima ; item copia succi vitalis in eo contenti ; denique quòd subitò vel levissimo igne ex toto colliquescere, aptum sit. (2.) Digestioni cibi promovendæ, perficiendæque : nempè succo plantarum crudiore in id expresso, iste, ulteriùs putrescendo tot tantisque itinerum cæcorum morulis, concoquitur ; maximèque cum novus succus, veteri tantùm non stagnanti, subinde

subinde admisceatur. (3.) Glandularum Mesenterii, chylique receptaculi, lactearumque vices aliquatenus supplere, id est, per venas Cochlearum, verè lacteas, ex hepate, reliquisque intestinis ortas, chylum perfectè digestum cordi continuè suppeti.

Opinionem autem nostram hæc firmannt :

1. Quòd hic *nihil Bilis* separatur. Neque enim ejus Cystis, aut pori ulli bilarii uspiam in eo inveniuntur. Non gustus amarus; imò contrà, hæc pars maximè edulis & sapida est: venteribusque adeo plurimùm expetitur, & in deliciis habita fuit; ut apud eundem Aristotelem legi potest.

2. Quod Cochlearum intestina non solùm circumcirca, mediùmque hepar, ut suprà ostendimus, semel atque iterum pertranseant, penetrantque; sed cum ipso hepate, ut diximus, committantur, duosque insignes ductus intestinales, patentef

que

que ei communicent, id quod etiam ab Aristotele * olim proditum est. * De Part. Animal. 7. 4. c. 5. Cochleæ ori, inquit ille, jungitur quasi ingluvies avium, à qua stomachus est; quem excipit venter, in quo situm est, quod Papaver vocatur: Mox intestinum continuum tendit simplex, *originem de papavere* illo ducens: in omnibus enim testaceis inest hoc excrementum, quod vel esculentum esse præcipuè sentitur.

3. Item, ejus communicationis *Locus*: nempè proximo sub ventriculo, de hepatis usu aliquid nobis indicare videtur. Scilicet id intestinorum tenuium loco esse; ut quem usum suis animalibus ea præstent, eundem, aut similem hæc Cochleis præbere existimare liceat.

4. Quòd hepatis substantia sive Parenchyma ex ipso intestinorum succo concreto confici, aut eo certè penitus & continuè imbui videatur. Intra ipsum hepar limacum idem liquor,

G

qui

Hist. Ani-
mal. l. 4.
c. 4.

qui in intestinis & ventriculo est, reperitur ; authore *F. Redi*. Ideoque veteribus excrementitia existimata est. Quod Papaver appellamus, inquit Aristoteles, quasi materia vacans & excrementitia est.

5. Quòd tam ab intestinis, quàm ab hepate eadem venæ, ut suprà demonstratum est, succum vitalem, sive Cochlearum sanguinem ad Cor deferentes, similiter oriantur. Cùm itaque communibus officiis gaudeant, ut eadem, quoque sint verissimillimum est.

Porro, ad usus id genus hepatum clariùs expediendos, hæc insuper ex Anatomia comparativa sumpta, mecum perpendas velim.

I. In aliquibus animalibus sanguineis, Piscibus puta, hujusmodi *jecora intestinalia* dari ; dari iisdem etiam alia eximia *jecora vera*, quæ *bilem* conficiant. Etenim in plerisque piscibus, hujusmodi *jecora*, intestinorum maxima & præcipua pars sunt : cùmque eorum intestina admodum bre-

via,

via, & non nisi una, aut altera revolutione producta, antequam finiantur, his, proximè sub ventriculo, quædam intestinula *cæca* adsunt : nempè, in aliis pauca & longiuscula & crassa ; in aliis plurima & breviora & gracilia. Hæc autem omnia intestino inbiant, suis quæque orificiis, & non aliàs pervia sunt. Atque hæc eodem succo chyloso, cinereo, qui suprà in ventriculo liquefit, replentur. In hoc tantùm à nostris animalculis differunt ; quòd ferè sine parenchymate sint, & tenuibus tantùm membranulis inter se connectantur.

Non autem ignoro, esse quosdam celebres Anatomicos, qui hæc intestinula in Piscibus, *Pancreatem* esse volunt : sed non audiendi sunt ; quòd hujusmodi jecora ab intestinis succum suum evidentè sumant ; nec in ea ullum, quem non priùs ab iis sumplerint, effundant ; quod de Pancreate minùs verum est.

2. Rursus, ne plura & supervacanea *exempla* hepatum intestinalium accumulem, cum brevitatem in his scriptis præcipuè proposuerim, unum vel alterum pro multis ex Insectorum genere dabo ; quæ tamen hanc rem satis, ut opinor, elucidabunt. Nimirum, in *Cancro marino* vulgari, tam majori quàm minori (*Tab. 4.*) Cujus ventriculus perculiaris fabricæ est; qui scilicet inter stomachum, osq; ruminantium ambigere videtur. Eum autem proximè excipit jecur intestinale, admiratione sanè dignum, siue ingentem ejus magnitudinem, siue formam & constitutionem consideremus. Illud tamen ductibus primariis, ut in nostris animalibus suprà fieri dictum est, cum intestino, proximè sub ventriculo, committitur. Hujusmodi verò hepar ex infinitis *fasciculis* intestinulorum cæcorum manifestè constat. Etenim, qui ex aqua limpida, vel nudis oculis, planè discerni possint ; etiamsi quoddam villosum parenchyma

renchyma iis interjectum sit. Præter hoc autem hepar, aliud omnino non datur intestinum, nisi, quod gracile & breve, ad anum rectà ducit.

Idem quoque Hepar, à *pellicea* quadam textura valdè conspicuum, in *Astaco Fluviatili* observare licet. Item in *Araneis* dissectis haud dissimilia jecora vidi.

Astacorum insuper *marinorum* genus, & ventriculi figurâ, & recto intestino, & hepatis ingenti magnitudine, quod ferè in iis animalibus totum abdomen occupet, cùm *Canceris* conveniunt. In eo tamen differunt, quòd, quamvis in duas fibras eorum hepar bipartiat, ex primaria intestini ramificatione, quo cum proximè sub ventriculo committitur; minùs tamen, quàm in proximè nominatis animalibus, discretum, & magis parenchymatosum est.

Ex his itaque exemplis, non amplius dubitare licet, hæc jecora vera intestina esse. Rectèque adeo Plinius

(lib. 11. c. 27.) ex veterum Anatomicorum fide & diligentia. " *Jecur nulli esse, nisi sanguinem habentibus.*

At merito aliquis objiciet; si hæ intestinorum tantum *appendiculæ* sint, jecoris nomen iis admodum abusive attribuitur. Rem totam libenter concedo. Neque multum interest, quo deinceps nomine audiant, modò de re, ejusque usu nobis constet. An cum Veteribus *Meconia* appellentur; quod tamen eorum usum haud abscurè indicat; cum ita quid excrementitium ab intestinis sumptum continere dicantur: an jecora *intestinalia*, ut ab hepate propriè sic dicto, discriminentur.

Quia tamen veri hepatis usum & speciem aliquatenus præ se ferant, eoque nomine à quibusdam doctioribus viris appellentur, eo usque vocabulo, per me licet, fruantur. In piscibus quidem mera intestina sunt; quòd iis præterea hepar donatur: at ubi verum hepar omnino deest, ut in
Cochleis

Cochleis & Limcaibus nostris, & intestinorum & veri hepatis vices aliquatenus supplere videntur.

Hæc *insignis* conglomerata in Cochleis glandula ex situ & vasorum connexionem, evidentè hepatis naturam & munus explet. *Malpig. de Hepate.*

Hæ partes in Testaceis vulgò hepar dicuntur, & revera tam hepatis, quàm Mesenterii officiis fungi videntur : quatenus nempe, chyli recens confecti portionem puriorem excipiunt, eamque defæcатиorem, mox humori vitali transmittunt. *Willis Brut. c. 3.*

De insolito vero horum animalium hepate inferre licet : cum iis non verum hepar, nec Pancreas data sint, è quibus flatus concoquentes copiosè & continuè expirent, cæca hæc intestinula multiplicari, necesse est ; ut quod halitus sulphurei & marcescentis adminiculo fieri non potuit ; id infinitis morulis & perpetua fræcedine conficiatur.

Hujusmodi autem intestinula ita, ut opinor, à natura ordinata sunt ; ut, cum Mesenterium, quo in orbem colligi intestina solent, hic desit ; ideoque illa nostræ Cochleæ non in unum longum & continuum ductum extendi, sed quæ *gracilia* in calidis animalibus, hic in totidem cæca intestinula præscindi, & proximè sub ventriculo, vel *nudè* & apertè, ut in plerisque piscibus ; vel *testè*, more alicujus visceris *parenchymatosi*, coacervatim appendi oportuit.

Mesenterium autem deesse voluit natura ; quòd lacteis venis carendum esset, quibus, earumque glandulis maximè suffulcro, ad commodiorem chyli distributionem, id usui esse existimatur ; item quòd in multis verum hepar & Lien, adeoque infinitæ & magnæ, venæ sanguiferæ ad Portam spectantes, & per mesenterium discurrentes tandemque intestinis inferendæ, aliaque infimi ventris viscera

viscera denegata sunt. Adeoque his animalibus, quibus natura viscerum tantum *compendium* instituit, mesenterio minimè opus fuit.

Denique illud accedit ; nimirum exsanguibus animalibus, ubi *nullum* Hepar est, *ambagiosum* tamen quoddam *viscus* datur ; quod nempè succi vitalis circuitum celeriore aliquid quantulum retardet, prolongetque ; eorumque adeo cordi, ex *Penso* aliàs immoderato, laboranti, anfractuosos itinere, succurrat.

18. Hactenus eas Cochleæ nostræ partes, quæ vitæ ejus, nutritionique maximè inserviant, descripsimus. Proximum est, ut antequam reliquam dissectionem aggrediar, de Cochlearum victu, ejusque concoctione ; item de succo vitali, ejusque motu & natura, pauca dicamus.

Cochleæ itaque omni tempore, maximè pluvioso, de die ; Limaces campestres nigræ ferè occidente sole ; at Limaces Cellarii non ante mediam

diam noctem pabulatum exeunt. Cochleas insuper Limacesque graminivoras esse constat. Stomachumque adeo & intestina, pro animalis modulo (perinde ut ab Anatomicis notatum est de sanguineis animalibus graminivoris) capacissima habere. At præter herbas fructusque, etiam panem, caseum, carnemque omnigenam maximè piscium & fassamenta, vehementer appetunt. Imò verò se invicem occidunt, roduntque.

Herbam autem subviridem iis à concoctione excerni notum est, adeoque non multum mutari, quo tempore per stomachum & intestina transeat. Idem tamen de plerisque animalibus perfectioribus, herbis viridibus vescentibus, observare fas est. Ipsum verò cibum aliquatenus exuccum fieri ex excrementis eorum duriusculis & figuratis discimus. Illa verò, ut id obiter hic notem, aut ad longitudinem recti formata, aut in pilulas exiguas, oblongas & leviter com-

compressas, quæ Limacum quorundam proprietas est, ejiciunt. *Scybala* autem formari sentio, ubi excrementa indurescere incipiunt, partim ab intestinorum motu interrupto, partim à cellulis coli & intestini recti.

Succus autem herbarum ampliùs eliquatus ex maximâ parte propter rationes suprâ positas in hepar intestinale exprimitur ; reliquûsque, qui per intestina inferiora fertur, venas spissè circa intestina convolutas subiit. Ubi verò quotidiano pastui indulgent, succum nutritium, ex insigni hepatis turgescencia, plenius dispensari constat.

Hepar autem, ipsâque intestina, etiam superior ventriculus sive ingluvies, ut ex *venis argenteis* in *limace* nigro eum amplectentibus, venæque cavæ commissis, patet, chylum cordi evidentè subministrant.

Viscus

Viscus vero cinereum five præcordiale, scilicet cordis perpetuum assecclam, quod attinet: id, quantum scio, his animalibus peculiare est; novoque adeo nomine & usu distinguendum est. Si itaque conjecturæ nostræ venia dabitur, illud constitutum esse puto; partim ut tanto Pericardio aquam subinde sufficiat; partim ut Thymi, aut magnæ alicujus glandulæ meseraicæ vices aliquatenus agat: quòd in plurimos ventriculos anfractuosos excavatum sit, ut ex ejus coctione manifestum est: quòd insuper succo chyloso quodam, five lacteo supra modum turgeat: quòd item cum corde proximè communicat: quòd denique admodum venosum est, certè altera ejus medietas.

At ex hepate, non cor tantum succo vitali suppletur; sed & ipsa Genitalia, ut puto, inde aliquid certè nutrimenti sui haurire. Siquidem Ovario, tanquam Genitalium quadam radice, in inferiore ejus fibra

bra, sive clavicula altè inhæret. Cùm itaque in perfectioribus animalibus Uterus, membræque alia ad generationem spectantia, ferè ab arteria magna, ad renes descendente, nutriantur ; cùmque hic supervacuum à venis humor, in cute assiduè madefacienda plurimum excernatur ; renesque adeo & vesica urinaria desint ; ideo, ut opinor, intestina, id est, chyli fontes & receptacula multiplicari necesse est ; ne inter alia, Generationis organa sua debita nutritione frauderentur. Sed de ea re infra opportuniùs dicam.

A corde verò humor vitalis in Branchias, ut suprà expositum est, pulsatur : ubi aëris madidi, à respiratione circumfluentis, beneficio gaudet. Quomodo autem perficiatur succi vitalis, sive Cochlearum sanguinis circuitus, quòd ejus investigationem & omnes venæ similiter pellucidæ & ipse succus, vitalis aërei coloris, magnopere impediunt, demonstrari

strari admodum difficile est. Illud tamen satis constat, eum in Branchiis Cochlearum celeritè moveri, quòd iis dissectis, maximè ad earum foramen, magna copia succi vitalis dicto citiùs, velut in Arteriotomia, effunditur. Imò verò succum vitalem, ut puto, ex earum venis præcis multo celeritè exilire, quòd sanguine, propriè sic dicto, multo liquidior sit. Unde clarè constat, illum succum in omnes corporis partes, tam cutaneas, quàm in viscera interna profundi. An verò per eandem Branchiarum viam, vel quo alio itinere ad Cor redit, adhuc hæreo. Illud quidem certissimum est, totam communicationem, quæ inter Cor & cutim intercedit, per partes ad caput & cervices maximè pertinentes ferè perfici; nam reliquæ à cute solutæ & liberiores sunt.

19. De natura autem ejusdem succi vitalis in Cochleis hæc expertum sum. Is pallido-ferè cærulei coloris

sanguinique humano, certè ejus sero, analogus est. Etenim instar aquæ fontanæ è venis, circa cor præcisis, & alibi intra corpus vulneribus factis, liquidus, ut dictum est, effluit. Et ut è venis missus, instar aquæ liquide fluit, ita in Vasculum aliquod receptus, & ad aliquot dies servatus, subcæruleus, *liquidus* & *integer* permanet : quippè, in duas partes, ut de sanguine nostro fieri solet, sese non dividit. Is verò igni admotus, ante ullam sensibilem ejus evaporationem, in coagulum opacum, subcæruleumque satis promptè concrescit ; simili planè modo, quo sero nostro sub eodem experimento evenire solet.

Si tamen in bono Microscopio examinetur, id est, Syphone capillari vitreo, venæ alicui intruso, globulos opacos verè orbiculares haud paucos videbis ; ac sanguineos nostros globulos magnitudine plurimum excedentes. Hi vero globuli, ut præ sanguinis globulis pauci sunt, ita aqua

aqua quadam limpida innatant, & paulatim præ gravitate ad imum Syphonem descendunt. Idem quoque experimentum de succo vitali in Cochleis fluviatilibus feci; idemque coagululum subcæruleum, igni admotus, dedit.

Imò, verò etiam si diu, multumque igne urgeatur succus ipse vitalis, sanguinis tamen colorem rubrum nunquam induet. Hicque adeo non silentio prætereundum est, quod à *Glissonio* nostro perhibetur: ex iis animalibus, inquit ille, quæ exsanguia sunt, ex gr. in *Ostreis*, ob calorem æstivis mensibus exuberantem, sanguis non nunquam deprehensus est, indèque ratio constat, cur aliis temporibus succus earum vitalis, ad sanguinis tincturam minimè pertingat. Quoniam nempe calor in eo tunc hebetior est, quàm ut calorem hunc illi inducere queat. Quinetiam vitalis circuitus in ipsis facile adeo peragitur, ut intensiore caloris gradu, lucta-

luctationēque in eo nihil opus sit. At si hoc fiat defectu caloris in isto succo, cur Ostreæ sanguinem non semper conficiant, multo calidioribus regionibus; cum ipsissimæ eademque quæ apud nos, Ostreæ usque etiam apud Insulam *Maderam*, & fortasse multo propius lineam æquinoctialem inveniantur. Item cur Piscium & Serpentum, Ranarum, Lumbrici Terrestres, &c. succus vitalis tincturam sanguinis saturatam acquirant, cum omnino *frigida animalia* sint. Si urgeas facilem in his succi vitalis circuitum, adeoque minorem luctationem, à quâ major calor oriri oportuit; Echini Terrestris nota instantia hunc prætextum pessundat; cum non visceribus, nec succo vitali sanguineo, adeoque in eo non difficilius circuitus, aut minor luctatio ad sanguinem circum pellendum conficiendumque, sed uno totius animalis insigni frigore à reliquis perfectissimis animalibus quadrupedis Terre-

sribus distinguatur. Hæc sanè *Tanto viro* indigna sunt ; sed libentè credimus, quod volumus, & quæ aliàs dura, veroque aliena, si tamen ad nostram Hypothesin benè facere videantur, apud nos facilem fidem inveniant. Quorundam quidem Buccinorum, imò fortasse Conchyliorum nonnullorum Bivalvium succus quidam *peculiaris* sanguinem rubore suo æmulare potest : Imò verò is succus, qui in venis suis peculiaribus naturalitèr inest, soli, vel igni expositus, ex albido & aqueo, statim purpureus fit ; id quod de *Purpura* nostra *litorali* constat, & in Actis Philosophicis Londinensibus fusè demonstratur ; de *succo* tamen *vitali* alicujus animalis *Testacei*, scillicet illo, qui in orbem per cordis officium circumagitur, id minùs verum est. Nam, ut dictum est ; *alius* est sanguis calidorum animalium ; imò frigidorum quorundam (nam *Echini* terrestris exceptio nota distinctionem illam mutilat)

mutilat) pulmonibus donatorum ;
 atque *alius* Piscium, Serpentum, &c.
Tertiusque verò exsanguium. Levi-
 tère quidem Cochlearum Limacúmque;
 succus vitalis cærulescit, Crustato-
 rum plerorunque, croco itidem le-
 vitère flavescit ; at illi in sanguinem
 nunquam mutari possunt ; quòd e-
 jus crassamine, in quo solo rubedo est,
 omnino careant , adeóque perpetuò
 fluidi eorum humores vitales sunt.

Illud quidem fatendum est, posse
 oriri, ex majore, vel minore quan-
 titate aëris, magnam colorum diver-
 sitatem, in corporibus maximè flu-
 idis illuminatis. Particulæ tamen
 hoc vel illud fluidum naturalitèr con-
 stituentes , ut *Figuræ* , ita *coloris*
 alicujus certi, determinati & *perma-*
nentis sunt ; ut non temerè in aliud
 mutantur.

Si tamen instabit aliquis, *ipsum*
sanguinem modò ex atro rubescere,
 modò ex cocco rutilare solere ; ade-
 oque posse etiam vitalem succum

Ostrea, *Cochleæve* nostræ puta, ex subæculeo in sanguineum aliquando perfici. Etiam si de hâc re alibi plura dicere opportunius duxi; aliquid tamen hîc reponere non gravabor. Respondeo itaque, illam instantiam admodum levem, & pauci momenti esse. Nam certum est, Arteriosum sanguinem à venoso non ulla partium internarum constitutione differre; sed tantum unico modo, quo aër cum iis misceatur. Nulla hîc accensio, nulla fermentatio, adeoque nulla constitutionis mutatio est; sed sola aëris *inuneatio* est, assidua & vehementi pressura sive systole, tantum non continua, maximè sinistri ventriculi cordis & arteriarum. In venis autem aër compressus continue sese expandit, extricatque, quæ ejus elateris proprietas est; idque insuper ipsa venarum sensim ampliatarum fabrica plurimum adjuvat; donec rursus ad *torturam* cordis remeando perveniat.

Imò verò ipsa pulmonum vehemens aliqua *inflatio*, sive ex *exercitio* aliquo improbo, sive ex *animi affectione* immodica, sive ex aliquo *Artificio*, eandem cordis pressuram imitare possit, facile credo. At naturaliter secus se res habet : nec sanguis magis rutilat in Pulmone, quàm in Hepate; quòd utrobique quæ sanguifera vasa, *venæ* sunt; ipsaque Porta, æque Arteria dici potest, ac arteria pulmonalis; isti sanè duo *minores circuitus* venarum tantùm ministerio similiter perficiuntur; & ad solatium cordis, ut alibi dictum est, ne nimio oneri succumbat, *primariò* institui videntur.

Hanc autem rem, si quis hæreat, sic conficio. Sanguis è *Cava Embryonis* per foramen *ovale* in sinistrum cordis ventriculum, prætermis- sis pulmonibus, profusus, vel in aorta ex cocco rutilat, vel non. Si rutilat (quod extra dubium ponit ipse Piscium sanguis arteriosus coccineus;

ubi scilicet pulmones ex toto deficiunt.) Aere simul influente, ejusque cum illo commistione, ut sic rutillet, opus est. Illa autem commistio hic nihil aliud esse potest (quod pulmones jam ex toto oriantur) quam sola cordis systole. Ad eundem autem modum aeris liberi, sive externi merum pondus, inque sanguinem venosum *atratum* incumbentis, magis rubentem statim efficiet. Ita particulæ vitroli cærulei in spiritu salis Urinosi volatilis, è cupro extracti, autore *D. Slare* nostro, Chymicorum facilè coryphæo, vasculo vitreo diligentèr clauso, omnique aere exactè excluso, velut alta nocte latitantes, paulatim sese oculis nostris subducunt, nullūque sui colorem ampliùs exhibent. Vase verò aperto, novoque aère admissò illicò particulæ salinæ cæruleæ, toto humore per minima dispersæ, pulchrè, velut à face in tenebris accensa, illuminantur, ad sui scilicet claram demonstra-

Philosoph.
Transact.
Lond. N.
204.

monstrationem. Ut autem superius experimentum ad sanguinis mutationem illustrandam confectum, plenius quadraret ; non semel, sed toties quoties omni aere exinaniretur vitrum, colorem quoque denuò amitteret ; novique aeris admissione cæruleum rursus præ se ferat. Imò fortasse ita se res habet. Appello egregium Mystam in hujusmodi arcanis, suprà laudatum.

Atque equidem nullus dubito, quin si aer externus ulterius & profundius in crassamentum sanguinis venosi, penetrare potuerit, perinde ut facile prompteq; in aquam illam sive spiritum aquatum, tenuissimumque descendere soleat ; ipse itidem ille sanguis ex toto arteriosus, coccineus fieret, & non tantum superficie tenus. At integrum istiusmodi beneficium non expectandum est, nisi ab unico cordis *Torculari*.

Unde nequeo satis mirari, quid *Lowero* in mentem venerit, cùm levi adeo de causa sententiam suam mutaverit. Etenim cum reliqui omnes Anatomici, quos me legisse memini; uno omnes ore idem affirmaverint, quod ipse expertus est; nimirum, sanguinem à vena pulmonari à se detractum, venoso similem fuisse; facti tamen certissimi excusationem statim proferat. ‘ Quòd nempè ex
 ‘ violenta & perpetua insufflatione
 ‘ follium, quâ pulmones undique acu
 ‘ spissè punctati in continua dilata-
 ‘ tione, ad experimentum rectè con-
 ‘ ficiendum continentur, in coccine-
 ‘ um venosus sanguis mutatus sit.

Experimentum admitto; at sine sequela est. Etenim respiratio res placida & mitissima est; ut autem illa tantam mutationem in sanguine, quantam folles cyclopi alicujus indefinentèr agitati, naturalitèr inducere soleat, cogitare absurdum est.

Præterea aërem, facti autorem, ex maximâ parte agnosco. At nec inde sequitur aerem pulmonem naturalitèr inter respirandum subire, ipsumque corporis habitum per illos penetrare. Imò si aër naturalitèr per pulmones integros transmittatur, cur in superiore experimento tot puncturis, in iis undique faciendis opus sit? Quid ergo est.

Lectoris veniam peto, si, hujusce incertitudinis tollendæ causâ, pauca regeram, quamvis ex instituto nostro, certè impræsentiarum, litem illam, minus opus sit, ut nostram faciamus.

Quæro itaque, cur aliqua cautio necessaria sit ad illud experimentum rectè conficiendum? An aliàs minùs succederet? Ergo haud naturalis illa mutatio est; & tùm primum ejus experimentum revertatur, necesse est; meritòque veritatis sedem rursus occupet.

At

At Animal vivum satis diu conservare non potuit; nam aër omnis, inquit ille, 'Cum vita è pulmone priùs exclusus fuit, quàm venam pulmonarem accipere, & pertundere potuerit. Itàne? At Pulmones adutorum non adeo subsidunt, & solidi fiunt, ut omnem aerem protinùs excludant; etiamsi ab actione prorsus cessent. Imò contrà, aère adhuc turgent, natantque ex summa levitate distentarum aere vesicularum.

Invento autem, si diis placet, Hookiano de follibus, ipsi semel cognito, Animal pro arbitrio ex orco revocare, detinereque in vita potuit. Quid inferis? Ergo color coccineus sanguinis per venam pulmonarem transeuntis, experimento isti solo debetur. Sic equidem sentio.

Ad argumenta pergit, ex iteratis experimentis ejusdem facti desumpta. Si rei creperæ certiore fortè aliquam fidem faciant.

1. ‘ Asperæ arteriæ præcisæ *Suber*
 ‘ immittendum, arctéque deligan-
 ‘ dum, ne quid aeris in pulmones
 ‘ ingrediatur : Sanguis ex arteria
 ‘ *cervicali* simul discissa effluens (sal-
 ‘ tem qui aliquandiu post præfoca-
 ‘ tum pulmonem erumpet) totus
 ‘ venosus paritèr, & atrii coloris per-
 ‘ spicietur, non alitèr quàm ex vena
 ‘ jugulari pertusa, profusus esset.
 Hoc ego, inquit ille, sæpiùs expertus
 sum. Hæc autem mecum notes ve-
 lim. Aliquod tempus, illo ipso au-
 tore, expectandum est : etiamsi dis-
 cindatur arteria cervicalis simul ac
 suber impactum est : id est, donec
 cor ex toto movere defierit ; quod
 tamen, pessulata semel aspera arteria,
 paucis momentis fiet.

2. Porro, mortuis animalibus san-
 guis arteriis contentus (qui sanè ad-
 modum paucus est) totus venoso
 similis reperitur : nec mirum, cessante
 causa, id est, cordis constrictione, si
 effectus quoque cessaverit.

3. Ter-

3. Tertium autem experimentum, quantum illud intelligo, pro nobis omnino facit. Nam validissima aliqua insufflatio in venam cavam, jamjam strangulati & extincti animalis vehementer sanguinem premat, necesse est; maximè si simul eadem pressura in pulmonibus quoque urgeatur. Sic undique, uti loquitur, impulsus sanguis, ex toto arteriosus & coccineus ubique fit. At quorsum hæ tantæ turbæ excitatæ sunt, nisi in æmulationem cordis Systolis ? quæ sola naturalis, ut dictum est, coccinei coloris in sanguine, quocunque demum modo itinerève aer corporis habitum penetrâverit, causa efficiens est. De ipso autem aëris ingressu alibi commodiùs dicturus sum. Verum è diverticulo (si tamen hoc diverticulum appellandum est) in viam.

20. Præter succum verò vitalem, qui tantum intra venas propriè sic dictas circuire existimandus est, & qui tam extrà, quàm intra animal liquidus

liquidus perpetuò permanet, *alii* insuper *humores* à Cochleis spontè excerni solent. Atque hi salivæ nostræ comparandi sunt : in hoc autem censu est iste Mucus, tam subitò & vehementè glutinosus, qui spontè & copiosissimè è corio horum animalium ejici solet : de illo loquor humore, quo è glandulis Cochlearum excretoriis continuè eructato, tota earum cutis perfunditur, fitque madida. Iste verò humor alius, atque alius in aliis ejusdem corporis partibus est. Nam in Cochlea, quam præ manibus habeo, ex ipso ejus cucullo, in humeros erecto, verè lapidescens succus habetur, & qui abstersus, in testam faciliè concrevit. Huic, inquam speciei privatim datur, ex ipsa illa saliva, opercula quædam *gypsata* sive testacea, sibi in hyemem conficere ; unde iis *Pomatia* nomen inditum est. Identidem in parvo Limace cinereo, totus ferè succus cutaneus è testacea quadam materia constare

constare videtur. Etenim si ejus dorsum & latera stylo levitè demulceas, liquidam illam testam, Magisterii cujusve è Margaritis æmulam, sat copiosè obtinebis.

Succum autem *coccineum* quod spectat, à purpura nostra fluviatili laceffita effusum ; is ex ipso ore pedèque, certè prope foramen Branchiale, velut saliva quædam oriri videtur ; forte ex aliquo peculiari ductu, ut in Sepia ; quem tamen adhuc observare non potui. Est tamen insigne quoddam viscus coccineum, in hoc animali. At id *lactis* est, & Genitalium præcipua pars, de quibus mox plura dicemus. Nam sub partûs tempore, videlicet exeunte Aprili, id majusculum, & præ reliquis visceribus conspicuum est. Junio verò ineunte, (cùm tamen multo pinguiores & succosiores sunt istæ Cochleæ) id ferè exaruisse notavi.

Neque

Neque enim Veteribus in hâc re
 levitè assentiendum est, affirmanti-
 bus * Atramentum Sepiarum, aut ^{* Part. l. 9.}
 Purpurarum generi infectorem illum ^{c. 29.}
 succum iis pro sanguine esse. Si-
 quidem ejusdem cum coccineo succo
 nostro naturæ esse, vero similimum
 est; quòd spontè ejiciatur.

Si quis autem quærat, quare Co-
 chlearum, & id genus exanguium;
viz. Cancrorum, Locustarum, A-
 ftacorum, &c. (nam de his quoque
 omnibus experimentum feci) succus
 vitalis usque liquidus permaneat?
 Respondeo. 1. Quòd iste liquor
 simplicior, & ferè uniusmodi est;
 cùm sanguis noster ex duobus natu-
 ralitè distinctis humoribus, quorum
 unus valdè fibrosus est, confletur.
 2. Deinde, quod hanc rem non pa-
 rum elucidat; nimirum, Piscium
 sanguinem frigidum, è venis edu-
 ctum, subitò quidem concreescere;
 at brevi per se ex toto rursus eliques-
 cere, nec ampliùs coire. Ut Pesci-
 um

um cruor inter perfectiorum animalium sanguinem, & Cochlearum humorem vitalem ambigere videatur : Imò tanta est Piscibus cum Cochleis affinitas , ut in plerisque piscibus iste mucus, ex eorum quoque sanguine ortus admodum lubricus & viscosus, toti cuti oblineatur. Atque hinc ratio patet cur in Piscibus minor vis sanguinem impellens requiratur ; siquidem uno cordis pulsu eorum sanguis ex arteria in Arteriam, scilicet, capillaribus in Branchiis surculis per anastomosin cum seipsis mutuò commissis, in universum corporis habitum feratur ; integrumque circuitum deinceps per alteram venarum cum arteriis anastomosin conficiat ; at hoc non quòd leniùs fluat, (quod tamen aliquibus, ut video, placuit) sed quòd multo tenuior humor, adeoque mobilior sit. Istiusmodi autem liquationis ratio non alia esse videtur, quàm facilis & prompta Putrefactio ; cui quidem rei

rei expediendæ Jecoris intestinalis
usus eximius est ; nempe, ut tot
cæcis ductibus chylus implicitus, lon-
ga in iis mora & perpetua intesti-
norum fracedine, ampliùs putre-
scat.

Pisces itaque & exanguia præ car-
ne perfectorum animalium facile
concoquimus, nihilque ferè negoti-
faceffunt stomacho, vel imbecilliori,
rectèque adeo veteres exanguium
humorem, sanguini nostro correspon-
dentem, *saniem*, id est, *aliquid cor-
ruptum* vocarunt. Atque hoc genti-
um civilium & humanarum consue-
tudo satis evincit. Siquidem ex ani-
malibus nullum *crudum*, nisi quæ
exanguia, & ex piscium genere sint,
comedere solemus : reliqua verò
omnia *cocta*, & vario mangonio præ-
parata sumimus.

21. *Tertia* autem Cochleæ no-
stræ *Sectio* erit de Organis generati-
oni inservientibus. Illud verò in
animo ante omnia tenere oportet,

has bestiolas *androgynas* esse ; adeoque unam eandemque Cochleam maris & feminæ participem esse, & membra generationi dicata utriusque sexûs in se habere. Cum verò hæc quæ sequuntur admirabilia, insolita, & planè nova sint ; ideo ea accuratius describi, depingique merentur. Utrunque autem in hac exercitatione ex bona parte à me præstitum esse confido.

Hæc autem melius nobis constabunt, si coitu firmo Cochleæ constrictæ, suspensa admodum manu à se invicem divellantur : Siquidem eo tempore sine ulla Sectione hæc de membris earum genitalibus observare licebit. Nempè ad radices cornu dextri, paululumve retrò in collo, quoddam membrum genitale, biforme, bicèpsve exeri solet. Ex una enim ejus parte quoddam corpus obtusum, albumque aperitur, rimula undata, & inequali sive orificio depresso, transversimque fisso, quam deinceps

deinceps *vulvam* (Tab. 1. Fig. 4. a) appellabimus ; ex altera *Penis* (bb) cujus glans in hac nostra Cochlea longiuscula, quadrata, alata, operéque quodam in alis dentato exasperata. At in plerisque aliis Cochleis Terrestribus Penis exerti glans uncinata (Tab. 2. Fig.) est. Hæc autem duo membra si ampliùs extrahantur, communi quadam vagina inclusa esse, videbimus.

E medio verò ipsius penis apice (in uncinatis similiter) si diutiùs coeun-
rium separationem moliaris, usq; totalem divisionem urgendo, *Capreolum* (Tab. 2. Fig. 3. ddd) quendam exeun-
tem observabis. Is autem solutus, minimùm sex digitos longus est ; ejus verò caput crassius & levitèr mucronatum vulvam, ipsùmque uterum aliquò usque intrat ; certè quatenus liceat, propter nodum quendam oblongum, in capreolo conspicuum, plena coitione immergi solet. Reliquum verò capreolum cincinnatum

(*Tab. 2. Fig. 4.*) ex ipsa penis glande faciliè educere potes : unde ipsum penem esse tantum Thecam, sive Capreoli *præputium* liquet.

De *nodo* verò longo & opaco, & compresso, quem diximus circiter digitum à capreoli capite distare, illud præterea notare libet, eum paululum in medio latefcere, duplicique serie spinularum, (*Tab. 2. Fig. 5.*) hinc & illinc ad ejus latera spissè positarum, donari. Istarum insuper spinularum mucrones uncinati sunt, & introrsum spectant. Istius itaque nodi uncinati, inter alia, is usus esse videtur, ne capreolus femine lubricatus præproperè & citiùs ex utero exeat, quàm par est. Imò verò cum hæc animalia totos ferè dies in Venere conjungi consueverunt, hos stimulos non tantum ad veneris incitamentum, sed ad coitum etiam firmiorem, & diuturniorem eximè facere, credibile est. Porro is capreolus verè cartilagineus est ;
nempe,

nempè, admodum durus, flexilis & fragilis ; item, nisi ubi nodulus prædictus est, instar crystalli pellucet. In ipsa verò capreoli à coitu educatione, cum semine genitali perfundi, à mira ejus viscositate, discimus.

Illud autem verissimum est, utriq; Cochleæ à coitu separatæ, quatenus extrà discerni potest, unum idemque & per omnia simile membrum genitale Androgynum dari : ut quod jam de uno aliquo posui, de altero suo conjugo cogitandum est. Hinc insuper liquet illam figuram, quæ in libro Swammerdami de respiratione exhibetur, fictitiam esse, Cochlearumque penes in coitu rectà inire, nec ulla mutua torsione (ut Pictor voluit) inter se complicari.

22. Limacum autem coeundi modus à me olim sic descriptus est. Ineunte Augusto ad meridiem, tempestate admodum serena, è maximis limacibus cinereis striatis duos venerè conjunctos vidi. At nec magni-

tudine æquales, & cutis varia pictura præcipuè inter se differebant. Majori ad caudam virgulæ undatæ fuscae ; item huic color paulò albidioris, crebrisque ; maculis nigricantibus supra cucullum maximè distinguebatur. Ii autem in aëre liberè dependebant, capitibus deorsum inclinatis de nodo saligno, è veteris cujusdam arboris trunco extante, demissi. Corporum verò pondus sustinuit funis crassus sesquipedalis, è propria earum saliva confectus, isque eorum caudis interplicatis affixus est. His ita dispositis, uterque ingentem penem exerebat, è dextra capitis parte juxta cornicula. Hi autem primùm Piscium quorundam vesiculis similes fuisse ; deinde eosdem , non aliter, quàm caudas interplicabant. Mirum, quantum hi intumuerunt ; pinnisque quibusdam elegantè striatis exornati sunt. Iis verò color pallidè cyaneus. At altera penum extremitas nervosior, multoque albidior fuit.

Isque

Isque membrorum Genitalium plexus, velut mediocre pyrum è duplici petiolo dependens mihi videbatur. Tandem à me divulsi sunt ; itaque omnino nullem in membris eorum genitalibus differentiam discernere potui ; etiamsi , ut supra dictum est, fatis erat in forma externa, quo distinguerentur.

Hujus autem Limacis Genitalia exerta, prout supra à me olim descripta sunt, apud *F. Redi* eleganter admodum figurantur , nempe prima ejus & secunda Tabulâ Anatomica ; quas tu velim inspicias.

Quamvis autem Limaces, quoad reliqua, verè androgyni sint, capreolus tamen, Cochleis plerisque domiportis datus, iis deest. Item Uteri cirruli, sive folliculi *digitati* ; ipseque arcus & veneris sagitta denegantur ; de quibus proximo loco dicturi sumus.

23. Ad Sectionem itaque redeo. Hæc autem, geminata membra, eorúmque appendices dextrum Cochleæ latus serè totum occupant. Aperto verò cervicis latere, primo loco, corpus quoddam pyriforme sive pyramidale (*Tab. 1. Fig. 4. c c. Tab. 2. Fig. 4. b b*) occurrit. Illud autem duplex est; nimirum, ejus pars *superior*, sive principium, quæ Uteri initium sive matrix est. Etenim per eam ad omnia Genitalium itinera aditus est. At ejus pars *inferior*, quæ valido sphinctere septóve à superiore diducitur, vix tertiam digiti partem profunda est; modicè cava, & minimè pervia; ex crassissimis & penè cartilaginosis musculis constat; imò verò, ob nervosam ejus constitutionem supra reliquas omnes Cochleæ partes, uno corde excepto, vario & diuturno motu, maximè festuca laceratum, se torquere adverti, ac si alterum animal esset; tanto sensu & vigore præ aliis genitalium partibus

bus pollet. Ab ejus autem corporis pyramydalis interna, & ima parte exiguum Tuberculum assurgit, cui annectitur *officulum* (*Tab. 1. Fig. 5. Tab. 2. Fig. 2. Fig. 7.*) mucronatum; ipsum verò tuberculum sive globulus cavitate quadam ad caput ossiculi excipitur, quemadmodum caput ossis femoris ischii acetabulo. Atque hæc quidem *Sagitta*; illa ejus *Funda* est. Hujus autem spiculi mucro sursum tendit, & è quadruplici acie constat; ex quibus superior & inferior minùs eminent: ita tamen conformatum multò altiùs ejaculatum penetrat. Item huic rei insignitè faciunt admodum nervosa arcùs sive corporis pyramydalis latera. Imò verò tanta vi hæc spicula interdum vibrantur, ut ea, ad ipsa eorum capita, intra cervices Cochleæ impacta & defixa sæpiùs observaverim. Hæc autem spicula nunquam nisi in coitu ejaculata me vidisse memini. Sæpiùs vero alterutram Cochleam, &

non

non raro ambas à se invicem mutuo vulneratas fuisse notavi. Semel, in eunte Septembri, duos stimulos unius Cochleæ corpore diù, ut conjicio, quòd à venere jam diu destiterant, infixos extraxi.

Cùm autem de quodam officulo lato tenuique in plerisque Limacibus, præsidii causa, cordi superinjecto supra mentionem fecimus; cùmque hæc *alterum officulum* sagittæ forma jam descripsimus, qua Cochleæ pleræque Terrestres veneris excitandæ causa, utuntur, & Limaces omnino careant; æquum est, Antiquorum de his rebus notitiam, si quæ fuit, investigare.

Limacis itaque Lapilli sive officuli, quod inveniatur in ejus dorso, superstiosè quidam meminit Plinius. Item * Aristoteles utriusque mentionem facit. " Sepiæ, inquit ille, Loligini & Lolio partes duræ, ac solidæ intus per dorsum, & corporis prona continentur, quas non eodem appellant nomine. Sed quod inser-

tum

* Hist.
Nat. l. 4. c.
4.

tum sepiis est, *sepium* vocant : quod Loliginibus, id *Gladiolum*. Differunt enim, quod sepium robustum latumque est, inter spinam & es mediam præ se ferens naturam, fungosam intra se complectens & friabilem corpulentiam. Gladiolus arctior, & cartilaginiosior est. Forma etiam discrepat, videlicet pro alveorum modo, quo ipse insertus continetur. Imò verò Antiquis horum animalium Gladiolus adeo notus fuit; ut in proverbium abiit : Siquidem Themistocles Eretrienteses Loliginibus similes esse dicebat. Ὅτι μάλα ὅμοια μὲν, καρδίαν δὲ μὴ ἔχουσιν. Scilicet, quippe vulgus Loliginum cor ignoravit; eorum verò Gladiolum satis benè cognovit. Ex his adeo conjicere licet, Loliginis durum & angustum Gladiolum, perinde ut in nostra Cochlea, veneris spiculum esse; sepiarum verò ossiculum, ut in Limacibus, tantum scapulare esse, cordique munito. Id certè constat ex eodem Aristotele,

Aristotele, è Turbinatis Cochleis marinis nautilos esse; qui ex Polyporum genere sunt; qui Loliginibus & Sepiis congenere sunt. Sed de his in aliis exercitationibus, quas meditor, opportunior dicendi locus erit.

24. Porrò, huic uterinæ Fundæ aliæ appendiculæ (*Tab. 1. Fig. 4. dd*) adnascuntur; nimirum duo cirri, sive folliculi *digitati*. Ut autem in hac, aliisque Cochleis plures sunt; ita in nonnullis simplicia cornua (*Tab. 2. Fig. 6.*) aliquantulum intorta, sive folliculi *corniculantes* sunt. Item, unusquisque cirrorum digitulus, folliculi more cavus est, & stylum ex uteri vagina intrusum facile admittit: ad hæc, uniuscujusque digituli extremitas crassiuscula, maximè in cirratis appendicibus, & obtusior est. Aliquando eos Testiculos esse, scilicet omni membrana communi solutos existimavi: at cum in Limacibus omnino desint, quibus nec capsula spicularis detur, ab ea sententia destituti.

stiti. Hos tamen ductus sive Folliculos succum quendam peculiarem, (an odoriferum in ullis?) continere; cùmque universi sese in vulvam aperiant, eos ibi illum aliquando effundere, nullus dubito. Illud quidem fatendum est, in Animalibus haud pauca, non ex mero usu, & aliqua naturali œconomiae necessitate dari; sed ex abundanti, & privatim, ad effectus quosdam excitandos, ampliandósque.

25. Hactenus vulvam ejusque appendices descripsimus: proximum est, ut de *Pene* (Tab. 1. Fig. 4. fff) loquamur; qui ipsi etiam vulvæ quibusdam membranulis alligatur. Is autem intus in longum & tenuæ *flagellum* (g) producitur, alicujus claviculæ modo implicitum; exiguoque *globulo* terminatur. Ut autem altera & tenuiore extremitate istud flagellum omnino solutum est, ita Utero, certè communi exitus loco, ut dictum est, strictiùs annectitur.

Neque

Neque tamen ipse Penis flagelli-formis aliud esse videtur, quàm præputium sive vagina, qua capreolus iste cartilagineus suprà descriptus reconditur. In superiore autem penis flagelliformis parte Ligamentum, (*Tab. 1. Fig. 4. j j*) sive tendo compressus & angustus inseritur; alterum vero illius tendinis caput peritonæo annectitur. Item paulò infra hujus tendinis in penem insertionem, vasculum quoddam teres, sive *ductus* (*b b*) *seminalis* cum penne committitur; isque longus & laxus ductus est, æque superiore vaginæ uteri parte, quâ scilicet uterus & ejus ligamentum cum vagina coeunt, oritur: ex vasculis adeo semen deferentibus, peni appropriatis, propter locum & modum insertionis, numerari debet.

26. Diximus per superiorem vulvæ partem aditum dari omnibus Genitalium itineribus. Atque ea uteri pars superior, ejus vagina (*k*) propriè

priè appellanda est. Etenim si penis in coitu præscindatur, ad initium ductuum, mox describendorum, eum pertingere constabit. Hic autem uteri fundus vix tertiam uncie partem longus est. Ubi verò latefcit, alii duo ductus incipiunt.

27. Horum autem *Primus* (1111) & superior teres, crassiusculus & validus ductus est; stylum faciliè admittit, ab ipsa vulva inditum: ipsique utero tenui membranula adligatur: longum procedens propè lacten fertur, ubi ductum uterinum trajicit, donec ad *Vesiculam* (m) quandam *lenticularem* perveniat, unde oritur. Is itaque ductus in nostra Cochlea duas & dimidium uncias longus est. Ista autem lenticularis vesicula superiori parti sive basi hepatis, aliquot tenuibus ligamentis adhæret. Illa verò quendam humorem pellucidum, visci ejusvis lentoris æmulum in se continet; item intra eandem vesiculam quendam

dam Glandula, coloris subcarnei, reconditur. Atque hanc vesiculam cum sua glandula intus comprehensa, verum animalculi *testiculum*, scroto suo vestitum, esse, vix dubitare licet; maximèque quòd idem humor lentus & saponarius nuspiam aliàs in corpore reperiatur, cum tamen in pleno coitu penis eo ipsissimo perfundatur.

Idem autem ductus in Limacibus admodum brevis est, vix quadrantem Unciæ implens, ipsèque eorum testiculus aliæ atque aliæ figuræ est: nempe, in uno Limace mucronata (*Tab. 3. Fig. 2. c.*) in altero orbicularis: (*Fig. 4. b b*) in tertio obtusior & paululum sinuosa (*Fig. 7. b b*) renis modo: omnibus tamen eodem in loco cum Cochleis inseritur; mirum ad imam Uteri Vaginam. Item hisce omnibus vesiculis, glandula, quædam subcarnea aut subpurpurea, ut suprà de Cochleis dictum est, includitur.

Est autem Cochlea (n. 79. Historiæ nostræ Conchyliorum) subfusca, umbilicata, clavicula paululum exstante, quæ in Genitalibus inter sui generis species, Terrestrium scilicet domiportarum & Limaces ambigere videtur; etenim huic Uterus non Pyramidalis, sed claviculatus striatusque, qualis limacum esse solet; item Testiculi (Tab. 2. Fig. 8.) ductus admodum brevis, ut in Limacibus, etiamsi aliam figuram sortiatur.

28. Ad ipsum uterum (Tab. 1. Fig. 4. n n n n) jam pergo. Is autem Tubulus fungosus est; latus & crassus; è plurimis cellulis complicatis sive loculamentis sinuosis constare videtur; ad duas tresve uncias longus. Hujus verò plicaturæ in superiore parte, lata quadam Fascia (o o o o) ex valida, opaca, & vermiculato quasi quodam opere depicta membrana, secundum longitudinem Uteri inter se connectuntur. Cum enim illud ligamentum,

sive Tænia Uterina, ipso Tubulo brevior sit, hunc in plures plicationes sive cellulas corrugari, necesse est. Ipse autem uterus multo humore crasso intùs suffarcinatur, & difficul-
tèr adeo stylum admittit.

Imò verò si altero aut tertio die, aut ampliùs ex aqua frigida mace-
retur, plurimùm intumescet; atque
admodum pulposus, villosùsque eva-
det, ac si aliqua membrana externa
& contegente ex toto careret. Hoc
autem ipsi Utero præcipuè evenit, sub
eo tempore, quo foetificant Cochleæ
Limacésque; ut scilicet ex aqua frigi-
da è parvo funiculo ad pollicarem
crassitiem, instar Gummi Tragacan-
thi, intumesceret. Item, si idem
Uterus, jam ex aqua frigida in im-
mensum auctus, ut instar Lanæ car-
ptæ appareat, ex eadem aqua diutiùs
coquatur; ampliùs tamen concre-
re & indurari omnino ineptus est;
quod de spermate Cochlearum flu-
viatilium foràs ejecto, (ut fieri so-
let) sæpiùs expertus sum. Quem-
admodum

admodum itaque Cochlearum quarundam fluviatilium sperma, ovis suis circuminjectum, est ipsissimus Uterus foràs emissus; ita in his animalibus Uterus jam descriptus non aliud esse videtur, quàm ipsum sperma sive coagulum ovorum nutritivum, intra corpus usque servatum. Imò verò per hanc partem ova non iter tantum faciunt, & incrementum, nutritionemque sumunt, sed ad ipsam ovorum defensionem, corporisque materni tutelam illa uteri tumefacti pulposa substantia maximè facit.

Illud insuper (quod hic semel moneo) expertus sum; si Genitalia Cochlearum, aut alia earum viscera in spiritum vini dictum injiciantur, illa protinus contrahi & indurescere solent: at iis secùs evenire consuevit, si aliquantisper ex aqua frigida communi macerentur; nempe, & intestina non parùm distenduntur, & genitalia maximè, ut dictum est, uterusque intumescunt;

ut omnes eorum partes postriede
clarius distingui possint.

Hunc autem verum uterum esse hanc
observatione didici : nimirum, ineun-
te Junio, cum Cochleæ terrestres do-
miportæ *nidificare* incipiunt, id est,
Cuniculos in terra *ampullatos* effo-
dere, ex iis aliquot, capite & cer-
vicibus totoque collo exertis, elon-
gatisque, & ad insolitum quendam
rigorem induratis intra terram de-
mersas extraxi : è quibus cum ali-
quot sub vitris servassem, aliasque
protinus dissecuisssem ; in dissectis
hanc partem ovis grandiusculis ad-
modum refertam, distentamque vi-
di : aliæ interim, sub vitris custoditæ,
ova sua, statim pepererunt.

29. De ipsis vero *ovis* nostræ Co-
chleæ hæc insuper notavi ; ea circiter
quindecem fuisse, majuscula, toti-
démque piperis grana multum supe-
rantia ; id est, cujusvis vel maximi
piscis (*Acipenseris* puta.) majora.
Certè in hac ovorum magnitudine
&

& paucitate mira naturæ providentiæ discernitur. Nam si ad piscium ova, pro animalium modulo, numero accederent, totum herbaceum terrarum genus vix pabulo iis sufficerent. Sphærica ; alba ; ejusdem magnitudinis omnia ; & uno tempore, idque intra paucas horas simul edita ; cuticula molli, crassa, tenaci, & opaca donata ; intus limpidò, lentoque albumine, unicolore referta : aëri verò exposita, adeo subito siccantur, ut ipsius corticis duritie, & fragilitate cum avicularum ovis contendere potuerint. Adeoque hic obiter mihi addere liceat, me ova à *Surinam* Indiæ Occidentalis allata, & à *Cochlea* quadam terrestri parta aliquando vidisse, quæ Passeris ova & magnitudine & corticis duritie, & quod hæc similiter oblonga fuerunt, æmulata sunt. Eorum verò cortice rupto, *Cochleas* turbinatas justæ magnitudinis & perfectionis, nisi quod hæc summa testæ

teneritudine pellucerent, intùs inclusas vidi. Et Ova & Cochleam matrem in Historia nostra Conchyliorum accuratè depingi curavi. *Vide Tab. 6.*

Neque illud tacere licet; has bestiolas fossuræ tam ineptas, & minimè instructas, nisi earum dentem suprà descriptum, utpote insolitæ admodum figuræ, huic operi conficiendo privatim dari concedamus, cuniculos tamen ampullatos in terra etiam restibili affabrè citòque effodisse: ovisq; partis, nidum operuisse; totumque negotium intra diem ferè naturalem dispescuisse.

Limacum autem *Uterus* ferè ejusdem cum *Cochleis* per omnia figuræ est. At eorum ova in plerisque (nam dantur albida *limacum* ova) subcærulea sunt, perinde ut *Ovaria*. De quibus mox plura dicemus.

30. *Uterus* autem altera sua & remotiore extremitate *Lacten* (*Tab. ii Fig. 4. pppp*) amplectitur. Illa autem *Genitalium* pars, quam sic appello,
sub

sub partûs tempore omnium speciosissima est. Sesquidigitum longa, trientem lata ; multo crassior, quàm utero adjungitur ; lato & tenuiore mucrone subrotundo desinit : paululùm incurvatur : ex una parte gibbera, ex altera resima & subcava est. Verbo, bubulæ figuram linguæ haud malè imitatur. Huic insuper color subflavus ; ex substantia molli, friabili, & tanquam adiposa constat ; piscium masculorum lactis instar. Levitè cocta *instar succini* concrescit, pellucétque. Etiam si sevo similis sit, igni tamen admota, non flammam concipit. Lactis in nostra Cochlea undique lævis, & sine ulla notabili fissura est. Eandem in omnibus Cochleis terrestribus (quas adhuc dissecui) lactis integritatem observari. In aliis autem Cochleis terrestribus magis flavicat, & interdum subaurea est. In Purpuris fluviatilibus, ut dictum est, coccinea, (maximè si Aprili exeunte dissecen-

tur, ubi plurimum turgent) & val-
dè conspicua est.

Porro illa ad claviculam Cochleæ
fertur, medioque hepatis sinu, cum
eo convoluta, reconditur. At, nisi ubi
Utero adhæret, ex toto soluta est ;
ut, hepate explicato, lactis per se
facile excidat.

Ast in Limacibus Lactis ferè albi-
dior est, plurimisque fissuris debil-
cit ; imò verò non aliter plerisque
in plures exiguos lobulos divisa est,
quàm eorum jecora intestinalia ; Glan-
dulaq; alicujus conglomeratæ speci-
em præ se fert. Ejus autem figura in
iis alia atque alia est : In *parvo cin-
ereo* limace bicornis, (*Tab. 3. Fig. 9.*)
coloreque subplumbea est. In om-
nibus Limacibus cocta pellucet.

Hunc autem lactis usum esse sen-
tio ; nempe, esse tanquam perpetu-
am placentam uterinam, succumque
nutritium amplius concoquere, eum-
que utero transmittere ad ova, ubi
eò pervenerint, nutrienda ; imò ad

ovorum in ipso Ovario nutritionem
 sufficiendam. De Arteriis in Ute-
 rum succum vitalem defferentibus
 satis constat, supràque expositum est.
 Attamen illam aliquid præterea Ali-
 menti ab Ovario sumere, & ipsi Ute-
 ro regerere verisimile est. Quòd
 Ovarium, de quo mox dicturi su-
 mus, etiam in Limacibus hepa-
 ti communibus venis arctè adjungi-
 tur. In Cochleis verò terrestribus in
 ipsa hepatis clavicula tam profundè
 inseritur, tot tantisque locis ei in-
 hæret, ut sine difformi laceratione
 eximi non possit. Hujus autem tam
 firmæ connexionis cum hepate, succi
 nutritii receptionis causa fieri credi-
 bile est; imò verò non ovis tan-
 tum, quamdiu in ovario sunt, sed
 postea, mediante lactis digestionem,
 vel receptionem, in Uterum translatis
 nutrimentum suppeditatur. Idem
 insuper arguit ipsa lactis fabrica,
 quæ glandulosa est, ut in Limacibus
 satis patet. His adde, infundibuli
 crassities,

crassities, quò propiùs ad lacten accedit ; nempè, copiosioris proveniùs ab Ovario indicium. Rursus, ubi Lactis maximè augetur, & ultimum incrementum sumpsit, & ipse simul Uterus plurimùm turget, quòque magis instat ovorum partus, eò magis ex aqua, ut supra dictum est, intumescit Uterus. Ita in plerisque Piscibus Oviparis, Lactis maris bifida, sive bisacca, sub partùs tempore, totum ferè ventrem occupat ; Ovarioque fœminæ ejusdem generis, similiter bifido, æquiponderat.

31. Sed ad reliquas Genitalium partes describendas procedo. Ad ipsum itaque lactis crassius caput ex interna ejus parte quidam reflexus & valdè implicatus ductus (*Tab. 1. Fig. 4. rr*) cum lacte primùm committitur, mox ad uterum fertur. Is autem etiamsi longus sit, spississimis tamen replicaturis abbreviatur. Hunc verò candidum ductum Epididimidem propter ejus quandam speciem libentèr

libentèr appellarem ; maximè cum lactis Testiculi naturam, ut in piscibus masculis, repræsentet. Huic consentit etiam *F. Redi*. Cùm tamen ulterius feratur ; nempè, ad ipsum ovarium, unde oritur, ut Tuba Fallopiana, five infundibulum sit, necesse est ; scilicet ductus per quem ova in Uterum transeunt. Ut autem ad illud propius accedit, non amplius implicatur, sed rectà procedit.

In Limacibus verò hoc infundibulum & multo minùs ad lactem replicatur ; quòd longius extendi debet ; scilicet ob majorem lactis ab Ovario distantiam. In nostra autem Cochlea, aliisque terrestribus domiportis iste infundibuli *Funiculus* ex volutis, huc illuc admodum ordinatè & æqualitèr reflexis, Catenæ alicujus instar, elegantèr componitur : In Limacibus verò eadem funiculi reflexiones inæquales & inordinatæ sunt. In limace insuper cinereo majore, infundibulum (*Tab. 3. Fig. 7. bbb*)
ineunte

ineunte Augusto, è rufo pallefcit : Et quò propiùs ad lacten accedit, eò crassiùs fit ; gracilefcitque ad ovarium : id tamen in omnibus omnium funiculis perpetuum est.

32. Ultima autem sed præcipua Genitalium pars reſtat ; nempe, Ovarium (*Tab. 1. Fig. 4. q q q.*) Illud verò in ipſa hepatis clavicula ſic undique demerſum & infixum eſt, ut ſine multa laceratione nullo, quod ſcio, artificio inde extricari poſteſt. Vix piſum majusculum excedit : Suprà planum & læve : ab infundibulo multas ramificationes exhibet : modicè lateſcit & crassiufculum eſt. Hoc autem ovarium eſſe in noſtra Cochlea Microſcopio primùm didici ; nec illo tamen magna virtutis : at ejus ope Ova in eo contenta clarè perſpexi.

In Limacibus autem ea Ovaria (*Tab. 3. Fig. 2. g g g. Fig. 4. g g. Fig. 7. f f f.*) eſſe vel nudis oculis apparet. Nam Piſcium ovaria diſtinctis

stinctis granulis æmulantur; item hæc granula, ut in illis, omnia ejusdem magnitudinis sunt; adeoque partus æqualis sunt, ut suprâ relatum est. In plerisque limacibus ipsa Ovaria subcærulea & solutiora sunt, multoq; minùs, ut dictum est, hepati adherent. Quemadmodum ovaria integra, ita & ipsa ova subcærulescunt.

Exeunte autem Augusto, cum jam Pariendi tempus id genus Cochleis omnino præteriisset, hujus ovarium rursus examinavi; illudque jam planè effatum, èque plurimis brevibus folliculis, racematim inter se cohærentibus, constare mihi videbatur.

Item illud non silentio prætereundum est, hæc animalia, pro suæ naturæ perfectione, coire solere ante Ovorum in Uterum discessum. Quod tamen in plerisque insectis sub ipso tantum ovarum partu ferè fit. Imò plerique pisces femina ova sua intra

intra se perficiunt ; ejiciuntque ea vel ante, vel ipso momento, quo maris vitalem aspersionem passura sunt.

33. In nostris autem animalibus *Vesica Urinaria* deest ; ea quoque & avibus & serpentino genere deest.

* De Part. Nec me movet quod Aristoteles * de
c.4. l. 5.

Sepiarum atramento sentit ; nempe illud in mollium genere esse, quod in avibus excrementum album est. Hoc libens concedo, hoc timore effundi, perinde ut urina quibusdam animalibus meticulosis. Item in avibus notum esse, urinam albam è renibus profluere in cloacam quandam communem. At nostra animalia etiam renibus carent, quibus dicta animalium genera donantur. Neque insuper cum excrementis Limacum Cochlearumque aliquid ejusmodi unquam excernitur, aut uspiam renes, quibus talis humor confici possit, inveniantur. Hujus autem defectus ratio esse videtur, quod tota cutis pro renibus est : Neque etiam per-

perfectioribus animalibus sudor ab Urina multum differt. Atque illa partim ad progressum earum molendum ; quæ tanquam quædam in proprio humore natatio est ; partim ad se defendendum : cum tota earum cutis humore vehementer lento, vel visci cuiusvis æmulo, continuè & abundanter perfundatur. Addo, illam Aristotelicam observationem in nostro animali confirmari : nempe, quibus animalibus nulli renes & vesica, iisdem etiam nullus lien est.

34. Quis *usus* verò & *necessitas* Genitalium utriusque sexus in uno eodemque animali, si tamen ut generent, coire etiam inter se necesse habeant, haud in promptu est quod respondeam. Finales tamen causas libenter admitto, cum natura nihil frustra faciat. Hæc autem mecum consideres velim ; deinde tuum calculum, si nostra non approbes, pone.

Scias

Scias igitur has bestiolas *integros* mares non esse, sed dimidiatos tantum; etiamsi in plerisque *integre* *fœmina* esse videantur; certè maris naturam inter se dividunt. Nam Universis sunt vulva, Uterus, & Ovarium; at nulli nisi *unicus* Testiculus; unde in virilitate, ut ita dicam, deficere videntur; sibi quæ adeo mutuas operas reddunt; quod præcipua ad generandum potentia inter duos dividatur, nec ulli integra sit.

Quemadmodum verò hæc bestiola *duplicem naturam* ex aliqua parte induunt; ita in generatione ambigere videntur. Etenim extremis genitalibus, ut Pisces fœcundantur, cum ipsi Ovario lactis adnascatur. Mediis genitalibus Aviculas quodammodo imitantur; cum Utero ova soluta incrementum & perfectionem acquirant. Ceterioribus tandem genitalibus ad animalia quadrupeda perfectiora propius accedunt; nempe,

pè, quatenus matrici ipse Penis cum Testiculo adsit.

Istius itaque divisionis illa non lævis ratio est, ut tam tristibus & frigidis animalibus Venus majori cum voluptate perficiatur. Huic sanè rationi non parùm favet Penum Vulvarumque *multiplicatio*, in Locustarum, Araneorum, & Serpentino genere. Nam etiam si cuilibet mari, ut in perfectissimis animalibus, bini Testiculi dentur, suo tamen cuique Testiculo Penis appropriatus est, totidemque in fæminis vulvæ; vis itaque in his generationis, voluptatisque adeo, duplicari, & propter divisionem naturalitèr intendi videtur.

Hujus autem divisionis illa ut opinor, præcipua ratio est: nempe, cum id genus animalia omnino *pedibus careant*, sine quibus nullam esse posse copulam, *invita* fæmina ad venerem peragendam; itaque ut ambo sint mares, ex aliqua saltem

L corpo-

corporis parte, necesse est. Etenim in coitu celebrando sollicitatæ feminæ ferè mares methunt, & averfantur: Ideoque & unguibus & dentibus plerâque animalia feminas, dum eas subigere cupiunt, sibi arripiunt, omnibûsque viribus detinent. Igitur in Cochleis, quibus nec ungues, nec dentes idonei sunt, nè faminarum protervitas coitui obstaret, *ambo maris æstri participes facti sunt*, quod ad copulam jungendam eodem impetu sibi mutuò adcurrant, inéantque.

35. Porrò, hoc Cochleæ genus, quod præ manibus habeo, cicutam gravitèr olebat, maximè è rure, in eunte Junio, recentèr in Urbem allatæ. Id verò ex esu istius herbe aliquando oriri putavi. At, secundis cogitationibus, cum Negtita (aliud Cochlearum terrestrium genus) hircum sub eodem tempore vehementèr olere fenserim, utrumq; odorem ex semine potiùs genitali nasci

veri similis est. Atque hinc ratio
reddi potest Saginæ Cochlearum a-
pud Romanos * tam studiis, & ran-
tis sumptibus olim institutæ. Ete-
nim Cochleæ per se parùm sapiant,
teste Martiali

* Varro
de re R.
Plin. Hist.
Nat.

---Cochleas tibi habe, perdere nolo
famem.

& fatuæ sunt; cùm tamen ad ve-
nerem vehementer incitare crede-
rentur, quovis mangonii pretio dig-
næ æstimatæ sunt. Huic autem rei
abundè fidem facit * Petronius Arbi-

Satyrice

ter, nequitia illius ævi author peri-
tissimus; nempe, cibus validioribus
pastus Polienus, id est, Cochlearum
sine jure circvicibus, se satis jam ro-
bustum esse ad venerem conficiendam
credidit. Cochlearum autem cervices
præcipuè à veteribus expetas fuisse
in cibum confirmat Athenæus, Lib. 3.
ubi τραχέλιος πορρῦραν & ἀγέλιον com-
mendat. Idem Hesychius. In eatum

verò cervicibus Genitalia posita esse
suprà ostendimus.

36. Ultima autem Sectione, cùm
jam universa viscera exempta fue-
rint, in fundo cervicis nonnulli mus-
culi soluti, sive tendines remanent;
è quibus aliquot lati, Tæniarum in-
star, alii multo angustiores, at plu-
rimi capillares; omnes verò com-
pressi, tenues, nervosi, & in unum
nodulum (*Tab. 1. Fig. 6. a*) velut
in quodam centro concurrunt. Et
si quid spinalis medullæ huic anima-
li detur, is nodulus, ut opinor,
quamvis vix aliquot grana pendeat,
ejus naturæ esse existimandus est.
Ipsa insuper Cochlearum & Lima-
cum *cutis* admodum dura & crassa
est: nimirum, è musculorum ten-
dinibus ex toto confecta, eorúmque
quædam contextura valida est. Hi
certè tendines, qui soluti & suprà
figurati sunt, ipsi tendinosæ cuti
connectuntur; & ut ab ea origi-
nem suam sumunt, ita ejus natu-
ram

ram, fabricamque plane indicant.

Cerebrum autem quod attinet, unum aut alterum punctulum albidum, maxime in occipitio Limacis nigri, extra posita videre est. De quibus tamen nihil affirmo. Quod verò cerebrum intra caput Cochlearum nullum sit, oculi fidem faciunt ; exigui tamen Nervuli eò tendunt, ut in Schemate nostro, fidelitè exarato, exhibetur.

At dicant *Spiritus Patroni*, has adeo exiguas particulas , quas iis pro cerebro , spinalique medulla vendito, tantis motibus sensibusque sufficere non posse. Provoco itaq; Anatomix peritiores, & Microscopiis meliùs instructos, ut quàm diligentissimè mecum Cochlearum capita scrutentur : Mihi certè , totique Reipublicæ literariæ pergratum facient, si fortè alibi capitis corporisve cerebrum vel spinalem medullam nervosq; alios, quàm quæ à nobis suprà exposita sint, invenient.

* Canis
Carchar.
dissect.

At mirati definient hæc adeo minuta corpuscula cerebri spinalisque medullæ loco esse in his nostris animalculis, cum intra Cranium Bombycis cerebrum reperiri nullum affirmet *Malpighius*. Cumque Piscium etiam maximorum cerebri parvitem cum *Stenone* * perpenderint, "cerebri moles, inquit ille, admodum exigua, vix tres uncias æquabat in Pisce, cujus pondus ter mille libras superaverat. Testudinis marini, 79 librarum, cerebrum vix drachmam pendebat. Testudinis terrestris, 2 librarum & 4 unciarum cerebrum, vix 6 grana pendebat. Teste diligentissimo & fide digno *Caldesi*. Testud. Anatom. Italicè script. Imò verò ipsis Terrestrium Testudinum capitibus præcis, libere tamen & validè ambulabant, etiam ad sex menses. His autem animalibus, ut in perfectissimis & sanguis & pulmo, & binæ cordis auriculæ, ventriculique in eo bini. Nostra tamen

Ani-

Animalecula ad varias functiones e-
 dendas satis aptè moventur ; imò
 valdè, pro animalis modulo, se con-
 trahere vel flectere solent. Venerem,
 omnium sensuum longè exquisitissi-
 mum exemplum, frequentèr statis
 temporibus & multùm exercent. At
 non tantùm vehementèr amant, sed
 & irascuntur, & spicula vibrant ; alià-
 que etiam sui generis animalia oc-
 cidunt , roduntque : Scrobiculos
 etiam, quibus condiant fætus, intra
 terram altè effodiunt, finguntque
 admirando artificio : his adde, pro
 suo arbitrio membra magnopere in-
 durescunt, firmantque, non alitèr
 quam si vera Ossa subessent, eorùm-
 que media membra occuparent. His
 insuper animalculis sensus olfactûs
 gustûsque admodum vegeti sunt.
 Panem, aut Caseum & Piscium car-
 nem crudam salsamve, ut supra di-
 ctum est, quam vehementèr appe-
 tunt, & è longinquo olfaciunt :
 multis experimentis, certè de Li-

macibus sedulo factis credo: aliaq;
 id genus multa ad eorum vitam,
 generationemque spectantia, animi
 haud torpidi indicia omitto. Grande
 sanè *cerebri, Nervorumque mysteri-*
um, nemo adhuc, quantum scio,
 explicuit: Siquidem quæ de Spiriti-
 bus aut Vitalibus, aut Animalibus,
 præter unum *aerem*, ejusque *affectio-*
nes, sanguinicommissum, narrantur, si-
 ne fundamento, & meræ fabulæ sunt.

37. Ad *Undulationem* verò, quam
 in Cochlearum Limacumque pede
 observare licet, quod attinet, illa,
 si Cochleæ alicui se movere animus
 est, perpetua est. Hic, inquam,
 motus & terrestribus Cochleis & Li-
 macibus inest. Domiportis autem
 & aliquibus Limacibus ea undulatio
 totam pedis plantam occupat. At
 in nonnullis Limacibus (cinereo
 magno striato, puta, &c.) media
 tantum pedis planta, velut canalicu-
 lo quodam Undæ, & numero & mag-
 nitudine constanti, à cauda ad ca-
 put

put continuè rotantur. Jucundum fanè spectaculum ! In fluviatilibus verò Cochleis, illa Undarum rotatio, quantum memini, omnino deest ; quod præclarum ejus usûs indicium est ; nempè ad progrediendum. Is autem motus, quasi humoris cujusdam Spiritûsve continua circulatio à cauda ad caput primum nobis videbatur. At rem mihi diligenter examinanti, nihil minus esse compertum est. Nam media pedis planta hic atque illic transversim secta, vel aliter per longum fissa, ipso scilicet undulationis itinere ; istius tamen motûs undulatorii progressus minime ideo sistebatur, aut multum mutabatur, vel undarum positu vel celeritate : neque aër humôrve ullus alius visibilis erupit, quàm qui à reliqua cute vulnerata solet. Undulationis autem usus in progressu animalium hujusmodi esse videtur ; nimirum pedis plantæ pars undulata, id est, super cœteras elevata, sola

sola terram tangit, eaque saliva sive muco quodam glutinoso continuè madefacta, ut terræ adhæreat, necesse est. Prima itaque sub capite unda, verbi causa, terræ adfixa, reliquum corpus trahere, & antrorsum adducere potes est ; & ut prima, sic sequentes, suo quæque ordine & proportionem, motum animalis progressivum trahendo moliuntur. At adhæsiō quidem fieri potuit sine ulla undulatione, sed minimè attractio. Nam si supponamus totam pedis plantam terræ adhærere, loco fixum quidem corpus, sed non promotum intelligemus ; quæ itaque corporis pars fixa est, reliquum solutum ad se trahit. Igitur in Undulatione alia quoque utilitas est ad corporis motum progressivum expediendum ; nempe, adhæsiōis solutio & libertas ; rotæque adeo dentatæ motum quodammodo imitatur, pedumque sublatorum positorumque alternatim vices supplet. In illa autem muca-

mucagine, quæ in locis per quæ Cochleæ maximèque Limaces irreperunt, exiccata, instar Margaritæ resplendet, hujus undulationis effectus, quasi toridem progressûs vestigia numerare licet.

De Cochlearum autem inedia & hybernis, antequam hanc exercitationem finiam, pauca dicenda sunt. Has bestiolas frigidis regionibus magnam anni partem latere solere, & inediam plurium mensium subire posse, notissimum est. Quibus verò mediis, & an libentè hæc patiantur, breviter inquirendum est.

Quòd verò non libentè, sed coactè hæc ferant, vique frigoris, victusque penuria sese in latebras recipiant, illa testantur; nempe, mitioribus tempestatibus multo tardius in brumam sese recondunt; & primo vere citius, prout tempus apricum, pauloque tepidius faveat, latibula relinquunt. Imò, Pomatix,

tiz, verbi causa, si hyeme ad focum, vel sinu nostro ad aliquot dies servantur, Opercula sua cretacea, ad margines liquando, discludunt, novique proculdubio victus expectatione è Testis sese exerunt.

Quòd autem à victu ex toto feriantur, & quomodo id sine animalis interitu, fieri potest, ut plerisque animalibus perfectioribus, jejunii longioris omnino impotentibus, contingere solet, hæc præcipuè mihi in mentem, veniunt, ad clariorem rei intelligentiam consideranda.

1. Succus vitalis, viscera, totumque animal frigescent: adeoque sensim tantum, minusque exhalat. Hinc patet cur Testudo terrestris, Authore Caldesi, ad 18 menses, pede victus, omnino jejunos vivere potuit. Et quàm parum ponderis in semestri jejunio, quo terra reconditur, perdit, post iterata experimenta de eodem animali testatur *Entius* noster. *Phil. Transf. N. 194.*

2. Porro,

2. Porro, succum Cochlearum vitalem ex sua natura, ut suprà dictum est, esse liquidum, fluidumque permanere, etiamsi è venis e ductus, aeriq; fervidiori diu exponeretur. Contrà, sanguis noster, perfectiorumque Animalium concrecere, quòd fibrosus, aptus natus est. Igitur si sanguis noster non continuè novo chylo diluatur, à sanguine concreto, qui ampliùs circumagi non potest, de nobis actum esset.

3. Cochleis insuper vis est, quod suprà quoque exhibitum est, cordis motum pro arbitrio ad quodvis tempus sistere: actioque cordis in iis voluntaria est, & non, ut in nobis, merè naturalis. Motu autem cordis in Cochleis cessante *, iis

nihil ultrà perire, aut ex habitu corporis exhalare potest. Cum itaque iis

* Sed notandum est hoc, hyeme & frigidioribus tempestatibus exanguia aliqua (qualis est Cochlea) nihil pulsans habent, sed vi-

tam magis plantæ agere videntur ut etiam reliqua, quæ *Plantæ Animalia* ideo dicantur, *Harv. Exercit. Anat. de Motu Cordis, cap. 4.*

nihil

nihil metuendum est à succi vitalis, vel casu, vel coagulatione, turò hæc bestiolæ tantum non vivere desinunt, cum pro libitu reviviscere possint.

Atque ita hanc Anatomicam Exercitationem de Cochleis terrestribus Limacibusque, quanta potui brevitate, ad finem produxi. Figuras quidem partium summa fide delineandas curavi. Si tamen uspiam in earum usu & nomine assignandis erraverim, veniam mereor, quòd hæc animalia sui generis & anomala sunt. Ambiguitates tamen in rebus naturalibus haud contemnendæ Doctrinæ, & veluti biviorum indices sunt. Magnam profectò lucem ad reliquam animalium œconomiam meliendam fecerantur.

Illud insuper de his similibusque Disquisitionibus moneo, nulla non animalia dissecanda esse. Nam etiam si in externa quorundam specie, aliqua, imò magna similitudo conformi-

formitasque cum suis congeneribus præ se feratur: in partibus tamen aliquibus internis sæpius ingens discrepantia, præter spem & expectationem inveniri solet; quod in his nostris dissectionibus non semel expertus sum. Qui itaque jactitant se post hæc vel illa Animalium genera dissecta totam eorum Anatomem exhaustire posse, nã illi multum falluntur, aliosque fallunt. Illud verissimum est, de animalium speciebus, ex quibus eorum genera conflantur, nos aliquid certi non posse scire, nisi ex internarum quoque partium accurato scrutinio; nec de usu earum aliquid dogmaticè pronunciare, nisi ex comparativa Anatomia; quæ infinita est; certè quò copiosior, eò melior huic institutioni erit. Adhuc tamen Natura nobis incomprehensibilis, resque Anatomica post tot sæcula tantum non *integra* est. Modestè quidem, pro illorum solita humanitate & candore,

dore, Parisienses Philosophi , qui
sua egregia opera anatomica, *magna*
institutionis quædam *Symbola* tantum
appellare maluerunt. Sed manum de
Tabula.

MAN-

MANTISSA ANATOMICA

A D

Superiorem Exercitationem.

PRelum non ita expeditum negotium est, quin infinitas moras habeat. Dum itaque Libelli impressionem expecto, cura & diligentia eruditi admodum juvenis, & Historiæ Naturalis peritissimi *D. Edwardi Flويد* Oxoniensis aliæ aliquot Cochlearum Species, ferè sylvicolæ aut campestris, quas vehementer desiderabam, atque olim in Historia nostra animalium Angliæ descriptæ fuerunt, quæque circa *Londinum* non temerè reperiantur, ad me tandem transmissæ sunt; etiamsi tempore hisce dissectionibus valde alie-

M

no,

no, hyeme scilicet inita. Has tamen aggressus sum, earumque certè organa generationi dicata, suis quæque illustrata figuris, exhibui : Et si quæ insuper alia hisce posterioribus dissectionibus observare potuerim, ea ad calcem operis, velut *Man-tissam* quandam adjeci : Figurarum autem explicationem in *Tabularum Indice* cum cæteris sui generis disposui.

* I. *

COchleas *bortenses majusculas* è latibulis suis extractas, media hyeme dissecui : in quibus hæc porro notavi.

1. Illas adhæsisse vel *singulatim* parietis alicujus fissuræ, vel sibi-met-ipsis *confertim* ; testæ interim earum orificio membranulis quibusdam, è saliva propria confectis, atque ab
omni

omni adeo aëris aditu, egressûve ar-
tissimè pessulato.

Huic quoque fini aliis Cochleis
sua opercula *Testacea*, aliis *Cretacea*,
& extemporanea, ut suprà dictum
est, ex eadem nempè aut peculiari
& crassiore saliva confecta, donan-
tur.

Hæc sanè tanta accuratio in testis
Cochlearum occludendis per hye-
men, inter præcipuas causas nume-
randa est ; cur succus earum vita-
lis non dispereat ; cùm aër ejus
maximus prædator est.

Paulò autem alitèr de hâc re sen-
tiisse videtur *Cl. Entius* noster. Nam
ab appensis Testudinibus terrestri-
bus ante & post jejunium hyema-
le. cùm iis parum ponderis defuisse
observâisset, concludit, inde satis
liquere, quàm *fixis particulis* hæc
animalia, quæ sub terra se muni-
unt adversus frigus hybernum, *con-*
sistent ; cum per tot menses tam ex-
igua pars corporis in sudores & ef-

fluvea abeat, ut an vivant nec nedum hunc in modum sepultæ jacent, meritò ambigatur.

At sanguis in istiusmodi frigidis animalibus minimè fixus & fibrosus est, sed semper fluidus, & multo liquidior sanguine calidorum animalium.

2. Cor semel tantùm à dissectione atque iterum pulsâsse, idque languidè admodum ; mox ex toto desisse.

† De Ru-
minat.

Rectè itaque † *Peierus* ; cujus ipsissima verba hic recitare operæ pretium est, Cochleis tanta est vitæ tenacitas, cùm secluduntur, ut æstatem omnem jejunæ transigunt, atq; vel gelidissima hyeme erutis & effractis, quo tempore mortuæ putantur, aut exanimes, corculum manifesto vitæ indicio pulsant.

3. Item his tunc temporis succum vitalem abundâsse ; éque vulneratis earum visceribus, instar aquæ subcæruleæ valdè liquidum erupisse.

Unde

Unde liquet, eum parùm aut nihil inedia hyemali consumi. Et ut is minimè per hyemem instauratur, ita nec multùm dissipatur : penùmque adeo, quam antea confecerat animal, hepatéque intestinali, tanquàm promptuario, venisque accumulaverat usui domestico, ubi tanta parcimonia est, ad aliquamultas menses, abundè sufficere posse.

Illud hinc quoque docemur, nulla, certè in his animalibus, *commi-
nutione* aut purificatione succi vitalis opus esse, ut is in perpetuo fluiditatis statu conservetur. Etenim hic, ut alibi, in liquoribus fructibusque vel tenerrimis, benè clausis vasculis conservandis, unus aër (omnis corruptionis autor primarius) si diligentè excludatur, nihil ampliùs metuendum est, quin integri ad multas menses annóve durent.

4. Hic Appendices Uterinæ *bravinsculæ* singulæque in plures, (circitèr quinque) ramusculos sparsæ, è quibus totidem *digituli* emissi sunt.

Antequam verò hanc dissectionem finiam, hic paucas *Animadversiones* attexere lubet.

Suprà autem in ipsa exercitatione dictum est, de exigua Cochlearum cordis auricula, & vix perceptibili, nisi ex pulsûs effectu. In Piscibus verò auricula vel ipso cordè plerumque amplior est; item vena cava Aortâ triplo major est ex æstimatione *Conringii* & *Needhami*. An verisimile est, sanguinem cordi uberius adfluere, quàm ex eo effluxerat? An cum *Needhamo* dicemus, motum ejus in Piscium arteriis plurimum accelerari, quòd eorum sanguis *crassissimus fibrosissimusque*, inq; venis adeo grumescere aptus natus sit? Magnitudine itaque venarum tarditatem ejus compensari: Sanguinemque propterea arteriosum in
Piscibus

Piscibus longè celeriori motu ferri (nempè ex proportionè, quam cum venis habent) quàm in quadrupedibus & avibus. At hæc omnia vana, & sine fundamento sunt. Nam certum est Piscium sanguinem aquosiores, & longè tenuioris consistentiæ esse, quàm in calidis animalibus: quippè quòd eorum sanguis è venis missus, etiamsi primùm levitèr concreascit, statim tamen rursus liquefit, liquidusque ex toto permanet, perinde ut de Cochlearum sanguine diximus.

De hac autem re *Peierum* audiamus. "Singulares illi lymphæ ductus atque canales, eum, opinor, in finem conditi, & longè latèque protensi fuerunt, ut lymphæ, diluendo chylum, à coagulatione immunem conservaret; sicque chylum mobiliorem reddit. Quæ sanè princeps quòque causa mihi videtur constructionis venarum lactearum æquè ac receptaculi chyli; & lymphæ ductu-

um penè omnium ; qua simul rationem reddere licebit, cur multi *pisces* & *aves* organis istis destituantur. Cùm enim *majora animalia terrestria sanguinem ac chylum ferè crassiorem habeant, quàm pisces & aves ; sanguisque, quo intestina illorum affluunt, plurimum serosæ humiditatis, tam in pancreate, quàm intestinorum glandulis & membranis aliis deponat, coagulationes & obstructions perpetuæ fierent, si chylus sanguini in venis meseraicis admisceretur. Quamvis autem in sanguinis differentia nobiscum sentiat Doctissimus Peierius ; quam rem suprâ experimentis confirmatam dedimus ; in reliquis verò mihi ab eo dissentire, necesse est. Nam etiamsi lactæa venæ in avibus piscibusque non dentur, certè ea mensura & quantitate, qua sanguineis animalibus calidis perfectioribus ; ipsæque venæ, propter sanguinem multo tenuiorem, iis pro lacteis lymphæ ductibusque sint ;*

mucus

mucus tamen intestinalis avium, pisciumque maximè, nostrarumque Cochlearum, ut copiosior, ita infinitè viscosior est : quo sanè iis majores obstructiones metuendæ sunt, si chylus istiusmodi visco intestinali infectus, proximè à venis abriperetur. *Deinde*, lymphæ æquè prona est coagulationi ac ipse chylus ; quod satis constat, cùm in receptaculo totoque ductu chylifero sæpiùs ac subito concreta reperiatur, scilicet ex suspendio alicujus animalis, Canis puta, Autore *Drelincourtio*. *Item*, quod chylus recens sanguini, perinde ut ipsum serum sanguinis crassamento, innatare soleat ; cum itaque ponderosius serum chylo, & magis coagulationi id opportunum esse oportuit. *Denique* chylus a sanguine cibato diligentè à me tractus, & seorsim ad multos dies servatus, etiam æstivis mensibus, non concrevit. Quod aliquoties de industria expertus sum.

Lactæ

Lactææ itaque venæ lymphæ que ductus ob alios usus constructi esse videntur ; nimirum (ut aliquos saltem indicem) ne temerè aer *solitarius*, frigidiusculus & crudus per eos, sed aquatus, reperfususque vel chylo vel lymphâ, ubi chylus ferri deficit, commistus, venas subclavas subeat. At in Avibus Piscibusque non tanta cautione opus est ; cùm is ad natationem, volatûmque insuper iis apprimè usui est ; ut corpus levius fiat, ex copia aëris purioris & minùs ex aqua compressi, intra venas continuè admissi. Accedit illud, Lympham cum chylo, è lacuna receptaculi ascendentem motum suum, quem à corde & arteriis habuit, perpetim communicare. At lymphâ, inquires, est secretionis fructus ; nullûmque adeo motum, quem non habet, chylo impertire posse. Respondeo, lymphâ eodem modo circuitum suum perficit, ac integrâ sanguinis massa ; cùmque arteriæ cum
venis

venis sanguiferis per anastomoses (id quod jam extra dubium posuit Microscopium) committantur; earundem quoque minutissimæ aliquot ramificationes cum ipsis lymphæ ductibus similiter conjungi, valdè credibile est.

Si ampliùs instabis, *Nutritionem* morulas quasdam & effusiones nescio quas in carnes requirere. Regero. Perpetua arteriarum è succo vitali plenitudo si non totam, certè præcipuam nutritionis rationem conficit; quòd integrum corpus, nervis membranisque exceptis, ex toto è vasis constat. De quâ tamen re alibi dicendi erit locus opportunior.

Sed, ne longiùs à proposito vagemur, ad tenuem succi vitalis consistentiam redire placet. Atque hinc quoque ratio constat, cur istiusmodi animalibus non nisi unicus cordis ventriculus est; nempe dexter, qui etiam naturalitè minorum virium est; ejus tamen Auricula grandior

grandior ob eximiam scilicet id genus animalium sanguinis fluiditatem, adeoque multo faciliorem mobilitatem. Neque hîc ratio Needhami alicujus momenti est ; nempè sanguinis circuitus ideo in Piscibus expeditior est, quòd *paucis diverticulis* contentus, à capite ad caudam recta linea pergit. Nam non video quæ Diverticula hic defint, præter artus ; quorum tamen loco pinnae caudaque sunt : Siquidem in ventre sunt hepar, lien, Renes, generationis organa, &c. item branchiæ pulmonibus æquipollent, certè vasorum numero, & extensione. Exigua autem capacitas arteriarum in piscibus, longitudine illa, quam in branchiis pervadendis insumunt, abundè compensari videtur ; quantoque eas excedunt auricula & vena diametro, tanto longitudine infinitè multiplicata in branchias, quas solæ sine venis constituunt, acquirunt. Adeoque hîc celeritate illa vehementè aucta quam

quam vult Needhamus, ad commi-
 nationis sanguinis hypothesin stabi-
 liendam, si fortè tam violento &
 præcipiti curriculo per eas transmit-
 tatur, minimè opus sit.

At magna amplitudo & capacitas
 auriculæ, venarumque præ arteriis
 in Piscibus, hos, ut opinor, usus no-
 bis indicare videtur : nempè, ut ar-
 tuum defectus, quatenus pinnæ,
 caudæq; non satis sanguinis capiant,
 suppleatur, supervacaneum scilicet
 sanguinem reliquum continendo;
 qui Pulmonum in perfectioribus ani-
 malibus, ut supra dictum est, pri-
 marius usus est. Deinde, aërem
 attrahere unà cum sanguine refluxo,
 maximè è ventriculo & intestinis à
 digestionem cibi ortum, eumque co-
 piosè cordis ventriculo perpetim
 sufficere. Hujus autem rei insigne
 documentum est, has ingentes Pis-
 cium cordis auriculas sinuosas, ple-
 risque ferè medio corde, aut ad ejus
 mucronem, inferi, quo facilius aër
 sursum

fursum in cordis ventriculum impel-
latur. Accedit illud, in *Cochleis*
omnino exiguae sunt *Auriculae*, & cor-
dis basi omnes, quas adhuc dissecui,
insertae; quòd nempè iis multo mi-
nore aëre opus sit; utpote quarum
maxima vitæ pars restibilis & tan-
tùm non immobilis est, nisi ubi pa-
bulatum rarò tardèque prorepant.
Contra, Piscium vita in perpetuo
motu est; dies noctesque sine fine
agitantur; etiamsi sit ubi tardiùs, &
ubi celeriùs natent: ex iis tamen
sunt, qui incredibilem agilitatem
& motum exercere potes sunt, *Tube-
rones* puta: Scilicet navigium ali-
quod, plenis velis iter faciens, ad a-
liquot menses citra fatigationem,
victûs causa, insequi posse, & solere,
nautis notissimum est: cujus tamen
rei nullum animal terrestre, cui pul-
mo, unius, alteriùsve Diei aliquot
tantùm vel breve specimen exhibere
potest. His itaque & propter le-
vitatem corporis, quæ ad natatio-
nem

nem summa commoditas est, & propter ejus motum in expansione & sanguinis motu perpetuo expediendo major vis aeris, magnis venis accumulata, necessaria esse videtur.

Ut autem nihil hic dicam de *Vesica Natatoria*, quâ aërem insigni copia piscis sanguini inesse constat.

Caldesi verò *Italus*, nupera illa observatione, in Anatomia sua trium generum *Testudinum*, *magnæ* quantitatis aeris, in venis earum summè pellucidis, facilè visibilis, ipsi tamen primùm percepti & cogniti, sub forma bullularum sive vesicularum sanguini commistarum, &c. innatantium, rem illam abundè confecit.

Idem diligentissimus autor in iisdem Animalibus, (ut id hic quoque obiter notem) quorum pulmones ferè restibiles sunt & diu à respiratione immobiles, arteriosum tamen sanguinem frigidum, si quis dubitet,

ex

ex aorta missum, testatur è cocco rutilare, in venis verò secus se habere, ubi aër solutior est. Hujus autem *Doctrinae*, quâ aerem sanguini copiosè commisceri diximus : & in massa sanguinis, & in ventriculo intestinisque plurimum ejus contineri. Non tantùm cum cibo deglutitum, sed ex ipsis cibis copiosè ortum, tandemque cum alimento lacteas subire, *Primus* & præcipuus (quantum scio) Author est *Henshawius* noster aureo illo libello *Aero-chalinos* inscripto.

Porro, de Cordis Cochlearum insigni mollitie, & teneritudine, pulsusque regimine spontaneo, modò lento modò vehementi, suprà diximus. Idem etiam de Piscium auriculis magnis observavi, eas ferè tenuissimas vesiculas esse ; seipsas tamen vehementèr constringere sole-
re, non aliter, quàm si parietes validissimos, ac crassissimos habuissent. Profectò nisi quis oculis deprehen-
dat

dat Auricularum Piscium, aut Cotydis Cochlearum, Locustarumvè pulsum vehementem, vix à tam laxis & mollibus partibus aliquam contractionem expectabit.

Non ita dissimili modo è musculo cæruleo vulgari marino quædam setæ capillares sive cirri longiusculi dependent, quorum extremis singulis veluti cotylidones foliaceæ donantur. Si quis tamen ex iis aliquem aquæ salsæ injiciat (quod sæpius experimenti causa feci) post aliquot dies illum vitro vel patinæ figulari, tanquam rupi alicui, crines suos extremos infigere, seque tanquam immotum, velut totidem jactis anchoris, firmare posse. Illud tamen non efficere potuit, nisi crines invigorando. Nam eos pulchro quodam ordine *seriatim* disponere solet. Et si tam subtiles & longiusculi crines rigidi fieri & extendi possunt, quis amplius de visceribus, ullisq; vasis, ut ut tenuibus, laxisq;

dubitabit, quin exeri constringiq;
ex animalis arbitrio, queant, prout
usus uniuscujusque partis postula-
verit.

* II. *

COchleam albidam sive cinere-
am compressam, fasciatam,
Ericetorum, medio Octobri, quod il-
lam tempestivius habere non potui,
cultro subjeci. Atque hæc pauca
notavi.

1. Ipsum Cor, ejusve pericardi-
um; item Arteriam e corde exes-
centem, nigerrima quæq; Viscus
autem præcordiale, longum, angu-
stum, albidum.

2. Ipsum penem *claviculatum*,
quodammodo *bicipitem*; suisq; ca-
pitibus singulos fasces cirratos ad-
necti. Item uterus erat subfuscus;
ipsaq; Lactis subfusca.

3. In

3. In una autem ex iisdem majuscula, sperma ex uteri orificio jam totum penè ejectum vidi; altero tamen ejus extrema adhuc ipsi utero adhærebat; quavis gelatina limpidius, ut in aquam injectum, vix discerni potuit. In hoc autem crystallino mucò, admodum sarcininis cujusdam teretis confectio, plurima albissima punctiuncula valdè exigua videre licuit, haud dissimulatu, quàm in aquatilibus quibusdam Cochleis compressis, ineunte vetere, fœturam earum, inclusam & foras expositam jam sæpiùs observaveram.

† Tab. 23
Fig. 10.

Item, alia clara indicia notavi, totum hujusce Cochleæ Uterum, per istiusmodi aliquot portiunculas viscidas sive mucosas, exponendum fore. Quæ sanè pariendi ratio, huic terrestri Cochleæ, ut diximus, cum aliquibus aquatilibus communis est.

4. Ipsum quoq; *Testiculum* quasi *bicipitem* fuisse ; *longiorè*que vasculo deferente donatum.

Ex hac autem Cochlea inter alia constat, Uteri exponendi aliquam rationem esse, ne fœtus dissipentur ; sed unà ad maturum usq; partum conserventur. Item hinc discimus differentiam, ejusq; rationem inter Uterum, intra animal *integrum*, illūq; *expositum*, forāsque ejectum. Nempè haud ita dissimili fœtus modo extrà, quàm intrà animal nutrirī, & ad maturitatem perducī. Si quidem in Gelatina sive *muco peculiari viscoso*, quem hic Uterum expositum vocamus, Cochlearum fœtus ab exiguis ovīs incrementum sumunt, fiuntq; majuscula ; mox ab ovīs perfectis exclusæ Cochleolæ prorepunt. In *integro* verò Utero, ova similiter primū perexigua sunt ab ovario ; aliter per tam tenue infundibulum in Uterum transire non poterunt ; mox ipso Utero, sua quoque

que copiosa gelatina referto, incrementum; jamque *grandiuscula* facta, nudè simul exponuntur; at ferè aliquo cuniculo aut latibulo subterraneo, ut tuta sint; ubi tandem solitus aëris, verni, id est, tepidiusculi aut æstivi foru, in Cochleas perficiantur.

Færum autem exponendi ratio illa præcipua esse videtur, quòd is aliquibus Cochleis multo numerosior est, quàm qui intra tam *angusta Uteri claustra* commodè nutriri, certè debitum incrementum sumere, & justam magnitudinem attingere possint. Nam in Cochlea hortensi majore tota fætura vix trigessimum numerum implet. In Pomatia verò Gesneri, ubi ova omnium nostratum facillè maxima, rarò plura, quàm quindecim numerare licet. At in hac Cochlea, ex infinitis puncturis sive exiguis maculis in spermate exposito notandis, de multitudine Cochleolarum nascendarum conjicere

fas est. Illud accedit in Piscibus ubi fætura infinita est, & quæ omnem numerandi industriam superat, ova sine omni gelatina, quasi sicco utero gestantur.

* III. *

COchleam pullam, compressam, ambitu acuto, exeunte Novembri, dissecui. Hæc autem mihi occurrebant notanda.

i. Omnibus viscus præcordiale *cinereum*, longum & tenue. In una autem id genus Cochlea idem viscus ex croco rufescebat, succoq; subcroceo incisum scatebat: At in reliquis partibus limpidus succus vitalis, qualis in superioribus congeneribus dissectis. An illius partis aliquod vitium & *morbis*? Me sanè semel *Testiculum* alicujus Pomatiæ *scirrosum*, & valdè tumefactum observâsse memini. Forte

Forte similis morbus, in aliqua Ostreæ parte, imposuit Glissonio nostro ; ubi exhibet, ut suprà dictum est, Ostrearum succum vitalem interdum in sanguinem rubrum, *æstuante Sirio*, perfici.

Item in ipsis *crassis* Tendinibus sive musculosis ligamentis Bivalvium, quibus illarum fores clauduntur, & per quos ipsæ concharum testæ nutrimentum omne accipiunt, *i. e.* nutritium sive *lapideum* earum succum hauriunt, *vitium* illud *ilustre*, (ut id hîc obiter notem,) *Margarita* dictum, ferè oritur. Idque olim in Historia Animalium Angliæ summa fide exposui. Nunc autem repeto, ut & id genus animalium instantia morbosa sit ; & ut hic quoque occasionem captem narrandi, quomodo istiusmodi vitia propagentur. Ex similibus sanè vitiis lætamur, & superbimus. Quid enim aliud in floribus quibusdam colorum infinita varietas & magnitudo

est, quàm mangoniam aliquod vitiosum? Imò verò nullus dubito, quin si Ostreae Conchæve Margaritiferae, Musculive fluviatiles istiusmodi aquis, vel dulcibus, vel salis & marinis, nutrentur, quibus *succus petrescens* abundaret, Margaritas facificare, & ex id genus bestiolarum miseria & morbo, alicui indufirio ditescere liceret. Illud profectò huic opinioni abundè fidem facit; nempe, Conchylia jam memorata, his tantùm paucis, & notissimis maris locis, hisque solis fluminibus quæ admodum pauca sunt, Margaritis vitari. ex. gr. in Irlanda, Scotia, & Anglia universa flumina, Lacusque his *divitiis* colligendis notissima, etiam petrificationis insigni virtute donantur. Idem quoque de locis submarinis, ubi Margarinae expiscari solent, conjicere licet. Cùm contrà eadem ipsissima animalia aliis Maris partibus, aut alijs fluminibus infinitis nutrita, rarò

rarò aut nunquam Margaritas edere soleant. Sed de hac re alibi fusiùs dicere opportuniùs erit.

Sed ad succi vitalis colorem redeo. *Grenius* * noster hujus rei * Anat. aliam rationem comminiscitur. In ^{comp.} ^{ventric. &} ^{Intestin.} *omnibus* animalibus (inquit ille)

Cor rubri coloris est, quòd continuè movetur; ac si color ruber ex assiduo & violento cordis motu oriretur. At non audiendus est. Cùm Cor in plurimis Insectis, in Crustaceis inſto, omninò candidum est. sanguinisque adeo color ruber nec motui ejus, nec calori attribuendus est.

Porrò, neque est cur *doſiſſimum* *Peierum* magnopere offendamus, qui propter haud ita diſſimilem rationem, antiquam illam diſiſionem Animalium in illa duo eorum ſumma genera, ſanguineum & ex ſanguine, non approbat. Quippe mea perſuaſione, inquit ille †, ſanguis † De Rumin. lib. 1. c. 1. ineſt quantæcunque ſubtilitatis animalibus,

malibus, si absit præjudicatio. Neque enim sanguinis essentia præcisè consistit in purpura, neque ruber color illi ita inhæret, ut abstrahi nequeat, quin potius generalitèr sanguis nuncupari mereatur apud Philosophos omnis ille humor, qui viventium Corde, ac arteriis & venis ad instaurandam vitam natura continetur. Hæc ille. At alia planè res est, erudite vir, quæ hanc divisionem tueatur; nimirum sanguinis crassamentum rubrum, quod sanguineis animalibus proprium & peculiare est; nec ulli exsanguium, quod scio, natura concessum est: Nedum illorum succum vitalem vel calore ullo benigniore, vel continuo per Cor transitu, ut ut velocissimo, illam crassamenti consistentiam, colorémve nancisci posse. Stet itaque veterum divisio. Et uterque succus vitalis cum Peiero sanguis per me licet, appelletur, quòd utriusque continuo motu per corpus
cir-

circumacti officium est, animalium vitam instaurare.

2. Genitalium *figuram* accuratissimè duxi; certè quantum anni tempus tulit. Nam hâc tempestate hyemali admodum gracilia & extenuata mihi visa sunt.

In iisdem autem Genitalibus id peculiare animadverti; nimirum duas appendices uterinas *prælongas* fuisse, maximè præter normam reliquarum omnium, quas adhuc dissequi: Ipsa verò extrema earum obtusa & crassiuscula.

Item hîc quoque *Testiculus* longo ductu seminali ipsi hepati adligatur.

Spiculi etiam *capsula* pyriformis est. Cætera autem omnia, ut in ple-
risque congeneribus, sese habuerunt.

Apud *Malpighium* † tandem intel-
ligo (quod intactum præteriri no-
lo) in computatione ventriculo-
rum Limacum, esse majorem illorum
numerum, quàm in mea exercita-
tione

† Anat.
Bombyc.

tione ipse exhibui : Etenim eos quadruplici ventriculo donari ait. *Primumque* dicit ingluviei ad instar esse, in orbem extensum, *secundum* præpollere longitudine, novissimum denique in intestinum abire.

Imò quatuor ventriculos, inquit Harn. 4. ob. 2. *Jacobæus*, in Limace inveni. At nobis non licuit tam accuratum esse; etenim à faucibus ad imum ventriculum aliquot ejusdem œsophagi insignes ampliationes observavi; quibus omnibus meritò cum Aristotele unius ingluviei nomen indidi; ipsum autem inferiorem sinum cæcum (qui parvus est) stomachum appellare soleo. Atq; hæc dicere volui, ne aliquando ea de re inter nos dissensio aliqua esse in posterum credatur.

Ita non abs re erit, hic quoque cùm intestinorum mentionem fecimus, de *intestinulis cæcis*, quatenus Pancreas à nonnullis existimata sunt, pauca animadvertere: etenim si dicamus cum Peiero illa, si sunt glandulosa,

dulosa, ut esse videntur, perfungi etiam officio Pancreatis : Idem de reliquis intestinis quibuscunque inferendum erit ; nec magis hæ cæcæ appendices , quæ ventriculo subsunt, quam illa inferiora intestina, ipsæve ventriculus, ingluviesque superior hoc titulo insigniri merentur. Nam ubicunque glandulæ in intestinis, ibi quoque Pancreas.

At locus, inquires, & positio horum cæcorum intestinulorum, nimirum immediatè sub ventriculo, pro pancreate militat. Idem quoque argumentum pro jecore æquè benè facit. Verùm cum in his animalibus tot insuper viscera omnino desint, ut ipsum Jecur, Lien, Renes, Vesica, &c. quid nobis cum Pancreate ? quid ita pro illa sola parte simulata tantùm, & analogâ litigamus ?

Atque hætenus Spicilegium quoddam de Cochleis terrestribus, tam veteribus, quàm novis & non ante dissectis,

dissectis, raptim feci : quod, ut opi-
nor, nemo mihi vitio vertet ;
quippe cum ex preli mora, occasio-
nem, etiamsi minimè idoneo hisce
dissectionibus tempore, nactus sim ;
illam tamen in aliquod publicum,
ut ut leve, commodum locare, o-
pera prærium esse duxi.

I N D E X
Tabularum.

Figura Anatomica Cochleæ cujusdam, Pomatiâ Gesnero, dictæ. Tab. 1.

Fig. 1.



Fig. 2.




Fig. 3.



Fig. 4.




Fig. 6.





Fig. 5.



Tabulæ Primæ explicatio.

Figura Prima.

- a. a. a. a. a. **B** *Ranchiæ radiatæ sive cir-
ratæ membranæ adfixæ.*
- b. b. b. b. b. *Ipsa membrana branchialis ex-
tensa.*
- d. d. d. d. d. *Viscus cinereum, cujus pars
cordi propior, altera pellucidior, & hu-
mori limpidio turget.*
- c. c. *Cor.*
- e. e. e. e. e. *Hepar, ex viridi luteové sub-
fuscum: meconium veteribus dictum.*
- f. f. f. *Intestinum rectum.*
- g. *Intestinorum emerſio ex hepate.*
- h. *Stomachus inferior, sive ventriculus se-
cundus, subrotundus, cæcus; ubi Pylo-
rus.*
- i. i. i. *Ingluvies sive stomachus superior, ru-
gis quibusdam sive plicis secundum longi-
tudinem distinctus.*
- k. k. *Omentum bifidum, stomachum superio-
rem contegens.*

l. l. Omenti tendines suspensorii, capiti utrinque inserti.

m. m. Caput.

n. n. n. Musculi capitis retractorii.

o. Processus cæcus sub mento, an Arteriæ asperæ loco.

Figura Secunda.

Dens Cochleæ, lunatæ figuræ, circitèr quinque incisuris exacuatus, è microscopio depictus.

Figura Tertia.

Cor è costæ animalis, triquetrum : item Aorta succo vitali sive Cochleæ sanguine, subcæruleo, instar ovi albuminis vehementèr distenta.

Figura Quarta.

a. Vulvæ orificium.

b. b. Penis, prout in Coitu exeritur.

c. c. Stimuli Venerei theca, sive Funda jaculatoria.

d. d. Ipsius Fundæ apophyses, sive Folliculi quidem cirrati.

e. e. e. Præputium, peni & flagello cartilagineo condiendo inserviens.

f. f. f.

(195)

- f. f. f. *Capreolus, sive flagellum cartilagineum.*
g. *Flagelli apex rotundus sive nodosus.*
h. h. *Ductus sive vas aliquod deferens spermaticum.*
i. i. *Tendo penis retractorius.*
k. *Uteri vagina.*
l. l. l. *Ductus sive vas deferens, à Testiculo ortus, ipsique Utero tenui membranula laxa adnexus.*
m. *Testiculus.*
n. n. n. n. n. *Uterus multiplici cellularum apparatu instructus.*
o. o. o. o. *Uteri ligamentum latum, opacum, læve, vermiculatum.*
p. *Lactis sive Glandula Uterina.*
q. q. q. *Ovarium.*
r. r. r. *Infundibulum ab Ovario ortum, catenæ instar spissè revolutum; ad Lactis alterum caput utero conjunctum.*

Figura Quinta.

Spiculum Veneris è Microscopio depictum.

Figura Sexta.

*Tendines sive muscoli, & oculis & capiti
& toti cuti movendæ inservientes.*

- a. *Nodulus, ubi plerique minutiores nervi
sive tendines concurrunt, ac si de natura
spinalis alicujus medullæ esset.*
-

Tabulæ Secundæ explicatio.

Figura Prima.

Spiculum Uterinum Cochleæ vulgaris majoris hortensis.

Figura Secunda.

- a. a. *Intestinum rectum.*
b. *Ejus exitus.*
c. c. c. *Intestinorum volumina, prout naturalitèr per ipsum hepar reflectuntur.*
d. *Ventriculus inferior sive cæcus.*
e. e. *Ingluvies sive ventriculus superior.*
f. *Gula.*
g. *Processus sub mento.*
h. *Labrum inferius rostratum.*
i. i. *maxillæ.*
k. *Dens sulcatus, coloris spadicei.*

Figura Tertia.

- a. *Vulva ejusdem Cochleæ exerta.*

b. b.

b. b. *Funda, five spiculi Capsula.*

c. c. c. c. *Penis, ut in coitu exeri solet,
uncatus, ipsi vulvæ adnexus.*

d. d. d. *Capreolus è pene exiens in coitu.*

Figura Quarta.

Capreolus è Pene eductus, integer.

Figura Quinta.

*Nodus in capreolo oblongus, stimulis uncatis
exasperatus, è microscopio depictus.*

Figura Sexta.

*Uteri appendices corniculatæ in Cochleis
Nigritis.*

Figura Septima.

*Nigritæ Cochleæ sic dictæ spiculum Uteri-
num è Microscopio depictum.*

Figura Octava.

Genitalia Cochleæ terrestris Umbilicatæ.

a. a. *Penis.*

b. b. *Funda Uterina claviculata, intus
cochleatim intorta.*

c. *Vulva.*

d. d. *Testiculus.*

e. e. e. e. *Uterus.*

f. f. *Lactis.*

g. g. *Infundibulum sive Funiculus ab Ovario
ortus.*

h. *Ovarium.*

i. i. i. *Folliculi Uterini cirrati.*

Figura Nona.

Hepar pelliceum Astaci flaviatilis.

a. *Ventriculus inferior cæcus, quasi biceps.*

b. b. b. *Intestinum rectum.*

c. c. c. c. c. *Hepar bifidum, pelliceum, ex
infnitis intestinulis cæcis constans.*

f. *Intestinulorum cirrus singularis.*

Figura Decima.

a. a. a. a. *Genitale claviculatum biceps.*

b. *Testiculus quasi biceps cum vase deferente
longiusculo.*

c. c. c. c. *Farcimen quoddam crystallinum ;
quæ ipsius Uteri pars exposita est ; pun-
ctiunculisque crebis albidis distinguitur,
& quavis gelatina limpidius est.*

d. *Lactis subfusca.*

*Reliqua autem se habent, prout in superiori-
bus exposita sunt.*

Tab. 2. Cochleârum Terrestrium Anatomia.




Fig. 4.

Fig. 5.




Fig. 7.



Fig. 10.






Fig. 8.



Fig. 10.



Fig. 9.


*Hepar Pelliceum
fluviatilis.*



Astaci

Anna Lister delinavit. 1693

Tabula. 3. Limacum Anatomia.






Fig. 5.



Fig. 11.






Fig. 6.



Fig. 7.



Tabulæ Tertiæ explicatio.

Figura Prima.

L *Imacis nigri* Cor, visceri præcordiali inclusum, è microscopio depictum.

Figura Secunda.

- a. *Limacis nigri* vulva subcrocea.
- b. b. b. *Penis*.
- c. *Testiculus*.
- d. d. d. *Uterus cum suo ligamento*.
- e. e. e. *Lactis sive glandula Uterina*.
- f. f. *Infundibulum*.
- g. g. *Ovarium subcæruleum*.

Figura Tertia.

Ejusdem Limacis nigri intestina cum hepate.

- a. *Gula*.
- b. b. b. b. *Ingluvies sive stomachus superior vacuus, rugisque secundum longitudinem deductis conspicuus*.
- c. *Ventriculus cæcus, peræ alicujus in modum latefcens*.

- d. d. *Intestinorum ramuli, quibus ea cum hepate committuntur.*
 e. e. e. e. e. *Intestina reliqua ad anum usque explicata.*
 f. f. 1. f. *Hepar foliaceum, in binos majores lobos diductum.*
 g. *Sedes Ovarii in inferiore hepatis lobo.*
 h. h. h. h. *Venæ argenteæ per totum hepar ejusque minutiora foliola discurrentes; item ipsam ingluviem sive stomachum superiorem universâque intestina, recto non excepto, amplexantes.*

Figura Octava.

- a. a. *Cor limacis nigri.*
 b. b. *Membranulæ laceratæ pars, quâ visceri præcordiali adhæret.*
 c. c. *Aorta, venis paulo crassior, ut ex coctione apparet.*
 d. d. d. *Vena cava sive maxima, ex hepate orta.*
 e. e. *Pars intestini recti.*
 f. f. *Pars intestini tenuioris.*
 g. g. *Locus, ubi venæ ab intestinis venientes, cum vena cava, ante ejus in Cor ingressum, committuntur.*

Figura Quarta.

*Limacis succini colore, maculis albis notati
Genitalia.*

a. a. *Penis.*

b. b. *Testiculus oblongus.*

c. c. c. c. *Uteri ligamentum vermiculatum.*

d. d. d. d. d. *Uterus.*

e. e. e. e. *Lactis sive Glandula uterina.*

f. f. f. *Infundibulum sive Funiculus ex Ova-
rio ortus.*

g. g. *Ovarium albidum.*

Figura Quinta.

*Officulum Cordi, præsidii causa superinjectum,
è microscopio depictum.*

Figura Sexta.

*Limacis maximi cinerei striati interiora ex-
hibet*

a. *Caput corio sive pelle nudatum.*

b. b. *Omentum bifidum.*

c. c. c. *Ingluvies sive stomachus superior
cibo distentus.*

d. *Ventriculus inferior cæcus.*

e. e. e. *Hepatis majores lobi explicati.*

f. f. *Reliqua intestina explicata.*

g. g. *Cor viscere suo circumseptum.*
h. h, h. *Vena cava ex hepate orta.*

Figura Septima.

Ejusdem Limacis Genitalia quæ paucis mutatis explicantur, ut superiorum.

Figura Nona.

Dens Tricuspis limacis ejusdem.

Figura Decima.

Cor cum arteria magna venâque cavæ ejusdem limacis; eodem obliquo situ quo in animali ponitur.

Figura Undecima.

Limacis minimi cinerei Genitalia. Lactis bicornis; Testiculus angustior. Reliqua ferè ut in superioribus.

Tabula Quarta.

H*Epar pelliceum cujusdam Cancrini exhibet.*
Item binos Dentes Sepiæ tricuspides.

Figuræ

Tab. 4.
Hepar pellicum Caneri *cujusdam minoris*
marini Dog-crabbs Anglice dicti.




Bini Dentes Sepiæ tricuspides

quorum pars media

Pilaci rostrum æmulatur.

Tab. 5. Genitalia Cochlearum Terrestrium.



Figuræ Tabulæ Quintæ explicantur.

Genitalia Cochleæ maximæ hortensis
maculatæ & fasciatæ.

Figura Prima.

- a. a. a. a. *Ductus seminalis ejaculatorius.*
- b. *Testis.*
- c. c. c. *Lactes.*
- d. d. *Infundibuli pars sine ovario.*
- e. e. e. e. *Uterus.*
- f. f. f. *Penis capiculatus, sive flagelli-formis.*
- g. g. *Uteri orificium pyriformis*
- h. *Uteri capsula, in qua reconditur stimulus veneris.*
- i. i. i. *Appendices Uteri digitatæ sive ramosæ*
- k. k. *Tendo Retractorius Penis.*

Figura Secunda.

Una ex appendicibus ex microscopio paululum aucta.

Figura

Figura Tertia.

Genitalia Cochleæ multifariam fasciatæ & non fasciatæ.

a. a. a. a. *Penis flagelliformis sive caviculatus.*

b. b. *Tendo retractorius Penis.*

c. *Capsula Uteri*

d. d. *Appendices Uteri omnium longissimæ; Utraque in binos ramusculos divisa; quorum ramusculorum tres binos tantum, quartus tres digitos emittunt.*

c. c. c. *Vas seminale.*

f. *Testiculus.*

g. *Lactes.*

h. h. h. *Uterus plicis conspicuus.*

Figura Quarta.

Genitalia Cochleæ Fuscæ, compressæ, extimi orbis ambitu acuto.

a. a. a. *Penis claviculatus.*


b. b. *Penis ligamentum sive Tendo retractorius.*

c. *Uteri capsula ad condendum telum venerium.*


d. *Uteri appendices simplices, sive binæ tantum; Et non digitatæ.*

e. e. *Ipsa Uteri vagina.*

f. f.



21 Buccinum admodum crassum, ingens, quinq; orbium, leuiter Tab. 6.
 purpurascens à Surinam. Oviparum.



Orum uere Testaceum i. e.
 putamine duro fragilib; contextum.



pullus recentior exclusus

f. f. *Duo itinera ; quorum unum ad Uterum
ducit ; alterum ad Testiculum.*

g. g. g. g. *Ipse Uterius.*

h. h. *Lactes.*

i. *Testiculus.*

k. k. *Infundibulum.*

l. *Ovarium.*

Tabula Sexta.

C*Ochlea terrestris à Surinam Indiæ oc-
cidentalis, ejusque ova & pulli nascent-
es, juxta suâ quæque magnitudine depicta.*

APPENDICULA.

I N Q U A

Viscera quædam Polypi, sepia, Loliginis è diversis authoribus exhibentur ; nimirum ex Aldrovando, Swammerdamio, Fr. Redi.

CUM autem quæ ex Francisco Redi, accuratissimo dissectione, excerptimus nondum aliqua communi lingua edita sint ; & quod aliquid amplius in instituto præsentis me posse præstare, præ infirma valetudinè, cogitare temerarium esset ; ideo ea jam ex Italico idiomate latinè transferre & nostris impræsentiarum, aliorumque dissectionibus, qui de id genus animalibus tractarunt, apponere operæ præmium esse credidi. De vivis itaque Animalibus, in vivis animalibus re-
pertis, hæc habet laudatus author.

Septem ductus, sacculosque orificiis apertis laxatisque videre licet in ventre piscis Sepia sæminæ. At in sepia mari ex iis ductibus quinque tantum.

Maris autem è ductibus primi duo sunt Intestinum & Atramenti vesicula : eorum exitus conjunguntur, qui in podice terminantur, intèrque alios duos sacculos membrano-

fos collocantur, qui in Branchiis connectuntur. Quintus autem sacculus est, qui, ni fallor, ad generationem pertinet; in se continet corpus solidum, quatuorque digitos minimum longum, pauloque minus penna anserina crassum, multisque orbibus convolutum. Præter ejusmodi verò corpus hic quintus sacculus in se alterum parvum sacculum inclusum habet, cum ductu quodam etiam in multas spiras convolutum, materia candida viscosa plenum.

Polypi autem alimentorum Canalem, ad figuram illius, qui in aviculis plerisque est, quodammodo confectam habent. Quippe eorum os nigro Rostro, ad similitudinem Psytaci allicijus armatur: œsophagum verò gula excipit: ventriculus musculosus est, & ex parietibus crassissimis fit: sub ventriculum verò ab ipso intestino pendent ab ipso intestino aliud intestinum sive magna appendix cæca.

In quadam magna Polypo fœmina, quæ octodecem libras perdebat; ex illo genere quæ quinque tantum pedes habet, non octo, ventriculum extra tuberculosum, vermibus scatentem observavi.

Alimentorum autem integros Canales depictos exhibui tam Polypi, quam Sepiæ & Totani, sic Italicè dicti, ad quandam Græci nominis imitationem; i. e. Loliginis.

Tabulæ Septimæ Figurarum explicationes.
Figura 1. Ex Swammerdamio apud Blasium
quædam

quædam partes Sepiæ sæminæ exhibentur.

- a. *Eructarium atramenti.*
 b. b. *Branchiæ*, c. c. *Ova*. d. *Ductus per quem exeunt ova*. e. *Ovarium*. f. *Exitus intestini & eructarii atramenti*. g. g. *Duo corpora glandulosa forsan testes*. h. *Pars peculiaris humorem rubellum continens.*

Figura 2. *Sepiæ Cor cum Branchiis.*

- a. *Cor*. b. b. *Branchiæ.*

Figura 3. *Ex Francisco Redi. Alimentorum Canales Sepiæ.* m. *Rostrum*. n. *Æsophagus*. o. *Stomachus*. p. *Intestinum cæcum*. q. q. *Intestina*. r. *Atramenti sive fellis vesica*. s. *orificium ad anum.*

Figura 4. *Alimentorum canales Polypi.* c. *Rostrum*. d. *æsophagus*. e. *Gula*. f. *Stomachus avicularum æmulus*. g. *Intestinum cæcum* h. h. i. *Intestina*. k. *Atramenti vel vesica fellea* l. *Exitus in ano ubi intestinum; ubi intestinum & atramenti vesica sese exonerant.*

Figura 5. *Loliginis alimentorum Canales.* t. *Rostrum*. u. *æsophagus*. x. *Atramenti sive vesica fellea*. y. *Intestina*. z. *Exitus ad podicem*. v. *Stomachus*. v. v. *Intestinum cæcum sive stomachus secundus.*

Figura 6. *Loliginis majoris ex Illyrio Gladius apud Aldrovandam de Mollibus.*


F I N I S.

Tab. 7.

*Aliquot Viscera Loliginis, Sepiæ, Polypi ex Aldrov.
F. Redi, Swammerdamio apud Blasium.*

Fig. 6.

Illyrio Gladius.



Loliginis majoris ex Illyria



Fig. 1. The whole animal, as it is found in the shell.
Fig. 2. The same animal, as it is found in the shell, but with the
viscera removed.

